楊樹達編著



中華書局







楊樹達編著



in de la company de la company

中 華 書 局



楊樹達編著

中 華 書 局 出 版 (北京王府井大街 36 號) 新華書店北京發行所發行 北京印刷一厂印刷

850×1163 毫米 1/32・7 1/3 印張・149 千字 1980 年 9 月新 1版 1980 年 9 月北京第 1 大印刷 印數 1-21,000 册

統一書號: 9018 · 108 定價: 0.85 元

出版説明

楊 價值。 修辭學應該有助於讀者的寫作,但今天不也不寫文言,要不寫兩漢以上那樣的文言,所以這本書 爲主,旁及古人用詞造句的特例和文病,分爲十八章,附文有若干事」,成爲此書。 義 他的《春在堂全書》,真是洋洋大觀。他的著名學生章炳麟認爲俞氏所著書,還是《古書疑義舉例》最有 於讀者寫作的小,有助於讀者能讀懂古書的天。 續補》和《詞 有以得其用心。」我們認爲,楊氏這書,很能得古人遣詞構句的用心,對於讀懂古書,除 才寫成現在這個樣子。 氏此書足補《古書疑義舉例續補》和《詞詮》之所不及。 舉例》有系統的增補和擴大。 楊樹 楊氏著作也多,但影響最大的是《詞詮》。而張为最深的是甲骨、金文和其他有關文字學的書 達(一八八五 其實這本書的內容,不限於漢文文言修辭,依作者的初版序,似可看作《古書疑 ——一九五六)的《漢文文言修辭學》本是解放前在清華大學的教本,幾經增 作者本有《古書疑義舉例續補》二卷, 「俞樾寫子」「輩子的書,當時便有「拚命著書」的名聲。 陸機《文賦・序》説:「余毎觀 其後因講授修辭學,便以修辭學 出版 自然,從今天來說, 《古書疑義舉例 才士之所作, 有助 補,

中華書局編輯部

九八〇年二月



目次

月次	乙 物不顯	甲 事不明	一 不修辭之害	一 修辭之益	第二章 修辭之重要	三 辭	二 修	一 修辭	第一章 釋名	中國修辭學自序	增訂本中國修辭學自序	重版更名漢文文言修辭學序
		不明		修辭之益	修辭之重要三	J DIGHT			A Comment		[1]	版更名漢文文言修辭學序言
] 0								四	[1]	

目次	一 被動的變化	己 介詞	戊 副詞	丁 狀詞	丙 動詞	寅 他稱	丑	子 自稱	乙 代名詞	丑 公名	物 地名	人 氏名	地 國名	天 人名	子 私名	甲 名詞:
=	被動的變化	介詞五九	**************************************	狀詞五八	動詞五五	他稱	五二	<u> </u>	代名詞五〇	公名四五	地名四四		國名四四	人名	○E	名詞四〇

第六章 嫌疑	五鳴蒜	三 避諱	一 避複	第五章 改竄	丑 調聲…	子協設…	己譜音…	戊 避實	丁 表異	丙 避諱…	乙 避嫌	甲 避複…	
	0 0 0 0 0 0 0 0 0 0 0 0 0 0 0 0 0 0 0	避 諱	6 6 8 8 8 8 8 8 8 8 8 8 8 8 8 8 8 8 8 8	鼠		8 8 9 9 9 9 9 9 9 9 9 9 9 9 9 9 9 9 9 9		:					
							0 0 0 0 0 0 0 0 0 0 0 0 0 0 0 0 0 0 0				0 0 0 0 0 0 0 0 0 0 0 0 0 0 0 0 0 0 0 0	0 0 0 0 0 0 0 0 0 0 0 0 0 0 0 0 0 0 0	
·····八二				七五							ニー		Į,

目 次	第八章 雙關	三 舉隅反例	第七章 參互	三 不別白而可知	一	己	戊 官名	丁 年號	丙 正削	乙 地名	甲 人稍	一
ħ		一		九八	九二	, , , , , , , , , , , , , , , , , , ,	九一	九	儿〇			

丙 響吃	乙	甲 戛止一三八	三年	第十一章 存眞一三八	第十章 誇張	乙 避忌的一二七甲 通常的一二六	0 0 0 0 0 0 0 0 0 0 0 0 0 0 0 0 0 0 0 0	一 稱名之曲一二四	第九章 曲指	一 音的雙關一二一一一義的雙關一二一一六	
	三	三元			······] [1]]		···	·····································			

	第十四章	第十三章	七六	五四以以以	三二四四	 	第十二章	乙甲二
目	章	章	質代	事代	が前代	大代	章	反正 酬
次	連及	合敍	以質代物・・・・・・・・・・・・・・・・・・・・・・・・・・・・・・・・・・・・	以事代人	以前代後・・・・・・・・・・・・・・・・・・・・・・・・・・・・・・・・・・・・	以大代小	代用	
七			一五四	五五三五三五三五三五三五三五三五三五三五三五三五三五三五三五三五三五三五三五三五	- 五五	五.〇	五〇	

七三	第十六章 錯綜 一 名稱 甲 姓與名錯舉 - 去 先姓後名 - 五 先名後姓 - 乙 姓與字錯舉
	三 釋事
	第十五章 自釋
物名連及	四 物名連及二 公名連及
	一 私名連及····································

目次	甲 趁韻	一 詞的顚倒	第十七章 顚倒	三 上下文之關係	丁 介詞與其賓齡	丙 動詞與其賓齡	乙 主辭與述辭	甲 名詞與其狀詞	二 組織	丑 先下一字後上一字··································	子 先上一字後下一字	丁 二字之稱上下錯舉	丙 姓與國錯舉	丑 先字後姓	子 先姓後字
九		八三		一八一		八八八八八八八八八八八八八八八八八八八八八八八八八八八八八八八八八八八八八八八		144	144						

2	戊	丁	丙	乙	甲		第十八章	丙	乙	甲	_	乙			
			字省稱		姓省稱·	省字···			因	主語	句的願		丑句	子句	
諡省稱	官省稱	姓字連省稱:	辨	名省稱	稱	省字	省略	雜例	句與果句:	與述語:	顚倒	非趁韻	中韻	句末韻	
						•									
	•		•	0 0 0 0 0 0 0 0 0 0 0 0 0 0 0 0 0 0 0 0				•							
	0 0 0 0 0 0 0 0 0 0 0 0 0 0 0 0 0 0 0 0	•	•	:			•	•		•	0	•	•		
		•				•	***								
•	0 0 0 0 0 0 0 0 0 0 0 0 0 0 0 0 0 0 0 0		6 0 0 0 0 0 0 0 0 0 0 0 0 0 0 0 0 0 0 0	•	6 6 6 6 6 6 6 6 6 6 6 6 6 6 6 6 6 6 6	•		0 0 0 0 0 0 0 0 0 0 0 0 0 0 0 0 0 0 0 0	•				•	0	
	0 0 0 0 0 0 0 0				•	•	0 0 0 0 0 0 0 0	0 0 0			•	0 0 0 0 0 0 0 0 0 0 0 0 0 0 0 0 0 0 0	•		
			•	0		•	•				•	•		•	
			:	0 0 0 0 0 0 0 0 0 0 0 0 0 0 0 0 0 0 0								•			
				:				0 0 0 0			•		•		
	:			:	•	一八八	:		:	<u>:</u>	<u>:</u>				
九五	九四	九四	九三	一八九	八八八	八八八	八八	八七	八七	八六	八六	八五	八五	八三	

														_		
		Z											甲	=	辛	庚
目	子		寅	丑	子	下	辰	ùl	寅	#	子	F	承	省詞	L ih	33
Ħ	名	下				動						名	Ŀ	the	省	名
次	名詞…	探下省	外動詞	外動詞	內動詞	動詞	先目後凡:	加辛	領位辭	賓鮮	主解:	名詞	承上省	省詞	地省稱	譯名省稱
			嗣	詞	詞	•	後	POT	辭	INT.	DIT.					313
			與客		•		凡									
			與賓語·									:			:	
	:															:
	:				•		:	•	•	0 0 0 0 0 0 0 0 0 0 0 0 0 0 0 0 0 0 0 0	:	:			:	
	:	:	:			:			:		•			:		•
							:			1						
	:									:	•					
					•	:	:			:					0 0 0 0 0 0 0 0	
							:			:	:	:		•		
	•									•	:	0 0 0 0 0 0 0 0 0 0 0 0 0 0 0 0 0 0 0 0				
	:	:								•				:		
															:	
									0					•	•	:
								0		•						
	:								•							:
		:			•						:					
		:						:			:	:				
_				:					•							
								:			:	:				0 0 0 0 0 0 0 0 0 0 0 0 0 0 0 0 0 0 0
] [0] [1]	11011	100	1100	九九九			九七	•	九六		一九六		
	0	O	0	Õ	0	0	九	九	九	九	九六	九	九	九	九	九五
	24	14		-	\circ	\cup	フレ	八	七	-14	7	万	1	1	π	\mathcal{I}_{L}

	乙 語急省····································	=
	丙 承上探下兩省	
外動及其賓辭	寅 外動及其賓辭	
動詞	丑 動詞	
	漢文文言修辭學	

附錄

重版更名漢文文言修辭學序

{文 舉 關 隱 强 嫌 此 字 集 是 不 温 前 } } } 居 承 解 晏 書 語 知 9 作 過 尋 得 張 大 音 2 日 其 注 之 }修 重 不 封 故 利 背 (幣 雙 晏 嫁 : 外 mi 印 也 日 侯 書 風 雖 學 斟 實 旣 0 用 ifi : , 9 H 2 E 禄 小 有 9 大 未 叉 有 0 [11] 版 蓋 例 皆 朋 抵 0 H 知 以 危 雙 , 音 社 先 我 矣 之 語 漢 禄 其 鹿 9 雙 關 書 im 档 4 弱 義 9 , 書 位 所 喻 弱 例 不 9 樂府 建 氽 的 包 而 也 以 安 此 帝 為 謂 含各 復 議 應 雙 背 傳 然 事 0 位 0 余 關 改 得 詩 祿 畔 雠 也 相 0 , 此 名 之背 民 科 集 音 關 然 君 0 不 , 書 族 今 之背 , 學 之 語 則 余 同 E 易 最 較 出 例 字 秦 â 按 111: , 錄 例 也 近 公為名實. 且 版 異 失 張 最 9 應 0 , 入 H 於 讀 叉 貴 各 社 多 共 禄 說 以 , 卷 , 有 者 其 應 是 記 書 1 9 同 imi 特 重 相 或 其 爲 卽 音 矣 通 , 如 矣 不 補 即 副 語 述 當 雙 秦 云 對 9 , 可 記 0 9 , 言 及 疑 關 . 失 此 然 高 言 之 送 此 故 韶 中 其 以 喻 9 , -帝 0 海 0 今 漢 文 雖 臣 脉 mi 或 應 _ 帝 日 2 # 依 有 張 雙 余 科 請 位 H 張 書 作 , 為 其 晏 E 弱 晏 此 學 其 乞火 何 卷 9 語 議 院 亦 謂 書 以 YE. 例 為 四 承 音 茶 未之及 院 於曹 , 僅 秦 祿 必 + 日 而 或 的 失其 更 及 失 : 長 散 用 也 Ji. Λ 雙 名 漢 其 文無 郭 0 鹿 蒯 愛 相 關 爬 文文 位 為漢文文言修 沫 {論 字 , 國 通 頀 , 9 之 }語 岩 前 耳 背 傳 , , 天下 卷 此 盲 先 A (為 者 , 9 0 記 閥 4 叉云 政 故 亦 以 , 4 必 通 躍 , 共 偶 文 以 Z 特 篇 建 更 有 说 購 (逐之, 失 341 議 無 用 背 補 . H 其 信 讀 載 節 國 _ 二子 故 此 id 盲 鹿 畔 H , 之云 之者 學 }修 書 0 東 字 則 至 , : 高 舒 似 H 郭 m , , 大 H 張學干 材 故 學 背 imi П 硱 先 張 貴 1 0 相 者 記 改 叉 7 生 1 氏 為 6 君 也 先 文用 名 名 卷 Ż 其 梁 未 之 0 得 淡 寫 及 此 石 由 , 面 近 0 0 文 態 以 如 所 君 涿 П 9 ,

此云。 漢文文言修辭

學

公元一九五五年八月四日楊樹達記。

增訂本中國修辭學自序

將重 足爲 二十 容 返 湘 篳路藍縷之資, 餘 , , 余方詫爲不 從 年 湖 前 南 , 大學書庫 余草 }#i 虞之譽也 未可 }國 借讀 修 知 {解 也 0 此 學 頃 書 , _ 來 書 因 ,謬以爲有合於辨 取向 無事 在京教授 日 , 所 取 脱漏 m 審 數 若干 視 通 , 證 後 似 法 事 , ·補入卷 棄 亦有頗見用心 , 顶 置. 稱 不 中 共 顧 美 者 , 付 久 , 中國 客座漫談 矣。 者,計國 宁 科 年 學院請審 夏間 4 , 公會 一向少佳 , 查馬 老友徐 宣 書 0 , , 是書行 譽之不 此 特 編 立

或

君

九五三年十月二十二 日樹達記於嶽麓山之耐 林 廎

0

印

, 因

記

其 緣

起

於

此

0

增 訂本中國修辭學自序

中 國 修 辭 學 É 序

必• 為• 冀• 構• 修 其 生 往 九三三 滴 欲 涉 具·治·文·造·辭 , 余 令 僻. 先 統 Λ 校 , , 9 屨 世 彼·而 勘 補 之•無•科 4 车 之 之• 謂• 美• 中• 者 俞 復 9 , 庶 治 外·當 氏 ___ 所• 其• , 書 9 足 此 缺•修•與•大•事 起 頗 古 + 令 群 書 僻·治·都·者 學 9 稱 後 則•之•文•一•以 疑 者 才 余 4 我• 術• 法• 致• 屬 及 義 用 , 之 不• 與•惟•, 华 躯 知 余 心 + 審 例 此 能•歐•求•故• 0 , 未 有 事 獨·洲·達·其·余 密 , 有•爲•者•詞•乃 自 為 能 以 0 舒 ─ · 殊 · 品 · 略 交 余 餘 9 族 業 it: 其•源•科•不•事 因 杭 章 文 贬。, 念 族 0 能•搜 , 姓 化 己•不•族•盡•討 修 俞 太 之心 傳 之 媚•亦•姓•與• 君 炎 , 澎 人。誣。不。他。迄 書 先 __ 篇 平。同。族。今 表 本 生 , 9 im 不。 9 殊。數 兼 親 9 , , 義 異·裁 即 說 本 已·昧·則 柚 當 卒 媚 甚•者•其• 3 , 修 手 交 之 沈 乎。顧。所。治。乃 於 解 未 俞 浸 取•以•文•有 狂 1 校 於 五 彼• 米• 法• 此 暇 勘 君 反 以 族• 美• 者• 篇 為 舊 今 , 不 之• 之• 乃• 北 事 因 15 聞 , 欲 所·術·不·蓋 介 嵌 0 m 9 會 吾 以 韶 爲• 自• 能• 已 欲 Z 余 友 吾 一· 異· 不· 四 爾 鈎 便 __. 任 歙 稽 0 因•易 擴 書 0 態·況·。 椹 教 之 足 充 縣 之• 在• 若• 矣 吳 法 以 於 , 分 清 承 出 盡 9 華•夫• 0 tt 之 吾 彼•夏•修•余 业 Z. 大 檢 或 爵· 恆 成 , , 齋 無 所·歷·之· 謂 學 修 專. 有• 古• 事• 舒 科 就 為 : , 以。 語。 校 7 , 削 Z IF.

則•尚•乃•言

我• 文• 欲• 之• 有

課 學 於

先

月

Ξ

H

,

楊

樹

这

挫

於

睫

沙

清

香

留

窜

0

己 全

足

第 釋名

修辭

易乾文言云:子日 : 君子 進 德 修 業 0 忠 信 , 所 Ü 進 德也 ÷ 修幹• <u>J</u>. 其. 誠. , 所• 以。 居。

業。

也。

修

說文解字九篇 0 E 三二部 - 修 , 飾 也 0 从 = 攸聲 0 段 玉 裁 注 云 : 修之从 三者 , 酒。 刷。 之。 , 藻 繪 之

憲問篇云:子曰 : 爲命

,裨諶草創之,

世。

叔討論之,行人子羽修飾之,

東里子産潤色

論語

+ 四

也

之。

子 日 : 春秋之稱 , 微 imi 顯 , 志 im 脢 9 婉 而 成 童 9 盘 imi 不 汗 , 懲 惡 而 勸 善

非聖人誰能 傳莊公七年云 能修之?

第

章

釋名

左傳成公

+

四 年

云

.

君

公羊 :不修春秋日 : 雨星不及地尺而復。」 君子修之,日 · 星質如雨

{論 {禮 {易 繋解 文解 記 樹 八 達 干 }泰 ぶ 字 -二表記 伯 + 按 : 篇 其·四 : 文 旨。 云 , : 篇 遠·下 ,净 曾 云 7-. 其•{部 , 遠 日 情・僻・云 晶 : 欲• 文• : 倍 信• 僻. , 出• 其·, , ,

言。僻。僻。言。說。

僻·氣·欲·曲·也·

巧·而·,

中·从·

質。 0

辛.

0)

¥.

狮.

理.

惡。

也.

0

當• ;

美•遠•

心。點。

水·斯·。

倍。

矣。

0

}衞 按 記 按 云 : 靈 . 達•公 不•云 : 謂·篇 **辭·辭·** 費•不•巧 明·云 劣。 白:: 則。, 史・言・費・ 晓•子 暢・日 當。 , : 少。求。 僻・¬ 則• 簡• 能· 僻· 不· 也· 達·達·達· 。 意•而•。

也。已。僻。 矣。荷,

0

足。

以。

達。

,

義.

之。

强。

也.

0

聘禮

樹

達

+

五

樹

達

,

0

}記

}曲

禮

結

.

僻.

0

昴二章 修辭之重要

一修辭之益

焉 左傳莊公十 M. ; 集約罪 質 示敬 A 一年云:秋,宋大水,公使吊 , , 天降之災 其亡也 忽焉 ,又以爲 0 H 列 君 憂 或 有 , X 拜 命 焉 稱 之 抓 0 导 日 , 禮 : 0 也 天作淫 臧文 0 言懼 仲 日 雨 而 : 名 ,害於粢盛, 禮 宋其 ,其 庶 興 II. JE. Ĺ I 若之何不 禹 湯 旣 罪 而 市し 린 聞 Z 9 其 日 興 對 : 也 日 悖 :

禦

說之辭

也

0

| 臧孫達日

:

是宜

爲君

· 有恤民之心。」

平? 戒 採 又襄公二十三年云:孟氏 毋或 1 , 0 冬十月 季孫 臧孫 如 東 怒 季 孫 門 日 , ,孟氏將辟 命攻 : 日 逐 : 不 無 敝 聽 辭 公命 臧 氏。乙亥,臧紇斬鹿門之關以出,奔邾 孫 。」將盟 , 開門 之罪皆不及此 籍除 , 殺適 於臧氏 ,告於季孫曰:「 敝 立 氏, 庶 1 , ٥ 季孫召外史掌惡臣而 臧孫 盟权 孟椒曰: 使 孫氏 正夫助之, 臧氏將 也 , 志 以 為 日 亂 除於東門 其犯門 : 問 。臧紀致防 , 盟 不 毋 首 使 或 爲 我 斬 如 關 , 0 葬 叔 對 甲從己而 ? m 0 孫 奔齊 日 _ 季孫 僑 : 季孫 如 0 欲 視之 用之 盟東門氏 其 不 廢 人 信 或 E 0 0 0 常 孟氏 乃 版 : 盟 11 採 , 級氏 其盟 叉 邁 聞 , 覆 日 告 之 公 我 :

第

章

修辭之重

日 . 無 或 加 敝 孫 紀 F 或 之 紀 , 犯 門 嘶 剐 1 敝 孫 聞 Z , 日 : _ 國 有 ٨ 焉 1 誰 居 ? 北 析 椒 F. I

 \equiv

服 叉 襄 我 公二 先 + E 五. 我 年 云 先 : \pm 賴 鄭 其 子 產 利 獻 器 捷 于 也 晉 , 車 9 其 戎 服 神 將 明 之 事 後 O 晉 也 人 9 庸 問 以 陳 之 元 罪 女 大 0 姬 對 配 日 胡 : -公 昔 丽 魔 計 以 諸 陳 父 爲 以 周 備 陶 IF. 9 以 ,

周 义 則 命 之 我 血 事 9 大 蔡 周 圓 德 之 有 X 自 志 我 , 整 藏 東 出 9 門 我 厲 , 之 至 大 公 于今 役 惠 , 至 9 9 是 當 於 棄 莊 賴 陳 我 宜 姻 隧 0 親 皆 相 用 者 我 公之 , , 之 井 介 恃 自 創 堙 木 楚 立 2 蔡 衆 刊 0 以 夏 0 人 敝 憑 氏 欲 陵 之 邑 立 亂 天 我 其 懼 出 敝 , 邑 成 不 , 競 公 我 9 不 播 先 m 湯 君 Ħ 恥 億 莊 大 9 叉 姬 逞 公 我 素 9 , 天 我 之 Ŧi. 是 自 誘 父 以 其 入 丽 衷 有 立 : 君 之 往 , 啓 年 所 9 蔡 敝 之 知 告 邑 也 A 之 殺 0 0 心 未 今 之 恪 , 獲 陳 忘 我 |陳 成

辟 E 知 其 : 0 H 罪 昔 何 9 故 授 天 + 手 戎 服 之 于 地 我 9 -___ , 對 圻 用 日 9 敢 刚 獻 : 酦 功 \neg 我 0 先 同 晉 君 , 活 人 自 莊 日 是 爲 : 災 平 衰 何 桓 0 故 卿 今大 士 侵 小 , 國 ? 城 多 濮 數 對 之 圻 役 日 矣 • 9 , 文 若 先 公 無 E 布 侵 之 命 小 命 H 3 , 唯 何 -以 罪 各 復 至 所 焉 在 售 ? 9 _ 各 1 晉 致 命 人 其

犯。我 順。文 公 不• 戎 祥• 服 輔 E 乃 以 受之 授 楚 捷 久 , 不 月 敢 廢 3-F 命 故 相 鄭 北 0 加 士 莊 伯 不 能 計 稪 於 趙 文 伐 1 0 文 陳 及 子 鄭 \blacksquare 平 . -7 其。職 仲 醉. 尼 順• E

志。 有。 之。 言 以 足 志 9 文以 足 -0 不 言 展 , 誰 伯 知 其 志 晉 ? F 拜 之 陳 無文 2 功 行 子 而 儿 不 稪 遠 顶 0 晉 寫 伯 , 鄭 入 陳 , 文

14

隦

不

爲

功

傾

辭

也

1

9

0

0

9

0

,

0

楚 賢 蕩 舉 倦 不 殄 善 與 爲 息 之 有 日 製 1 亂 濫 婖 食 也 禮 申 , 人 : , 0 大 9 賞以 令 쌉 公 不 而 公 夫 酾 無 9 0 9 9 9 P 若 岩 不 析 敗 駆 不 雖 卿 ım 於 7 復 善 名 春 敢 無 不 有 亡 公 材 桑 0 則 今 木 故 是 鼓 善 幸 隊 奔 徹 夏 息 Iffi 机 0 鈞 뜸 楚 樂 皇 用 興 一楚 年 Λ m 0 也 9 0 9 之語 刑 之 過 獲 聲 名 9 , 如 聲子 人 云 , , 9 楚 晉 命 謂 杷 以 淫 日 雍 此 以 9 : 申 以 秋 于 寧 材 梓 刑 初 麗 也 , : 子 夜 日 賞 僭 實 問 冬 -下 皮 楚 奔 軍 , 知 0 m : 革 晉 多 伍 2 諸 其 共 <u>o</u> 故 無 |晉 , 伍 湿 是以 學實 濫 夏 故 子 冬 0 , 戎 大 畏 , , 封 3 歸 自 話 面 晉 鄭 楚 刑 書 行 H 夫 頭 炸 送 蔡 於 師 之 也 將 建 日 4 0 逃 Λ 地 Z 賞 聞 往 H 與 是 必 殿 死 0 厥 . 共 大 1 之 之 遁 以 失 丽 於 也 0 不 夙 , 脳 日 吾 為 善 7. 部 興 . 奥 敢 爲 四 , 0 . 0 必 北 伍 <u>__</u> 之 善 雖 以 謀 方 夜 _ 朝 闸 , 復 寧 晉 此 殺 楚 為 爲 友 主 9 寐 加 晉 鲌 7 H: 國 湯 奔 謀 膳 不 有 9 ٨ 0 0 Im , 大 0 鄭 從 繞 朝 所 辜 其 主 楚 爲 利 者 材 , 夫 之 之 以 淫 賞 子 角 4 , , 9 失 及宋 0 與 加 寧 將 晉 謀 臨 獲 不 伍 彭 之 華 , 0 騰 楚 楚 役 無 主 政 天 失 僭 實 逐 躯 城 夏 即 孰 , 善 以 而 用 谷 血 Z 師 不 , , 稲 , 飫 鬥 向 之 晉 聲 役 則 筲 晉 害 也 經 Λ 刑 此 賜 ? 戊 潰 則 不 3 松 以 : 0 0 析 將 0 , _ 9 將 古之 <u>_</u> 溫 聲 耐 相 晉 公 國 浙 知 , 對 此 平 子 從 之 晉 矣 懼 9 1 善 楚 其 , 以 曰 賞 晉 之 木 將 治 逐 不 失 地 遇 9 恤 爲 知 : 楚 潛 善 侵 析 日 加 於 民 0 0 也 13 民 北 -}詩 , 晉 煙 葵 公 救 者 也 則 ÷ 伍 也 0 勒 五日 整 角 雍 日 懼 , 鬼 日 療 0 9 0 , 賞 卿 娶 1 遇 螁 Ξ 潮 夫 之谷 . }商 : 及 4 , 也 不 通 於 沈 所 者 賞 淫 獨 之 之 | 公百 0 加 人 無 使 於 E 楚 人 父 謂 im 有 , 3 將 之云 |楚 1 兄 雄 師 禮 畏 之 9 族 於 鄮 晉 不 刑 曾 刑 姒 刑 日 , 郊 定 將 潛 其 鄭 能 之 七 J. 大 濫 江 9 . , , 遁 维 君 窕 也 9 為 恤 大 還 班 即 ? Ŧ , 節 9 懼 夫 荆 子 敗 易 子 之 民 不 邦 , 也 對 即 僧 牟 不 乃 加 相 111 儀 畝

第

章

修

部

典

戰 之役 教 爲 子 聲 於 楚 im 師 成 吳 子 陳 本 也 發 奔 大 或 , 命 命 鄭 敗 以 叛 行 日 , 0 當 楚 楚 子 翩 於 显显 : , 0 , 晨 反 之 至 引 Ŧ , 者 軍 不 一个為 今又 壓 教 與 領 , 而 日 夷 爲 **欒范** 之 子 晉 惠 南 師 逸 乘 有 婚 軍 患 靈 楚 Ī 望 爭 囚 歸 易 車 mi _ 日 甚 , , 子 子 行 陳 則 射 夏 老 於 , : 姬 楚 子 御 木 此 以 幼 -反 9 晉 師 靈 驅 而 庶 死 誘 , 懼 0 之 之 將 之 雍 行 椒 侵 反 継 爲 害 躯 遁 潰 M F 赦 , , 9 娶 鄭 中 矣 也 使 疾 諸 余 其 9 其 # 晉 於 叛 行 , 1 , 0 E 苗 若 子 降 吳 申 , 9 人 子 益 亦 公子 颶 卻 賁 敖 狐 彭 皇 之 庸 靈 城 役 其 弗 N. , 亂 奔 牟. 克 旅 圖 一楚 日 爲 im , 翿 失 吳 晉 . , 歸 爵 也 , 子 伯 諸 諸 穆 = 行 9 0 而 楚師 今在 晉 人 车. 賁 人 宋 侯 , 復 得 之 焉 ٨ 五 , , 之 , 與 之 7 以 簡 晉 戾 則 73 0 吳 聲 苗 四 良 賁 之 魚 兵 矣 m 上皇 邢 於 蒐 7 , ť 背 灰 , 石 在 奔 是 皇 於 , 뎲 乘 晉 , 使 君 其 晉 伐 以 之 椒 A 王 0 , 巢 爲 楚 秣 鳴 將 大 爲 族 113 , 軍 晉 謀 失 夫 馬 逆 與 也 , , 調 取 主 東 岸 之 Z 必 , ٨ 0 僧 大 王 與 夷 縣 9 食 椒 0 之 扞 舉 子 敗 族 , , , , 苗 克 禦 子 師 以 木 之 . mi 辛: 陳 比 E 棘 北 , 日 0 叔向 女實 以 狄 死 焚 是是 0 , 若 之 晉 爲 入 , 次 寒 謀 州 通 遣 , 0 9 A 皆然 彼若 之。 井 來 吳 則 從 主 之 於 雍 阴 夷 , 矣 竈 __ 楚 晉 , 鄢 1 H 0 楚 罷 之 將 懼 陵 ,

樹 達 按 . **}杜 注** 云 0 傳 言 : 聲子 有 辭 9 伍 躯 所 以 得 反 , 子 孫 復 仕 於 楚

 \overline{H}

9

9

,

是以 叉 垣 襄 iffi 分 納 公 姖 車 人完 + 馬 馬 年 客 O 士文 所 云 0 館 伯 公 , 薨 讓 高 之 之 其 月 H E 9 因 5 . , 產 厚 敝 相 邑 鄭 牆 以 伯 tii 政 以 2 刑 如 以 之不 晉 無 , 修 晉 9 侯 使 寇 以 0 盗 我 今吾子 充 喪 斥 故 , , 壞 無 未 2 若 30 9 諸 見 雖 侯 也 從 7 0 者 圍 子 能 局 產 戒 在 使 , 寐 盡 甘 君 壞 者 其

異

館 何

之

3

何 鹹 ? Bi, 以 褊 敝 小 , Z 介 於 爲 大 盟 嚴 主 , 繕完 洣 求 無 野 牆 胖 以 9 是 待 以 客 客 不 敢 0 若 強 皆 居 毀 9 悉 之 索 9 其 敞 赋 何 以 以 來 供 會 命 ? 辟 事 涯 君 0 逢 使 包 執 事 請 之 命 不 0 imi 對 未 日 得 . -見 以 0

寇 榭 义 公 甸 其 洛 示 設 暴 不 , 以 留 庭 露 獲 , 景 Im 省 燎 聞 之 命 亦 , , 大 僕 諸 而 不 9 則 侯 未 患 亦 恐 巡 燥 無 之 知 燥濕 宮 館 見 濕 廢 時 事 0 , , 之不 今 車 館 , 0 不 憂 馬 銅 如 時 敢 樂 公 鞮 有 m 之宮 同 所 寢 輸 杤 之 幣 , 9 賓 數 9 Mi 9 , 里 事 從 厩 亦 以 有 槽 不 則 9 重 巡 代 敢 mi 修 敝 之 諸 暴 , 9 邑之 司 露 th 侯 9 教 舍 公 車 0 罪 以 其 於 其 脂 c 隸 不 嘘 時 輸 僑 平 之 A 知 , 聞 隸 S. , iffi 門 恤 則 人 道 文公之 君 不 牧 路 其 之 園 容 不 , 各 府 車 圬 足 為 會 膽 人 m , III. 賓 以 也 不 其 E 事 時 मि 至 也 塓 非 鍁 如 , , 薦 越 辒 百 館 宮 官 宮 陳 , , 之 無 之 室 室 盗 寧 屬 卑 敝 0 諸 公 蓝 各 庫 不 行 放 患 展 侯 , 輸 其 箵 無 m > 物 天 也 不 至 觀 属 畏 臺

喪 夏 官 好 , 亦 而 不 敝 歸 德 邑 之 , 之 m 75 夢 以 築 隸 也 諸 人 0 若 之 侫 之 獲 垣 以 薦 館 贏 幣 0 叔 諸 , 修 向 侯 垣 日 9 是吾 * 而 -行 際 罪 , 之 君 也 之 不 0 _ 惠 Įμ E 他 也 也 士 9 文 敢 如 是 伯 憚 勤 夫 謝 勞 1 不 子 1 敏 產 L. 焉 文伯 有 0 辭 晉 侯 復 , 諸 見 命 侯 鄭 0 賴 伯 趙 文子 之 9 有 9 岩 nt 日 之 禮 : 何 9 信 其 厚

不

戒

9

賓

見

無

時

而

命

不

μŢ

知

0

若

又

勿

壞

,

是

無

所

藏

幣

以

重

罪

也

0

敢

請

執

事

將

何

以

命

之

雖

君

之

有

魯

0

也 詩 日 **-** 1 六 僻 之 韓 矣 9 民 之 協 矣 僻 之 釋 矣 9 民 之 真 矣 3 其 知 之

矣

釋 其

:

以 叉 昭 公 稷 九 , 魏 年 駘 玄 芮 . 周 岐 畢 団 人 五 與 晉 西 閻 士 嘉 杫 爭 及 图 it 田 \pm , 克 晉 商 梁 9 丙 蒲 張 姑 楓 商 李 奄 陰 业 3 吾 伐 東 潁 士: 也 E 使 巴 詹 溪 相 楚 伯 鄧 辭 , 於 吾 晉 南 日 1: 业 \neg 我 肅 自

第

道

修

聯之重

-6

夏

八

|文以 謀 我 入 燕亳 而 說 我 駋 0 主 在 Ŧ 來 伯 郊 先 之 , 9 有 王 吾 雖 父 甸 , 居 姻 世 戎 , , 北 狄 則 檮 驶 有 猶 土 戎 共 杌 也 衰 衣 9 使 德 何 服 焉 于 0 Z 吾 趙 有 取 四 , 有 余 之 裔 而 何 成 以 暴 冠 0 瀰 如 波 人 冕 戎 禦 周 封 宗 ? 之 弔 有 螭 , 有 木 魅 周 中 , 且 以 水 叔 丽 Ī , 致 宜 向 之 故 文 9 誰 閻 謂 允 武 示 有 其 之 姓 成 宜 田 本 之姦 侈 子 谷 康 奥 原 之 襚 日 也 , , 諸 居 建 ? , . 民 后 于 人 母 反 侯 之 文 之 稷 弟 潁 瓜 重 之 有 俘 封 州 以 伯 謀 殖 幕 , 0 0 不 伯 E 也 天 主 屛 F 亦 也 周 亦 , 父 豊 使 宜 , 惠 0 9 今 賓 乎 能 伯 公 亦 滑 一戏 鰛 父 其 1 改 物 若 制 自 廢 且 執 之 隊 甘 裂 泰 Ŧ Ī 翼 大 辭 冠 , 是 而 戴 不 爲 毁 夫 誘 直 冕 亦 襄 天 以 , 9 끞 以 7 子 難 來 , 拔 平 說 北 而 , 如 於 圖 加 弁 本 1 使 之 之以 伯 髦 晉 寒 偪 1 父 我 , 原 Im 晉 共 圖 諸 因 9 宣子 之 以 專 姬 人 , 自 棄 1 敝

七

0

|宋 又 見 酹 子 威 2 不 產 華 昭 是重 Ċ 定 日 E 公 ? 衞 --: : 义 年 北 云 弔 喪焉 宮 大 子 夫 皮 喜 : 也 八之事 戊 鄭罕 0 固 用 子 大 請 幣 夫 畢 以 1 虎 , 將 晉 行 用 許 矣 若之何 幣 4 人 , 0 imi 曹 公 旣 , 卒 又 必 A 非 當 命 ? 百 9 , Ĺ 鄭 諸 孤 兩 人 皆 伯 侯 邾 9 0 無 之大 百 人滕 如 M 爵 晉 兩 斬 以 夫欲 人 必 , 馬 千 薛 及 見 在 河 因 人 人 夏 祀 見 , , 經 T 晉 新 人 之中 君 小 人 人 邾 鄮 0 至 , Z 叔 人 9 其 將 如 , 採 以 游 昭 不 晉 嘉 占 子 行 , 服 蕤 遂 4 見 不 45 如 , 晉 行 公 則 非 也 , 0 喪 九 禮 必 0 禮 鄭 月 也 盡 未 0 用 子 , 畢 之 皮 叔 ; 將 弗 孫 9 其 聽 幾 婼 以 以 飲 千 齊 0 人 叔 行 或 间 弱

而

八

敬 說 矣 苑 9 , Ŧ 卷 孫 夫 + 滿 醉 明 (善 者 其 說 9 言 (篇 ٨ 而 之 K . 楚 所以 莊 子 以 貢 自 慙 通 日 : , 也 蘇 0 出 茶 -言 行 主 陳 其 父 辭 說 偃 9 imi F 身之得 六 : 國 「人 以 失 安 iffi , , 411 國 蒯 辭 7 通 9 安 陳 安 危 說 所 也 丽 用 0 身得 之 {詩 ? Z 以全 普 . 子 0 產 僻 夫解 之 修 其: 繹 者 解 矣 9 im 3 乃 民 趙 之英 所 武 拿 致

樹 達 按 : E 孫 滿 答 楚 Ŧ 問 鼎 率平 重 , 事 見 **法** }傳 宣 公 年 0

7

重

身

-

安

酘

-

全

性

者

也

Ų

故

舒

不

可

不

修

,

而

說

不

可

不

善

0

九

新序 之國 復 以 魏 諾 出 至 之急 被 為 0 0 0 魏 大 魏 也 卷 唐 Ŧ 矣 逐 人 急 , 0 約 有 H 稱 }雜 , 策之臣 東 車 唐 45 則 說 H 篇 藩 |唐 H. 而 且 遣 者 , 割 , 云 受冠 定 失 答 之 地 9 . 之 彊 年 iffi 日 0 普 矣 帶 且 九 茶 約 : 者 之策 見 齊 + 0 , , _ 祠 大 秦 餘 楚 秦魏 秦 春 \pm Ŧ 9 , 0 調 解 Ŧ E 秋 E , 爲 懼 雖 者 知 茶 魏 魏 與 魏 Ŧ. 國 然 欲 , Ŧ. 國 之急 之患 救 爲 日 日 Im 3 秦之強 之 : 悟 • 齊 -, 9 , 9 楚 丈 老 散 显 m 遽 約 足以 入 臣 心 發 有 救 im 图 請 楚 及 不 兵 欲 然 之兵 哉 爲 救 至 西 攻 頭 乃 說 之 1 , 魏 是 遂 秦 也 분 , 9 馳 T 大 至 0 , 今 合 魏 此 舉 王 意 使 籌 萬 齊 兵 m 9 im 楚之兵 人 策之臣 甚 先 折 乘 往 求 苦 臣 衝 之 o 救 矣 魏 出 消 海 於 已在 失之 1 難 楚 2 9 秦 聞 魏 [1] illi 9 9 ¥ 之 強 魏 也 來 좕 冠 之功 郊 ? 0 水 , 蓋 矣 救 引 敵 H. __ 之 魏 相 也 夫 數 兵 9 望 齊 大 魏 矣 E 0 im \pm , 去 楚 1 日 , 之救 秦 寡 117 . , 萬 A 救 __ 唐 魏 0 敬 纐 乘 知 不 E 不

第二章 修辭之重要

有

魏

賴

之

,

故

不

म

以

已

不修辭之害

甲 事 亦 明

漢書 以是 為將 姊鄂 稱 光 昭 封 軱 百 為 光出沐 搜 蹕 帝 入代光 , 0 邑蓋主 於是蓋 怨光 幸依 卷六 兄 軍 果 , 太官 都 , , 國家 常 有 决 十八霍光 H 尉 0 奏之 先置 主上 懐 椒 m 事 內 , 安女 桀安 怨望 故 叉 房 0 槃父子 擅 官 事 中宮之重 ,桀欲從中下 0 以列 傳云 叉引 **续安及弘羊** 數為 後宮 調 9 益 及御史大夫桑弘羊 外人 ,既貧盛 莫府 侯尚公主者 . 蘇 , 為使 光 武 , 、水官衛 皇后親安女 與 校 前 皆與 停 左 尉 使 基基 , 將 囫 0 0 m ,光不許。 數 軍 光 奴 燕 , 德長公主。公主 , 弗能 月 桀 事 Ŧ , 桑弘羊當與諸大臣其執退光 ()光乃 權 拘 H 建 9 結 造酒 立 通 得 婚 自 留 一為皇后 态 謀 相 , 亦慙 又為外人求光祿 + 椎 其 親 , , 疑 詐 鹽 外 年 9 光長 令 鐵 薀 0 有 0 , 內行不 父安為驃騎將軍 自 X 非 不 , , 先帝時 爲 常 為 m 女爲桀子 降 燕王 國 顧 0 , 修 興利 逻 臣 中 , Ŀ 大 目 乃 制 , 近幸河 大夫, 安 原頁 爲 書 9 朝 桀 0 伐其 妻 事 已 坤 歸 , 書 言 為 欲令得召見 屬 狩 9 , , 奏 間 : 九卿 封 有 N 國 功 由 7 桑樂侯 , 是 女 9 入 外人 帝 宿 光 欲 與 ifii , 9 不肯 大將 出 為 光 位 车 衞 子 争 在 , 與 都 9 o 9 叉不 桀安 弟得官 光 下 察 軍 肄 權 光 帝 右 時 0 数 郎 長 0 相 許 欲 燕 休 明 臣 史 羽 配 , H 凝 敞 \pm 及 為 沐 林 0 0 , 長主 外人 亦 B 禁 t 父子 出 , 0 , 光聞 道 怨 功 自 因 恨 大 帝 候 £ 並

,

以 之 非 事 詔 知 召 不 , , 之? 足 大 IL 不 塗 須 將 畫 0 核 軍 室 尉 _Ł 中 0 Ŀ 0 日 光 9 不 : 入 不 是 聽 -入 , 將 0 時 発 0 後 軍 冠 Ŀ 帝 之廣 桀 問 年 頓 黨 首 + : 朋 奥 四 -謝 大將 有 2 都 ٥ 尙 郎 E 習 光 1 9 日 11 者 左 屬 : 女 右 H -在 , 皆 將 上 ? 0 譋 輒 驚 軍 -左將 怒 校 冠 0 尉 曰 面 1 : 以 朕 E 軍 來 集 7 書 知 是 者 大 , 對 將 未 書 果 日 軍 L 能 許 . + 也 , 9 以 忠 捕 日 1 之 臣 燕 將 9 甚 熊 軍 Œ , 先 急 E Ċ 告 帝 何 罪 其 0 所 桀 以 罪 0 屬 等 得 , 懼 光 以 知 故 之? 輔 日 , 不 股 白 • 敢 身 入 上 H 將 唑 : 0 9 軍 敢 1 有 爲 有 何

後漢 大 匠 書卷二十二 ; 亵 弟 嘉 , 資憲 1) 府 (傳 0 云:寶氏父子 其 為侍 中 將大 兄 大郎東 弟 並 居 + 列 餘 位 A , 0 充 憲 滿 旣 朝 負 廷 重 , 勞 叔 9 父 陵 霸 肆 爲 滋 城 甚 門 0 校 四 尉 年 , 霸 , 弟 封 鄧 亵 川川

毁

者

,

坐之。」

自是桀

等不

政

復

言

侯 其 入 · 禁中 懼 , 槽 禍 與 為 , 果 亂 其 得幸 弟 , 步 忍 太后 兵 im 校尉 未 , 發 遂 磊 0 共圖 及母 會憲 爲 元 及 殺害 , 野兽 又憲女婿 0 班 帝陰知 间间 退 射聲 京 其 師 謀 校 , 尉 9 詔 乃 郭 使 與 躯 大鴻 近幸 , 舉 臚持 父長 中常侍鄭 節 樂 郊 15 迎 衆 桥 , 定 璜 賜 議 , 軍 誅 皆 吏 之 相 各 交 0 有 以 結 差 憲 0 在 元 憲 外 躯 等 並 , 旣 盧 出

o

將

作

為

憲 浦 至 , 0 , 帝 遣 谱 謁 乃 幸 嚴 老 能 僕 北 宮 相 射 督 收 , 察 詔 憲 之 大 執 將 金 0 憲 吾 軍 篤 五 FII 景 校尉 綬 到 9 勒 或 귶 兵 , 封 皆 屯 為 迫 衞 冠 命自 南 軍 北宮 侯 殺 , 3 憲及篤 宗族賓客以憲 閉 城 門 景瓊皆道 9 收捕 為官 豐高 就 國 者 璜 0 舉 , 金以 皆免 , 皆 太后 歸 F 本 狱 故 郡 誅 , 2 , 豕 镶 不 以 欲 剧 名 素 徙 合

|樹 不 達 被 按 遍 迫 宋 0 洪 明 邁 年 |容 , 徙 齌 随 封 筆 羅 卷 侯 不 云 得 : 漢 臣 昭 声 帝 Λ 年 0 + 四 , 能察 霍

光

之忠

,

知

燕王

E

書之詐

,

誅

桑

弘

羊

,

第

章

修

郡

修

但 桀 僚 發 茣 , 後 明 由 不 世 親 出 接 稱 其 , 獨 被 明 後 知 0 中 然 111 無 常 和 侍 帝 稱 鄭 時 焉 衆 , 寶憲 不 事 豪 兄 黨 弟 事 , 遂 權 賏 , 定 太 議 后 臨 詸 憲 朝 0 , 共 時 圖 亦 殺 年 害 + 四 0 帝 , 共 陰 剛 知 其 沈 謀 不 下 2 昭 imi 帝 胍 内

樹 范 達 便 叉 按 : }後 漢 書 劉 降 . 傳 有 記 漢 朋 帝 事 ----條 , 附 錄 於 此 , 以

供

冬

證

,

帝 其 }後 鄉 方 言 事 漢 於 見 耳 , 書 多 長 陳 , 0 壽 卷 近 留 m 帝 刺 親 街 朿 + 牘 史 L 0 日 太 H 得 E : 之 4 |劉| 宅 有 多 降 書 船 , 卽 帝 不 傳 制 , 加 平 云 此 怒 視 之 均 不 0 . , 是 時 П 何 , 9 顯宗 云 或 時 為 故 優 天 進 : É 後院豪右 下 爲 -0 ग्रा 東 潁 NI. 南 帝 海 JII 田 南 多 令 公 弘 , 陽 侵 虎賁將: 農 不 , 不 刻扇 以 年 可 H + 問 官 鹏 詰 弱 , , 9 叉 問 河 , , L. 百 在 戶 吏 南 對 幄 姓 口 南 , 日 嗟 龙 後 陽 年 : 怨 73 不 紀 9 實 Ħ 可 , 有 泂 遮道 省 日 問 有 南 服 : 增 0 _ 號 -減 2 帝 吏 如 帝 呼 0 城 + 受 顯 請 0 , 宗 郡 時 五 吏 多 諸 對 勅 年 由 近 郡 趣 , 臣 當 韶 , 各 ; 遣 欲 不 下 南 以 肯 使 州 陽 W. 奏 服 郡 事 9 \mathbf{H} , Não 相 抵 9

,

卷

七

四

云

:

五

末

,

水

橀

事

起

,

以

故

廷

尉

監

徵

,

詔

治

枞

轍

郡

邸

獄

0

時

帝

生

數

月

以 }漢 孫 r 皇 書 有 , 曾 AUA IFI 天 4 閒 孫 氣 燥 坐 + 處 衞 0 丙吉 太 0 於是 吉 子 治 事 {傳 繫 L 从 欁 遺 吉 事 使 帝 見 者 連 歲 ifii 分 憐 條 不 决 之 中 都 0 9 义 後元 官 L 詔 獄 知 年 太 吉 繫 子 者 , 流 無 9 t 帝 事 實 輕 疾 重 9 , 往 重 9 來 哀 切 長 竹 皆 楊 孫 殺 無 Ŧi. 2 \$ 柞 宮 , 0 吉 内 0 擇 望 謁 氣 講 者 厚 令 者 女 官 郭 言 徒 穰 0 分 仮 長 保 到 郡 安 養 獄 邸 曾

獄

古

閉

門

,

拒

使

者

不

納

,

日

:

皇

曾

孫

在

0

他

٨

41

·

死

者

稻

不

Ή

,

况

親

曾

採

平

1

相

守

至

天

朋

光 將 继 不 不 得 軍 , 光 光 全 X 魔 iff 0 其 數 穰 議 迎 馬 還 0 , 9 吉 H. 以 遂 Ŧ 數 聞 尊 賀 舣 , 立 保 因 o 皇 智 養 刻 曾 乳 ÉB 奏 孫 位 H 哥 , 加 , , 造宗 以 武 致 2 Tr 行 IE 淫 樂 亦 劉德 亂 寤 , 廢 視 0 與 遇 日 , 信 光 甚 : 迎 有 與 曾 思 天 車 孫 馬奇 惠 使 於 將 Z , 掖 以 軍 也 庭 張 私 1 0 安 此 |吉 111 物 因 爲 諸 給 赦 ٨ 大 其 天 深 臣 衣 F 厚 義 食 郡 , 所 泒 0 不 立 昭 狱 伐 帝 繫 , 未 善 崩 者 定 9 , 0 Ľ 自 曾 0 吉 曾 孫 孫 奏 , 病 漕 大 9

嘗 功 昭 吉 44 在 章 水 組 皇 下 曾 掖 徵 庭 卿 孫 令 不 9 老 已 謹 督 問 死 答 , 9 有 則 , 汝 解 子 安 引 孫 得 使 9 者 皆 有 受 功 内 吉 ? 厚 賞 獨 知 渭 狀 , 詔 城 , 掖 免 胡 組 庭 則 分 淮 爲 將 陽 庶 則 郭 人 詣 徵 , 賜 卿 御 史 錢 有 府 + 思 萬 耳 以 1 , Ŀ 视 古 分 親 見 别 吉 奏 問 組 識 , 伙 讆 後 謂 共 春 知 則 吉 勞 日 苦 有 狀 舊

遇

吉

絕

不

道

RIT

恩

,

故

朝

狂

莫

能

HH

其

功

也

0

0

是

時

掖

延宮

婢

則

令

民

夫

Ŀ

自

陳

,

答

有

विदे

保

,

9 書

,

汝

恩

>

0 ,

聞 或 im 志 步 陟 级 險 志 卷 , 邀 Ŧ 生 **誉** 於 寧 崤 傳 湿 之 注 間 引 }高 , 11: 1 生 {傳 , Z 生 * 不 初 肯 , 晉 0 昭 官 伍 帝 與 爲 布 結 誠 衣 時 , 4 , 與 感 昭 其 義 有 舊 9 乃 0 止 同 郡 0 昭 周 生 因 與 等 謀 矿 害 聚 樹 帝

> 共 3

> > 旧

m

終

不

言

,

_E

大

賢

之

0

而

别

昭

雕

有

陰

德

於

帝

,

口

終

不

言

,

莫

知

1

守 晉 納 書 母 公 卷 數 成 孫 百 氏 去 11 官 以 八 极 耄 , 家 獲 記 慕 発 于 强 容 0 糾 极 |超 傳 妻 0 段 德 K 之 氏 : 南 方 慕 娠 征 容 未 , 超 留 沈 , 金 , 字 M 1) 加 之 im 别 於 去) 郡 0 德 及 狱 兄 0 垂 北 獄 起 海 掾 兵 E 呼 山 納 延 東 之子 215 , 苻 9 0 德 昌 苻 2 收 堅 納 松 破 K 吏 潔 德 也 諸 9 9 以 答 -7-納 有 , 皆 爲 1 罪 誅 廣 之 泔 , 德 太

第 盲 修 野 ,

至

是

將

公孫

及

段

Æ

兆

於

羌

中

而

4

超

焉

o

平

又

將

超

8):

子

奔

于

呂

光

0

及

呂

降

降

於

姚

興

,

超

又

,

隨涼州 人 徒于長安 0 超 母 謂 超 日 : 吾母子全濟 , 呼 延氏之力 0 平今雖 死 , 吾欲 爲 汝納 其女以 答厚

恩 • 於是娶之。

賢於丙吉也 樹達按:宋孔 0 叉觀 平仲珩璜新論云:吾觀魏志管寧傳注, 晉載記慕容超傳呼 延平之活超也,與丙吉事正 記明胡昭脫晉宣帝於死而 相類 , 而史氏文不足以起之 口終不言 , 以爲

物不 顯

故奄奄如

此

3

H

爲

長太息

也

0

南史 下 四寸 , 以芒當心 , 卷四十三齊高帝諸 E 「加第 ,跪注鈄于,以手振芒,則其聲如雷,清響良久乃絕 , 色黑 如漆 子傳云 ,甚 薄 : 廣漢 Ŀ 什別 有 銅 馬 人段祚以鎮于獻始興王鑑 , 以繩 縣 馬 0 令去地尺餘 ,其器高三尺六寸六分 0 , 灌之以水,又以器盛 , 圍 水於 尺

此 樹 達妆 , 而 拙 : 宋洪邁 於 遭 詞 , 容務續筆卷十一云:東坡志林記始與 使 古器形制不可得其髣髴 9 甚 H 恨 也 王鑑 0 樹達按 節云 . : 今涵芬樓印東坡志林 記者能道其尺寸之 無此 詳 如

條

丙 犯人忌

第

宋張耒明道雜志云:文聯公(彥博)以太尉鎮洛,遇生日,僚東皆獻詩,多云五福全者,潞公不悦,

:「遽使我考終命耶?」

日

樹達按:五福見尚書洪範篇,考終命為五福之一,

福者,後人不免以為忌,此可知修辭之不易矣

謂善終也。

時代愈後,忌諱愈多,古人以爲

五

修辭舉例

改易

甲 改字

論語十三子路篇云:冉子退朝,子曰:「

何晏也?」

對曰:「有政。」

子日

:

其事

也

0 如有

政

9

雖不吾以,吾其與聞之。」

樹達按:集解引馬融云: 政者,有所改更匡正;事者,凡常行 事 0

富貴也 之所惡也;不以其道得之,不去也。」此言當由道義得,不當苟取也;當守節安貧,不當妄去 漢王充論衡問孔篇云:孔子曰:「宮與貴,是人之所欲也;不以其道得之,不居也 隨何故當言得之?願當言 夫言不以其道得富貴不居 不得富貴,不去貧賤。 ,可也;不以其道得貧賤,如何 : 貧與賤,是人之所惡也;不以其道去之,則不去也。當言去,不當言 如謂 得富貴不以其道 則不去貧賤耶 ?富貴顧可去,去貧賤何之?去貧賤 P 則所得富貴 , 不 。貧與嚴 得 育 腿 ,是人 1/1 也 0 , 貧 得

0 得 者 , 施 於得之也;今去之,安得 得乎! 獨富貴 當 H 得 耳 0 何 者 ? 得富貴 戼 去 貧 媵 也 0

擾 史記卷八高祖本紀云:父老乃率子弟共殺沛令,開城門,迎 の諸侯 並 起 , **今置將不善** , 壹敗塗地 , 願 更 相 推 ,9 擇 ist 劉季, 者 0 __ 瀬曹 欲以 等 為沛命。 盐 設 劉 季 劉 季 0 諸 日 : 父老 皆日 天下方

9 0

樹達

被

•

元王若虚

滹南造老集史記辨惑云

:

珍字不安,

漢書

改為

奇

,是矣

0

樹達按

.

珍 寶

4 生 所 聞 劉 季諸 珍怪 ,當貴;且 卜筮云英 如 31 季 最 吉 _ 乃立 季 為 沛 公

字屬器物言 , 如 劉 季斬蛇老嫗夜哭等事, 乃奇怪 ,非器物之事 也。王說是矣 0

JŲ

後漢 成 墳 書 卷四 و 以示范 + 班彪 心傳贊云 曄 , **曄改爲「帝墳」** 三班 懐文 9 0 裁 成帝墳 0 」注引沈約宋書 日 • 初 , 謝 嚴作 此 贊 9 云 :

Ŧī.

沿街之。 梁書卷三十三劉孝綽 素 之云:「 及孝綽為廷尉 攜少姝於華省,棄老母於下宅。」 傳 云 Œ : 9 孝 攜妾 綽 與到 入官府 沿 友善 , 其 9 母猶停力 高祖為隱其惡 同 遊 東宮 私宅 0 孝 0 沿轉 綽 , 改姝為妹 自 以 為 御 才 優於 处 中 zΚ 治 9 , 温 每 命史 於宴 案其 坐咄 4 욃 其 , 逐 文 刻

樹達按: 梁書原文姝 妹二字互誤 交交 依南史校改

さ

第 Ξ Ě 修 辭 舉例

八

秋 其 唐 天 之 劉 夫 例 知 荀 也 縫 息 }速 0 **紫**桓 通 0 + 夫 74 臣 年 |感 當為 書 經 篇 日 殺 -云 m : 稱 宋 凡 及 督 在 , 弑 人 與 其 倫 君 君 不 弑 與 得 夷 同 其 及 科 死 其 0 者 苟 大 , 弑 夫 邦 殺 孔 君 不 父 以 分 _E 0 皆 9 則 僖 謂 君 + 之弑 臣 年 婚 义 , 卿 别 日 者 . 士 以 矣 晉 n _Ŀ 原 里 通 ?t 克 謂 玄 弑 之 : 其: 殺 及 君 , 官 卓 此 改 及 春

|樹 連 及 注 按 之 義 0 穀梁 , 因 弑 .傳 莊 君 公 mi +== 連 及 其 年 臣 傳 耳 Z . 0 \neg 劉 說 及 似 其 未 大 夫 伙 仇 0 牧 9 以 仲 及 史 也 <u>و</u> 此二 一及字 非 與 字 之義 9 75

殺

0

七

佩文歌 門 馬 良 0 人 初 府 9 欲 卷 作 + : 亢 引隋 作 推 -_ 敲 字 唐 嘉 <u>__</u> , 字 練 話 之 佳 云 矣 未 : 定 賈 , 島 不 初 覧 赴 衝 舉 尹 京 0 師 時 , 韓 吏 H 部 於 權 馬 京師 L. 得 , 句云 左 右 : 擁 至 鳥宿 前 , 池 島 中 具 樹 告 所 , 以 僧

> o 敲

韓 月

立 F

也

八

樹

達

按

:

敲字

響

,

推

字

啞

,

故

敲

学

優

0

叉

按

:

文房

小

說

本

隋

唐

嘉

話

無

此

條

0

宋

日

衣 陶 ÷ H 岳 地 前 五 膜 村 315 深 史 拜 雪裏 補 0 自 卷 三云 , 胜 1: 林 夜 : 以 數 齊 谷 枝 已 爲 開 , 齊 長沙 0 谷笑 人 字 , 師 謂 日 : 胎 鄭 數. 谷 枝。 在 非 炭 早。州 , , 不•|齊 若・己 枝・ 因 攜 則 所 佳 為 0 詩 往 齊已 謁 焉 数 然 0 有 9 不]早 |権

九

宋戴 地 鼠蹼 云 . [南 唐 野 史 載 張迴 寄 遠 許 . 蟬 磐 周衫 將 虚 , 虬• 白。 也· 無. ? 齊己改 為 虬. 黑在• 無•

娅 拜 為 字 師 0

|樹 達 按 : 白 也 無 _ 有 欲人鬚 百之意 非 事 理 也 放改 之耳

,

,

+

字中宋 未• 強行 待 穩. 常· 父唐 0 僧 果 子 復 西 0 文錄 僧 來 ,云 怫 伙 云 0 作 : 色 皎 欲更為 然 m 去 以 詩 0 僧 名 中 亦能 於 |唐 字 詩 有 , 者 如 也 僧 何 袖 , ? 皎 詩 然 謁 然展手示之,遂定交 度 之 其 , 去 然 指 必 復 其 來 }御 溝 , 乃 計 取 Z 筆 : 作。 此 中. 波 字・ 油 而 澤 , , 波。

+--

宋陳京葆光錄 聞 春 : 0 , 李 示 跡 土之濱 於 此 漢 相 卷 0 親 笑 ,莫非王 0 云: 而 天下 言 李 : 已歸 建 臣 善則善矣 州 漢 , 頻 , 請 與方處 Ш 改 中 作 , 猶 然內有二字未穩 士漢 避秦 稱 字 爲 o 吟友 0 龍樓會作客 頻降 0 頻 伏 0 有 9 }題 , 作 īfii 四 鶴氅不為 一字太寫而 且 始 慙 爾 悔 詩 前 , 臣 自言 言 難 0 之失 换 獨 奇 0 有 絕 , -途 T , 爲 年 云 拜 字 後 爲 . 甚 , 字 不 青 東 之師 當 靑 西 廟 怕 0 漢 木 北

+==

卷五云

0

,

始

生

祠堂

9

自

爲

記

,

歌

詞

云

:

雲

山

蒼 朱洪邁容齋五筆 出 , , 必將 江 水 名 泱 泱 世 , 先 妄 生之 意 輒 德 易 , 范文正公守 山 字 高 以 水 成 長 盛 桐廬 0 美 0 旣 成 公星然 , 於釣臺建嚴先 示 南豐李 , 握 手 泰伯 扣之 0 , 泰伯 答曰 讀 : 之 , 雲山 耙 iffi 江水之語 言 日 : -, 公之文一 於義甚

ナL.

學

19

第

Ö

大 , 於 達 詞 按 甚 : 溥 孟子 ; 丽 云 : 德 聞 字 承之 伯 夷 之風 , 乃似 者 越越 , 貪 夫廉 0 擬 换 , 作 儒 — 夫有立志 風 <u>___</u> 字 , 0 如 何 班子亦云:「 ? 公疑 坐 一領首 間其 , 風 殆欲下 而悦之。」 拜

李用 風 二字本 此 0

+ $\dot{\Xi}$

明 朱洪邁容齋續筆 月 何 時 照 我還 卷八云: ?」吳中士人家藏其草 改爲「 王荆公絕句云: 旋改 為 , 初云 滿 京口 瓜洲一水間 又到江南 凡 如是十許字 岸 , , 鍾山祇隔數重 ,始定爲「 圏去「 到 山 綠 字 0 , 春 注 風又綠 日 不 好 江 南 0 改 岸 為

按 : 絲字 具 體 9 使 人印 象深 刻 , 故 佳 0

過

復

图

去

,

而

入

,

_

0

o

樹達

+ 19

宋陸 斜 騎 游 馬 歸 老 學 0 庵 及 筆 作 記 文通 卷 云 墓 : 誌 荆公素輕沈文通 , 遂 云 . 公趾 不 , 以為寡 · 常讀 書 學 0 , 或规 故贈之詩 之日 : 渠 日 . 乃 翛 狀 然 元 , 榻 此 枕 語得 臥 4 , 過 值 到 Ī Н

改 讀 書 作 視 書 _ 0

乃

+ 五

宋沈 日 風 : 俗 括夢溪筆談 0 天 歐 地 陽 公深思 軋 , 萬 卷 物 九云 之 苗 , 會 : 嘉祐 , 聖 公主 人發 文 中 0 3 , 士人 決 公日 意 劉幾 痛 : 懲 累為 , 此 凡 必 爲 國 劉幾 新文 學 第 也 者 ٨ 0 , , 戲 切 驟 流 稿 之 棄 爲怪 淵 險 , , 脐 之 E 體 語 . 為 , -之 學 秀才 者 變 刺 翕 0 然 , 有 效 斌官 之 舉 , 刷 逐 A 0 論 成

試 乃以大 考官 朱筆 , m 幾 横 妹之, 在 庭 , 自省 公曰 : Œ. 尾 除惡 , 謂之 務 力, 紅紅 勒 今必痛 帛 , 剕 **斥輕游** 大 紕 終一字 子以除文章之害。」 榜之 , 旣 mi 果 有一士人 幾 也 0 復 論 數 日 年 0 , 公 主 為 有 .E 御

積安行 名 收精藏明 E , • 乃 劉輝 之德 故 得靜 於冕旒之下 , ٥ 蓋稟於天,」 im 有 延年 識 之 。」公日 , 者 獨 高 9 公以「 日 Ŧī. 0 帝 :「吾已得劉幾矣 之壽;動 此劉幾 積」近於 世. im 有勇 學,改爲「 1 易名矣 1 , 形為 旣黜 ! 蘊」,人莫不以公為知 四 ,乃吳 公愕然人之。 罪 之誅 八角 0 公大 稷 因 也 欲 稱賞 - 。是時 成就 言 , 其 擢 試堯舜性 名 為 第 , 小 之賦 賦 人 有 0 及 ,

宋費袞 改作「 改作「生獲 非貪」;「 以苛 梁谿漫志卷六云 刻為 爱勑 能 諸將 _ 0 獲 • __ 蜀中石 . 鬼章告裕 改作 1刻東坡 陵文 申命諸將 : 文字 ۱., ۱., 號 葉乞校 和有臂 蓋酬未報之恩」,改作「爭酬」;「 Œ , 陸 贄 改作 奏議 -Ŀ 古稱 進 剳 ئ 子 ż -非愛尺寸之疆 德宗以苛 生擒 鬼章 و __ 為

.

改作

و _

内 唱

(十六)

+ 七

之 宋 徐度 趙濟能 。蓋碑之末初 樹達 ~ 棉稿卷 按 搖 之。 : 富啊 下云: 日 新謂 : 時 以 趙濟 公之勳在史官 東坡 -能 之劾 初 -不 為富韓公神道 若 被 即 SEC. 敢 ,德在生民 , -C---也 能 0 碑 字 , 東坡 則涉 ,天子虛己聽 以示張文潛 及朝 大以 廷 爲 然 , , 公,西戎 , 文潛曰:「 敢 卽 更 定 字第關趙濟 北狄 焉 有一字未甚安 視 公進 9 退以 此 其 所以 爲 輕 , 異 重 也 , 試 然

第 Ξ 育 修 聯舉 例

+

雄 後漢 顣 少 書卷 時 及 子 , 訢 家 四十六郭 孫 貧 恭 喪 母 躬傳云 世 , 營人 廷 尉 : 所不 為 順帝 法 封 名家 時 土者 , 廷尉河南吳雄季高以明 擇 朱孔 葬 其 平 中 仲 , {珩 喪事 璜 }新 趣 (論 辦 云 9 法律 不問 吳 雄 時 之葬 斷 H 獄 0 4 醫 醫 -水 起 W 皆 皆 自 孤宦 言 言 當 滅 族 族 , 致位 滅 此 , 间 亦 im 文 雄 徒 不

病 也 0 彼 巫 醫 何 預 葬 # 1 亦 謂 慕 師 11] 也

0

,

0

:

,

,

+ 九

坡 未 坡宿於臨阜亭 宋 聞 穩 取 惠洪 之 0 m }冷 , £ 拊 客 齌 , 掌 時 日 夜 大笑 月 話 . , _ 出 醉 卷 夢 , 願 東 Ŧi. 亦以 聞 南 m 云 之 起 , . 公為 0 林 舒 9 作 影 王 公 知 在 成 在 E 都 鍾 言 地 聖 Ш 0 : , 公 泉 -1 9 展 藏 有 讀 H 記 客 勝 於 F 自 有餘 H 風 黃 貧 詹 州 言 丞 , , 喜見眉 9 0 點定 不 公 若 日 鬚 纔 日 . : , B -兩 東 如 字 : 坡 ٨ 0 近 子瞻 善 有 H 博 寫 有 本 , 何 , 人 H 妙 , 中 勝 適 語 H 前 留 ? 負 也 舟 4 客 0 耳 然 0 日 有 0 : 公 東 字 遣 康

二十

:

,

0

,

節

病 米 也 史 , 詩 繩 若 祖學齋 改 百 篇 化畢卷 譏 只 有 字 刺 作 im 云 無 \neg 规 譏 君 東坡 0 \pm 如 作韓文公 1_ 刺 , 取 __ 沔水 者 , 廟 興 碑 规 宣王 譏 П 謂發揚蹈 字義 之義 不 同 , 厲 쁩 0 不 {詩 然 善 注 哉 Z 作 1 : 書 祇 風 佛機 刺 , 君 謂 譬喻 E , 不 大 有

二十二

宋洪邁容 叉改曰 齋續 占 <u>۔</u> و **(筆** 日一 卷 八 在 Z : 黃魯 , 日 IL 帶 詩 __ , -, 辐 曰 旅 要 略 無 , 至 月 事 用 , 高蟬 字字 始定 JE. 用 0 子 枝 聞 鳴 於錢 0 4 伸 用 1 大 字 夫 初 如 日 此 抱

二十二 二十二

山

0

范 宋莊

忠宣

帥

太原

,

方論

冶多鑄

廣

,

故

物

重

為 [11]

弊

0

其

子子夷

亦

能詩 紫冬

,

嘗

云

:

當易

-

_

字

9

雖

9

季裕

雞肋籍卷上云:黃魯

直

送張

謨

東漕

使詩

云

.

ij

撅宜

包責

9

靑鐵

無 無

鑄 作

時

,

(二十三)

璞 卷 上云:陳輔之詩

宋戴埴鼠

倘 書 0 蕭 改 恨

_

作

-云

幸

 \Box

(話

蕭

楚

才

知

溧陽

,

乖

崖

作

牧

,

有

絕

云

,

獨

恨

太平

無

事

,

江

南

閒

殺

老

四

雞肋篇卷中云

:

許口

一作哲宗

哀册

云

-

攀靈輿而增痛

•

Ŀ

皇

鐢

撫

痛

樹達按:「 (二十五) 攀」「痛」意重 , 撫 _ 愴」意輕 ,徽宗避重就輕 , 蓋以 哲宗為己兄故數

爲 宋莊

馆 季裕

0 益 公止 改 陳 字 作 驅 字 , 遂 中 大 科 0 陳 _ 字 亦 切 , -驅 字 象 L 有

第 Ξ 宣 修 路舉例

答句 宋張

也

端義

}貴

耳

集卷

上云

:

周

益

公與

韓

无

谷

同

賦

副

科

,

試

交

趾

戜

進

泉表

7

有

備

法

駕

之

陳

__

2

此

无

9

用 前

四四

宋陳世崇隨隱邊錄卷四云:「白玉堂中曾草詔,水晶宮裏近題詩,」 韓子養易爲「堂深」「宮冷」。

古 詞云: 春歸 也,只消 戴 杂茶廳。」 宇文元質易「戴」為「 更 , 皆一 字 師 也

樹達按 「水品宮裏 詞太熟爛滑脫,改爲「堂深

,

_

宮冷

,

典重

多

矣

」字板滯,更字則輕鬆矣

:

白玉堂中」,

(二十七)

鹬載脈 又卷三云:先臣 , 肅致忱於楚帝。」 (陳藏一) 上(宋理宗) 承旨令述太乙宮明輕所晴設醮青詞云 自改為「 上帝 0 楚 , 張邦昌逆號也 : 我將我享 0 , 发有 凡代王言 事於 明 , 不 堂 可不

(二十八)

朱子語類卷百四十云:舉南 軒 詩 云 : -1 臥聽急雨打 ,芭蕉 0 先生 H : 此句不響 0 日 • -7 不若作

臥 聞急雨到芭蕉。

齋醮 宋洪邁容齋隨筆云:婦人呼 及還賽願 (二十九) , 予為 作青 夫之兄 詞 云 : 爲伯 -頃 因兄 , 於書 伯 出 無 使 所 載 , 夫婿從 子 頃 使金國 行 0 雖借 時 , 辟 }[陳 景孫 李 (傳 弟輔 兄 伯 行 , 之語 弟 婦 , 在

Mi

自

不以為然 。偶憶爾雅釋親篇 日 : _ 婦稱夫之兄為兄公,」於是改「兄伯」為「兄公」

三十

七 干七 云 之墓

後漢書卷 }酷 | 連傳 . 張儉 的曹節

不得言剖

樹達

按

•

何

焯義門讀

書記

日

:

以黨獨宦者

一傳參考

,

乃侯覽

,非曹節也

0

且未葬

,

但

可言

壞

(三十

宋 來 候疾 Ŧ 應鳞 , 退告曹爽 困學紀聞卷十七引劉夢得 日 * = 司 馬公尸居餘氣 **数**牛 詩云 , 形 . ル神已離 晉宣尸居魏臣怠 , 不 足窟 也 0 1 注引閻若曝云 故爽等不復設備 . 晉宣帝紀 0 : 李勝

樹達 按: 何焯云: 晉官 于 時亦魏臣 也 , 韓柳必無 此 0 全祖 望 云: 當改云:「馬懿尸居曹 爽 怠 0

三十二

夜屬櫜 字 清王士禛古夫于亭雜錄卷三云:虞伯生送袁伯長扈駕上都詩中聯云:「山連閣道晨留輦; 鍊句 之法 0 與籍 以示趙承旨 法 並重 0 , 學 子昂日 者 不 : म 不 美則 知 , 於此可 美矣, 若改山 悟三 眛 為 天 , 野 爲星 , 則尤美。」 虞深服之。 野散 周廬

三十三)

而 清 有未安 顧嗣立寒廳詩話云:張橋 0 旣 日 樹 , 烏得 軒詩 爲 何處 : 9 半篙 不 如改 流水夜來雨 樹為幾點 , , 樹早梅 便覺飛 何處春 動 ? 元遺山曰:住則住矣

Ξ + 四

第 Ξ 章 修辟舉例

字

不 叉 穩 云 0 . 聞 薩 與 天 聽 錫 字 詩 義同 : 赤 地 濕 改 厭 聞 聞 作看 天竺 唐 雨, 人「林下老僧來看 月明 來聽景陽 鐘 0 雨 道圓 , 叉 見之, 有所 出 日 矣 : 詩 信 佳 矣 , 但 有

三十 五

清焦循 時 頗 譏 誚 易餘 之 籥錄 , 以為 卷十六云 喧云「 如 : 丹徒 己 出 將 , 春 舍 農 人無 舍 人 IJ -辨 按蔣名宗 也 0 海 縞 人 作 家傅 , 稱 嫡 母 視 庶 子 加 己子 ,

己 樹 所 達按 固 有 不 之子 誤 :焦氏云:唐書 0 樹 , 非謂 達 按 命為 : 焦 己 潘 1 所 非 鎭 {傳 生 也 也 田 0 季安傳云:「 视 0 如 庶 謂 子 視 如 己子 庶 子 母微 如己名義上 , 作 者 賤 謂 , 公主命爲己子。」公主其 如 之子 己所 生 , 不 也 亦 0 滑 命爲 稽 己子 म 笑乎 , İ 但 嫡 ·文左傳隱 名 母 義 也 E 覛 則 公 舍 為

,

三十六)

Z

:

其娣戴!

嬀

,

生

桓

公,

莊姜以

爲己子

こ,不

必引

唐書

0

:

齊 清 飛 孫 , 星 , 片 楊 衍 悉 儀 柳 嫦 共 卿 城寶樹 堂遺文序引 春 旂 色, 9 此 孔 岩 調 廣 殊惡 删 森與朱流湄書 去 0 在古 與 _ X 御以 共 풒 ・耕 _ 兩一 字 體 , 便 之」易「 文 成 第 俗響 取 靈 0 音 _ |陳 節 檢 近 寶 討 古 其 0 年. 庾 7 (i) 7 也 山 云 文 . 14 --7 圍 落 皆 花 王 與 母 芝蓋

惋 葵 生 茶 餘 金去已多 客 話 卷 云 : 吾 鄉 振采改到字作 程 嗣 30 風 衣 好 信字 結 納 名 徐笠 流 , 視 贵 槐 金 以為 如 1: 9 7 HÝ 帥 作 詩 云 ; 滿 頭 白

來

三十七)

早 清

,

到

手

黄

0

周

日

民

,

Ш

庭

三十八)

字 F 雙竹居雜話 , , 何必清 便 有霄壤之別 鞱 Z 消十分。 : 沈文肅公葆楨 0 老 成 」其蘊負約略見之矣。後林文忠爲易「何必」之「必」字爲「况」, 碩 望 , ,年少時頗跌宕不得所,相傳其早年有咏新月詩云:「 吐 屬固 自不 同 c 鈎 已足明 僅此一 天

Z 改句

左傳襄公二十五 所不與崔慶者, 」晏子仰天歎日 年云:丁 :「嬰所不唯忠於君 11: 雀杼 立 im 相之, 利 社稷 慶 封 者 為 是與 左 相 , , 有 盟國 如 Ŀ 人於 帝 ٥ 太宮 乃 , 歃 日 0 0 杜 -注 所 不 云 : 與 벮 崔 慶 云 者

有如上

帝。」讀書未終,晏子抄答易其辭,

因自歃

0

: 9

穿封 必不得 之。子大叔爲 在敝邑之城 左傳襄公二十六年云:楚子 成囚 0 叉 皇領 楚 T 功 命正 , iffi 楚 取貨 其 ,杜注云:主作辭令之正。按:正,長也。以為請,子產曰:「不獲。謂大叔辭以負請 人以皇頡歸 可 於鄭 0 弗 從 秦人侵吳,途侵鄭 , 不 , 0 遂行 ग्र 印堇父與皇頡 "謂國 , 茶 , 人不 秦不 子 共 戊城麇 0 Æ 然 0 更幣 月 0 若 , 楚 至于城 日 , 從子產 : 人囚之以獻于秦 **燥。鄭** 拜 君 , 之勤・ imi 後獲之 皇 領 鄭國 戍 之 0 0 鄭 微 9 杜注云:更造使 君之惠 出 人取貨於印 與 楚 , 師 楚 戰 印堂父 氏以 師 , 敗 共 猶

-

章

修

聯舉例

淡 文 文 言 修

用

子産

龤

73

獲

難父

公羊 也 0 (傳 非 樹 達 莊 雨 公七 按 則 : 曷 年云 (論 為 (衡 謂 } 数 之 : 增 夏 加 篇 四 雨 ? 月 云 辛 不 • 脩 1111 如 {春 夜 雨 *秋 , 者 日 恆 , 0 星不 -如 雨 見; 雨 狀 星 也 9 夜中 不 0 山 及 , 氣 地 星 為 尺 質 集 而 如 復 , 雨 Ŀ 0 0 示 _ 及 君 天 子. 加 修 , 뒘 之 下 者 imi , 何 日 爲 ? 某 : 加 , 星 Fil 雨 者 星 如 一星隕 , 雨 非 0 H

尺 5 亦以 太甚 矣 0 夫 地 有 孔子 機臺 山 陵 , 安得 言 尺 , 孔 子 言 如 雨 , 得 其 實 矣

不及

地

-

復

在

天

,

故

日

加

雨

,

JE.

言

也

0

夫星

阻

或

時

至

地

,

或

時不

能

,

尺

丈之

數

難

審

也

0

{史

[記

昭 公元 年云: 冬, 楚公子 圍 將聘 于 鄭

,

伍舉為

介

,

未

出

竟

,

聞

 \pm

有

疾

而還

0

伍舉

逐

聘

0

+

月

四

左傳

伍 , 公子 圍 至 , 入 問 王 疾 , 縊 mi 弑 之 0 使 赴 于 鄭 , 伍舉 問 應 為 後 之解 焉 , 對 H : 寡 大 夫 圍 ٥

更 之日 : |共 Œ 之子 圍 爲 長 0

 \mathcal{H}

樹 達 按 : 洪 F 之子 圍 為 長 , 此 朋 圍 之 嗣 立 為 合 理 也 0 但 云 -寡 大 夫 日園 , 則 無 此 意 矣 0

者 唐 浙 劉 禿 知 者 幾 史 通 胁 者 卷 六 逆 胁 }敍 事 者 篇 0 Z 蓋宜 . 公羊傳 除 跛 稱 者 : 以下 那克 旬 眇 , , (日 季 云 採 : 行 父 -各 禿 힗 3 其 孫 R 類 逆 夫 跋 , 0 齊 必 事 使 跛 加 者 再 並 前 跛 , 則 者 于 , 文 禿

費

此

煩

何

也

议 樹 達 , 文 被 詞 . 劉氏 雖 省 , 此 韻 議 味 非 索 也 然 0 矣 夫 0 齊 魏 人類逆 伯 7 {論 , 文云 事 本 : 滑 如 稽 劉 , 說 校 , 傳 簡 文特作 則 簡 矣, 煩 言 於 , 神情 以 增 特 與 不 趣 生 , 動 若 9 加 劉 也 氏 所

八六

發憤著 則當時 書八 傳 史 呂覺 通 篇 卷 書之義 宣布 , 案呂氏 illi , **雑** 爲日 説篇 日 也; : 之 人 -1 im 云 不章 矣 修撰 : 輙 引以自 ,豈以 淡 遷 也 書 蜀 載 , 遷蜀之後 廣 子長 喻 , 招 世 , 112 俊 傳 與 呂覺 其 客 任 倫 方始 , 117 比 , 乎 卿 傳手 跡 1 書 斯 若 春 , 盖 I 陵 要 歷 識 多 且 說 , 必以身 有 舉 共 自 不 集 枚 古 該 異 事 述 作皆 旣 聞 , , 思之未 流移 成 , 其 擬 因 博 書 患 , 審 學 書 荀 im 方 孟 4 , 起 見重 何 0 , , 不 思 末 云 刊 云 , 則 . _ : 字 叉 -)與卿 非 不 , 旗 關 幸 窮 作 以 遷 F 圖 者 愁 本 金 , , 著 因 世 ,

(七)

晉書卷 安 九十 日 : - 六列女王 何 所 似 也 疑之妻 ? 安兄 子朗日 謝 氏傳云 : : 散鹽空 謝 氏字道 中差 超 11 , 擬 安西 0 將軍奕之女 道 韓國 日 : 也 未若 0 柳 內 絮 集 因 風 俄 起 而 雪 o 驟 安 F 大 o 悅 叔 o

(八)

去 宋 張 0 後 耒 見 明 張 道 雜 公 志云 表 到 . , 悉 元 用 ili 中船 余文, 4 獨 , 表內 詔南京張安道 有一 句云 陪嗣 : -邪正 , 安道因蘇子由 一昭明 , __ 改之云:「 託某撰 鮮免及 民物阜安 謝得請表 و ـــا 意不欲 , 氽 撰

(九)

压

À

稿

邪

也

三 章 修辟舉例

第

三〇

四

面

有

子 語 , 凡 類 數 卷 7 百 字 , + 末 九 後 Z 改 : 定 歐 公 9 只 文多是修 日 環 滁 改 到妙 皆 山 也 處 1___ 0 亚 頃 学 有 im 買得 已 他 秤(記 原 基 , 初 說 滁 州

+

疵 句 為 宋 小 議 0 何 至 邑 遠 0 叉 , }春 知 胡 诸 烈练 削終 紀 椒 : 雖 銤 图 聞 去 卷 大 兩 七 手 多 筆 爲 , 云 安用 : , 不 字 薳 八 以 嘗 , 百 改 於 時 歐 斛 作 筆 陽 ? -文忠 快 求 爲 初 字 定 公諸 云 ; 而 * 义 孫 憚 胡 連 望 壓 之處 必 椒 塗 亦 也 安 小 得 0 用 邑 東 坡 ? 乃 先 4 貯 生 八 數 , 百 作 詩 斛 稿 -? 絮 , _ 介 其 若 和 字 如 歐 初 叔 , 語 凡 弼 詩 , 未 改 : 73 死 後 成 淵 朋

+

費

技

梁

谿

.

蜀

4

刻

文

字

薬

, 乞

校

IE.

陸

贄

奏

議

H

進

剳

云

•

-

相

其

不

幸

,

所

事

0

1 恥 改 9 尙 漫 所 **N**H 事 志 有 卷六云 唐 暗 君 0 皆 作 往 -7 去 仕 不 石 , 乃 遇 東坡 用 時 此 0 事 獲 鬼 别 章 作 告 聯 裕 云 陵 : 文 , 頡 初 利 云 成 : 檎 ---, 報 初 谷 子 吉 **#** 71 Z 冤 水 之恥 9 遠 同 ; 到 彊 支授 漢 雪 渭 暗

報 谷 吉 之冤

聊 水 君 宋

|宋 有

袞

{梁

杂

漫

志

卷

Ŧi.

云

:

陳

去

非

與

義

革

義

陽

朱

7K

相

勝

非

}起

復

云

:

眷

7

次

輔

, 方

宅

大

以 世

樹 達 宅 核 憂 。倘 爲 書 言 }說 者 命 9 篇 分 綦 Z 處 : 厚 \pm 貼 宅 麻 憂 , 去 非 待 罪 0 基 改 Z

0 言 者 意 謂 原文用 於天子 9 A 臣 ネ 當用 也

方

服 }制

私

漿

0

十三)

清章 覆 視 學誠 之 2 Z 青 狮 訓譜 | | | 矢 也 記 Z 0 ___ : 淡書昌 按 文 繁 置王 複 गि 無 {傳 當 : 0 宜 ép 位 改 後 E 旬 , 夢青 云 : 蠅之矢 夢 有 積 物 積 Uj 階 内 階 東 東 , I:J , Ti. 接 其 石 F , 以 云 屋 云 版 9 벬 丸 文 ,

發

im 事 理 盆 明 矣 0

+ 四

清章

學

誠

文史

{通

義

卷二

一古文公式篇

云

:

Æ

鈍

翁

按

汪

名

琬

撰

雕

州

湯

烈

婦

旌

門

出

序

云

:

雕

州

諸

生

湯某妻 亂 و __ 趙氏 於辭 為 9 順 值 開 0 蓋突 末 李 旭 自 似 成 之亂 現 在 之人,下 上云云 , 旬 是 補 未 出 善 值 0 開 當 未 云 李 : 自 成 故 , 明 文 雕 亦 州 近 諸 滯 4 也 湯 某 妻 趙 氏 , 値 李 自 成

+ 五

名 清 北 洪亮吉 有 孟 酒 澶 人 o 冰 新 曉 讀 9 }唐 簡 書 書 冶 簡 齌 導 本 初 錄 傳 , 漑 卷 云 田 下 凡 \neg 云 29 州 : T 吾 有 頃 鄉 m 有 9 濟 州 孟 0 人逐 瀆 人 冰 河 名為 , 通 簡 大 孟 江 治 m 導 , 唐 0 9 漑 兀 方 和 田 得 FL 中 常 其 四 實 T 州 坷 刺 0 盖 史 0 漢 __ in 溝 書 簡 M 法 所 濬 法 非 稱 류 0 鄭渠 州 0 當 白 德 云 渠 Z : , , 事 州 因

十六

後

稱

之

,

卽

其

191

也

清 刀 , 楚 衣 題 知 製 , 意 便 足 使

揮

第

章

修

解舉例

朱

孔

彰

江

南

曾

文

Œ

丽

百

詠

云

0 公

幕客

挺

腐

武

員

_

疏

,

狀

其赳

柜

,

數

行

未

1

,

公

一援筆

易

帕

省

Ξ

增益

甲 增字

朱子語 也 類云: 歐陽永叔作書錦堂記云 : 仕 官至將相 , 富貴歸故鄉 , 此人情之所榮 ,今昔之所同

° 後增二 字作 仕 宦 而 至 將 相 , 富貴 imi 馧 故 鄉 0

樹

達

按

:增二而字

,

則一

什

宦

富貴

語

意

加重

,全文意思加多矣

宋王銍 置兹 之上,一投漢水之淵 Ш 默記卷下云:照寧 , 投漢水 三日 , 為中 初 : , 歐公作 節 置 0 文忠公喜而用之 交交 史照 Ш , 峴山 投 漢 亭 水 記 , , 以示 亦 章子厚 मि ٥ 然 終 。子厚讀 是突 兀 至. 0 惇 欲改 元凱 H 銷 助於二 : 石 置 弦 ,

山

(E)

之以 朱費食梁谿漫志卷六云 推 誠 ; 好用 兵 , 而贄以消兵為先 : 蜀中 石 刻東坡文字稿 ; 好聚財 乞校 , iffi 贄以散財為 JE. 陸 贄 奏議 急 Ŀ 進 0 剳 後于逐句首皆添註 汗 云 : 以 精忌 爲 旃 德宗 , mi 館 勸

增句

温日 於 非 }赋 假 書 -, 天下 3 卷 至 . 九 聞 十二文苑袁宏傳 卿 <u>__</u> 性之足 之後移韶 所 思 聞 益 之 於 傷 相 1 <u>_</u> 徙 傳 , 事 乃 宏 , 致傷於天 云 云 ,然於寫送之致,似爲 應 獲 . 聲 宏 答曰 麟 從 于 下 此 植 : 野 温 0 -1 __ ; 北 威 其 誕 征 不 本 靈 , 絕於余心 作 至 物 未盡 此 以 洪北 便改 瑞 征 德 /赋 0 , 韶 , 0 愬 滔云 奚授 0 流 珀 與 風 :「得 體 Z Ŧ im : 於 珀 獨 虞 伏 益 寫 此 者 酒 0 賦 ? 同 寫 _ 方傳千 在 狡 珀 尼 温 韻一 誦 父 坐 味人 載 之 , 句 恫 温 , 9 之 無容 命滔 泣 或 , , 爲 調 率 似 讀 小 稻 爾 實 其 勝 8 慟 0 0 今 m '布 .

當今文章之美, 故當共 推 此 生 1

樹 達按: 此 事又見世 說 新語文學篇注 0 北征 一賦今不存 9 斷句見嚴可均輯全晉文 卷 五

+

七

晉

云

0

史

E 云 珀 孝武 {南 卷 帝 哀册略 二十 云 : -自罹 旻 X , 秋冬代 變 9 帷幕 交 張 , 肴 细 虛 薦 0 極 聽 無 聞 9 詳 覦 图 見 0 節

哀册全文見全晉文卷二十 便益 $\dot{\Xi}$ 之, 王誕 接 傳 其 云 : 秋冬代 晉孝武 帝崩 變 L_ 後 , Z 從 . 叔 尙 霜 書令 繁廣 珣 除 為 哀策 , 風 回 , 高殿 出 本 0 示 誕 珀 , 歎美 E • , 天 猶 ifii 恨 用之 15 序

Ξ

樹

達

按

:

誕攬筆

,

第 Ξ 濆 修辟界

例

<u>U</u>

南史 玄虚 卷三 , 但 十 恨 不 道]張 融 耳 {傳 0 云 : 融 融 卽 作 {海 求 筆 **!**賦 注 9 文解 \mathbf{H} : 詭 漉沙 激 , 構白 獨 與 衆異 , 熬 波 0 後以 出 素 示 0 積 顧 馬中 凱 之 春 , 覬 , 飛 之 霜 日 暑 : 路 卿 0 此 此 賦 宵 74 旬 超

樹 達 按 . {海 **腿** 全文見全 齊文 卷 十 五 0 清 張 雲璈 }四 寸 學卷六云 : ---漉沙 構 白 9 似是今 淮 北 之

晒

後

所

足

也

Щ

也 謂 唐 不 審 劉 9 當 其 矣 知 初 幾 如 9 是 宜 (史 而 耶 Z **通** 竞 十六 : 不 -書 遷字 雜 其 字 說 子 上 0 篇 長 班 , 云 固 馮 : 173 奶 司 其 陽夏人 馬 木 遷 傳 之 , 敍 , 了 其序曰 傳 無 也 損 9 益 : 始 , 自 此 云云 初 义 生 韓 , 0 子所以致守 至 及乎 一於事 行 終 歷 , , 株之 事 則 言 無 說 其自 F 也 細 敍 0 , 如 莫 加 此 固 不 之 備 , 為 著 陳 述 邀

9

可

之 傳

 \overline{H}

陸

游

老

學

庵

筆

卷

云

:

書景

初

作一士大

八夫墓誌

,以示朱

希

眞

,

希

真

日

:

甚

妙

9

但

似

欠

29

字 宋 9 然 不 政 以 告 記 O 景 初 111 晏尚 問 之 , 希 眞 指 有文集十卷」字下曰 : 此 真 處 意 欠 也 0 0 _ 叉問 : -欠何 字?

: 當 增 -不 さ 行 於 -111-_ 24 字 0 景初 塗 珀 -1 藏於家」三字 , 實用 希

}後 漢 書 卷 九 + 七范滂傳云: 建 寧二 车 , **这大**誅黨人, 詔 F , 急捕滂等 0 督 1 興吳萬 至縣 , 抱詔

書別

傳

之訣 為惡 兼得 恩 舍 天 9 , K 伏 平 加 0 , ? 滂 牀 坍 大 行 __ 矣 白 威 illi |滂 瓜艾 母 路 1 江 聞 跪 日 子 1 0 受 之 _ : 何 滂 教 母 爲 聞 , 莫不 在 Z 日 仲 , 再 . 此 , 博 流 ? 拜 -日 孝 汝今 涕 敬 面 : 滂 僻 0 足 必 清 得 以 , 日 為 顧 供養 E 肍 : 謂 李 我 鳴 盛 朴 滂 其 也 9 + 1 齊 死 0 滂從龍舒 七史商 名 日 則 卽 禍 : , 寒 M 李曆 権 吾 詣 9 君歸黃泉 何 欲 狱 K . 使 政 杜 0 }後 汝 密 以 縣 罪 分 漢 為 ,存亡 書范 累 死 大 惡 君 糖 亦 , 湾傳 則 何 1 , 各得 出 义 惡 恨 分 敍 不 1 , 其 老 解 旣 TI 至 所 母 為 有 FI -1 , 流 溪 綬 令 惟 離 使 名 就 3 大 平 引 逮 汝 9 解 為 復 A Ī 颠 割 俱 善 ___ 母 求 母 壽 不 其 , 訓 則 考 П 母 , 忍之 滂 我 就 \Box ,

删 削

,

宜

補

句

,

云

:

滂竟被

害

,

_

然

後

機以「

行

路

聞之

,

莫不

流涕

云云

不 म 與

甲 删 字

:

子聞之, 呂氏 春 秋 日 卷 : {至 公篇 去 其 _ 云 開 荆 而 ٨ 有 п 矣 遺 弓 0 者 , im 不 肯 索 , 日 : \neg [荆 人 遺 之 , 荆 ٨ 得 之 , 叉

何

索馬

?

孔

,

楚 人

E

得之 樹 達 按 , 第 叉 : = 何 (說 章 求 苑 至 公篇 ? 修 辭 |仲 果 云 例 尼 : 楚 聞 共 之 9 Ŧ 日 出 獵 : 丽 惜 遺 平 其 Ī 弓 其 9 不 左 右 大 也 請 1 求 亦 之 日 , |共 -Ŧ 人遺 日 : 之 -11 , 人 1 芸五 得 楚 之 V 遺 9 弓 iffi

三六

何 必一 楚 __ 也 · 」事又見公孫龍子跡府篇及孔子家語好生篇

唐劉知幾史通卷六敍事篇云:漢書張於傅云 口 中山 可矣 0 夫此六文成句 , 而三字妄加 二一年 , 此 為煩字 老,口中無齒 也 0 盗於此 句之內 , 去

> 年 上及

Z 删句

嚴可均全晉文一百二引陸士龍與兄平原書云 旬 , 謂 可省 ٥ : 二祖頌甚為 高偉 , 然意故復謂之微多「 民不 輟歎

樹達按:二祖颂全晉文未見

唐劉知 不及二年矣。』一年而亡。門人問曰 機史通 卷 十五 點煩篇云:孔子家語曰:「 , 昔公索氏亡其祭牲 魯公索氏將祭而忘其牲 , ifii 夫子曰 记孔子 :不及二年,必亡。今果如 聞之 , 日 : 公索氏

樹達 按: 謂當删 Ξ **昔公索氏亡其祭牲」至「今果如期而亡」三句二十四字也** 期

而亡。

夫子

何以知然

?』」宜除二十四字

便 通 雜 說 {<u> </u>}. 篇 云 : 业記 Y 通 傳 云 : 文 帝 崩 , 景帝 37. 0 向 岩 但 Z 景 帝 立 9 不 i

崩 9 斯 亦 H 知 矣 , 何 用 兼 書 其 事 平

宋陳 言 其 善 長二 捫 螽 一千六百 新 話 卷 子云 尺 翼 . 蔡 以 扶 君 欄 謨 襄 矣 作 不 當 泉 叉 州 言 萬 安 如 渡 其 石 長 橋 之 記 數 9 ìmi 文 字 Wi 之 極 飾 _ 4 此 0 八 然 字 子 為 謂 贅 剩 卻 言 0

樹 達按 : 蔡文見宋文鑑 卷 七 + 九

,

,

0

五

史記 知 孫 孫 之 乘宗 生 奏 0 卷 廟 事 九 道 + 壞 , L 因 此 九 行哉 請 叔 , 開 則 孫 ? 示 通 9 有 日 傳 孝惠帝 過 : 云 舉 . 陛 孝 0 大懼 願 惠 下 帝 毕 何 下 , 自 爲 樂複 東朝 為 日 : 原 廟滑 道 長 ? 急壞之!」 樂宮 高寝 北 , 及 衣 衣 閒 冠 冠 往 权 月 月 , 出 孫 出 數 游 生 游 蹕 之 日 高 , . 廟 煩 0 益 0 Λ 廣 人 高 , 多 Ė 廟 远 宗 無 , 作 廟 過 漢 複 舉 太 道 , 大孝 0 祖 , 今 方 , 已作 之本 奈 樂 何 武 也 分 , 庫 百 後 0 南 姓 111 0 Ŀ 皆 y. 叔

詔 有 司 立 原 廟 0 原 廟 起 以 複 道 故

乃

道 立 樹 一廟之由 行 達 被 空 . 故 E 元 自 \pm 見 乘 若 矣 虚 史 , 記 iffi 辨 復 云 感 卷 . 七云 原 廟 . 起 叔 以 孫 複 通 道 以 惠帝 故 • 作 此 複 句 道 安用 , 勸 之立 哉 1前漢削 原 廟 , 之 Ŀ 乃 當 詔 矣 有 0 司 叉 立 按 之 : 複 則

第 = 章 修 辭 果

例

云

示

廟

道

E

行

也

四顛倒

()

宋陳 云 . 善 宜 作 押 發 禽 新 飛 話 影 卷 八云 9 竹 拆 : 聲 Ŧ 0 荆 公 叉王 一等讀 仲至 杜 荀鶴 試 舘職 雪 詩 詩 굸 玄 : : -II. 日 湖 斜 不 奏 見飛 龍 長楊 禽 影 風 , 9 巖谷 閒 拂 惟 塵 聞 埃 拆 看 竹 畫 牆 聲 0 0 改 公

改云:「奏賦長楊罷,」云:「如此語健。」

爲

 \subseteq

當 元王 謹 言 作 於唐 若 本 虛 滹南遺 明 留 皇 侯 云 0 老 0 通鑑 集 --草 卷 野之臣 稱苻堅喜王猛 十三(必知有今 著述 辨 此訴諸豪 感)云 Ĥ , -強 . 當作 (史 云 記 : -言 知 吾 179 始 皓 必 今知 0 定 太 權德 天下之有 子 事 輿 云 論 : 光武 法 • 留侯 封 子密 當 本 作 招 事 此 云 今 14 始 : 人 之 力 反 0 75 郭 , 爵 從

Œ

以

通

侯

,

當作

-

乃

反

0

清 腡 姚範 0 遂 援鶉堂筆記 學 意 與 句 卷 法 增 四 + 重 四 0 方東樹 按 語 **X**: 潘岳西征賦 . ---响 降 之自 天 0 何義門 編 修移 爲

降

四四

聞 諸 先報 Z : 平江 李 次青元度本書生 , 不 知 兵 0 會國藩令其將兵作戰 9 屢 戰 屢敗 0 或 液 大 怒 ,

擬

奏

 $\widehat{\Xi}$

熊湘鈍安脞錄 ,此阡不磨」句、乙為「陵深谷高」,忽若蒼勁無倫 卷 玄 : 吳晦悔 (恭亨) 庚子年嘗撰一墓銘 0 前輩之鑪錘 日 ,

谷 |傅

高陵

, 寫質王葵園 9 明

發還

,

於銘餅「深

至可想見

三九

修辭舉例

第 Ξ

章

文 文 言 修 辭

同 古人綴文,最忌複沓 一篇中稱舉同一人者,名字號諡 。劉勰之論練字也 ,錯雜不恆 , 戒同字 ,幾於令人迷惑,斯為 相犯 , 是其 事 也 0 欲 逃斯病 極變 化 之能事者矣 , 恆 務變文。 0 左氏傳於

能動的變化

甲 名詞

子 私名

天

: 冬, 莒人來求賂 ,公子友敗諸酈,獲莒子之弟祭。 非卿 也, 嘉獲之也

0

公賜季友

汶陽之田及費

左傳信公元年云

樹達按: 季友 即公子友也

0

又僖公十年云:丕鄭之如秦也

,

言於秦伯日

:

呂姆郤稱冀芮實為不從 0 若重問以 召之, 臣出晉

四〇

君 , 君 納 重 耳 , 蔑 不 濟 矣 0 冬 , 秦伯 使 冷 主 報 問 , H. 召 三子 0 郤 内 目 : 幣 重 illi 言 廿 , 游 我 也 0

樹 達 按 . 郤芮 卽 上文之冀尚 也

Ξ

又 虚 公 + Ŧi. 年 云 . 晉侯 使 郤 乞 告 瑕 呂 飴 甥 , H 召 之 0 子-企 教 之言 日 : 爱 -1 H 朝 國 0 呂 人 甥 日 而 以 : -君 君 命 亡之不 賞 0 H 恤

告之 m 基 臣 日 是 : 憂 , 孤 惠之 雖 鰏 至 , 也 戽 社 0 將 稷 若 矣 君 0 何 其 1 滇 图 也 1 衆皆 哭 0 晉於是不 乎 作

樹 達 按 子金 甥 字 呂甥

四

:

卽

瑕

呂

飴

,

其

也

0

叉

稱

0

長 又僖公十七 衞 姬 生 武孟 车 云 , 11 ::齊侯之夫人三, 衞 姬 4 惠公 , 鄭姬 王姬 生 孝公 徐嬴蔡姬皆無 , 葛嬴生 子。 昭 公 醉 , 密姬 侯 好 生懿公 內 , 多 内 9 宋 寵 華 , 子生 內 嬖 公子 加 夫 人者 雍 0 公與 六人

孟 仲 屬孝 0 管仲 公 於宋 卒 , \mathcal{T}_{L} 襄 公子 公 , 皆 以 水立 為 太子 0 冬十月乙亥 0 雍 巫 有 龍 , 於 齊 衞 桓 共 公卒 姬 , 0 因 易牙 寺 人貂以 入 , 與 薦羞於 寺人貂因 公 9 內 亦 龍 以 有 籠 殺 奉 , 吏 公 許 , 之立 imi 30 武 公

樹 達 按 : 衞 共 姬 卽 長 衛姬 , 公子 無 膨 卽 武 孟 , 易牙 卽 雍巫,皆一 稱 0

 \mathcal{H}

第

刀

童

變化

子

無

虧

,

孝

公奔

朱

0

叉 信 公二 + 四 年 云 , 狄 人歸 季 隗 于 쯉 iffi 請 其 三子 0 文公妻趙衰 , 生 原 同 屏 括 樓 嬰 0 趙 姬 計 逆盾 與 其

四

母 , 子 餘 解

0

樹 達 按 : 子餘 , 趙廷 字 也

又宣公 將 殺 餒 死 im , 1 必 , 聚其族 滅 四 及令 若 年云 敖 尹子文 日 氏 • 矣 : 初 0 9 卒 椒也 諺 楚 , 日 司 斸 馬 知 : 般 政 子 **-**為 , 狼 良 令 乃速 子 生 尹 野 子 行 , 心 越 子 矣 椒 0 越 1無及於難 , 子文 是乃 爲 司 馬 狼 日 0 , 也 為賈 且且 --, 其 必 為 H 殺 泣曰 畜乎 I 之一 Œ Ĭ : 是 , 譜子 -7 鬼 子 也 揚 酒 良 , 求 熊 ifii 不 殺 食 可 虎 之狀 之 9 , 若敖 子文以 0 子 而 氏 越 豺 之鬼 為 為 狼 令 大 之 尹 , 戚 聲 , 不 0 0 及 弗 其

以以 貨笠 師 進 於漳 之 轂 , 遂 澨 0 滅 師 0 秋七月戊戌, 若 懼 敖氏 , 退 0 0 E 使 巡 楚子 師 與 日 若敖氏戰 : -吾 先君文王克 於皐 滸 伯 息, 禁射 獲 Ŧ 矢焉 汰 輈 , 9 伯禁竊 鼓跗

質焉 為司

,

弗

受, 子越

馬

0

又惡之

,

乃

以岩

敖

氏

之族

圕

伯

嬴

於

轑

陽

im

殺

之

,

遂

處

然

野

0

將

攻

Ŧ

,

王以

爲

,

寧

其二, 著於丁 三王之子

盡

於

又射汰輈

樹 0 堂 按 鼓 丽 . 越椒 椒 , 子 越 , 伯 梦

9

同

人

也

,

四

稱

0 ᇑ

般

,

子

揚

, 同

人也

,

稱

0

鳶

賈

,

伯

嬴 , 同 人也 , 亦 稱

0

七

义襄公 樹達按 六年云 : 子湯 宋 華弱 刨 樂轡 與 樂 也 轡 , 15 相 狎 , Je. 相 優 , 义 相 游 也 0 子 瀉 怒 , 以弓 格華弱

於

朝

不可 nn 行 戌 义襄公九 邾 還 成 , 以 師 師 人從荀偃韓起門 0 爭 以 中 于氾 敝 年云 。大勞未艾,君子勞心 行 楚人。 獻 0 二、冬十 子 分 於諸 B 吾三分四 : 侯 于 月 **遂**園 日 師 9 之梁 諸 : 「脩器備 侯伐鄭 軍 之 與諸侯之銳以逆來者 , , 以待楚 滕人 ,小人勞力, 0 庚 , , 人之救 午, 盛 薛 餱 A 從 季武子齊崔 糧 樂縣 先王之制也 也 , 歸 , 老 士 , 而 於我 幼 與 魴 之 菛 杼宋 , 未 居 戰 于 。」諸侯皆不 病 **疾于** 北門 皇鄖 0 不 , 楚不能 然 虎 從有營士 , 牢 杷 , 無 , 人 欲戰 矣 肆告 郎 成 匄 , 0 人從趙武 ,乃許鄭成 猶 1 門于 愈於戰 知 武 圍 驯 子 魏絳 鄭 門, 日 0 , 鄭 暴 . 斬 衞 0 骨 北宮 A 行 許 恐 栗 之盟 括 , 0 75 甲 曹

及官 也 Z 樹 史文莫不 : , 達 爵封 此 按 嘗讀 則 : 鑽仰 邑焉 稱 中 於 左氏 行 左氏 獻子 禮文之言 。一篇之中,錯出 春 秋 即上 , 而 而 一文之荀 苦其 獨 , 於 非史文述事之例 此 書人名字 不 偃 復 互 , 見, 知 相 不爲 師 武 荷 也 子 非註 也 成 0 即上文之有答 _ 0 法 按以實 左氏 釋 也 相 0 傳有 則隨意雜 夫幼名 用 受授 言之 也 0 , 舉而無 叉按 , , 冠字 章說 至今 : 章學誠文史通 , 義例, 誠 不 五十以伯仲 是矣 識為 且名字諡行以 何 0 加 然 作 ٨ 左氏 , 也 義 死諡 0 卷 是以 傳 外 繁 , 意 後 周 稱 , 世 更 道

九

第

Щ

章

變

化

求

美

,

後

人之誤解

與

否

,

非

所

計

及

,

其

求

美之意之切

,

亦

可

推

見

金文公貿 樹 達 按 鼎 : 云 貧 : 叔氏 與 公 智 吏 為一 使 人 貧安 , 名貧字 異白 公貿也 伯 , 賓貧 馬 科 乘 , 公貿用 休鱻 用 乍 作

地 國

漠

孟子梁惠王下篇云: 惟仁者為能以大事小,是故湯事萬, 文王事昆夷。惟智者為能以小事大, 故太

王事獯鬻 , 句踐 事吳

所事 其喙 樹達 夷 0 矣。」 此 者 按 詩自一 亦當為混夷 . E 一國維觀 亦言太王定都之後伐木開道 章至七章皆 堂集 0 孟子易以 林 言太王 卷十三 人無鬻者 鬼方昆 遷都樂室之事 , 以 , 夷 混夷畏 上文云 **嚴** 考云 ,八章云『 其強而驚走也 文王事昆夷 : -據大雅 柞棫拔矣 , 。太王所喙者既爲混夷 縣詩 <u>L</u> 故以異名同實之獯鬻代之 ,行道兌矣 本 文 , 則 太王 , 混 所 夷駾 事 , E 則 矣 是 萷 , 混 此 維

臨文之道 ,不得不 爾

也

0

氏名

史記 卷三十二齊太公世家云: 子我盟諸田於陳宗 0

樹達 按 : 下文云:「 所不 殺子 者 , 有 如 田 宗 • 彼言 田宗 , 则 陳宗為變 文明

矣

0

物 地名

卷九十五樊瞻傳云:攻趙賁下郿 , 槐里 , 柳中, 成陽 , 灌 廢丘 , 最 0

樹達按 公:索隱云 :廢丘 0 即槐里 也 0 初 ź 人槐里 , 稱 其新名, 後言 功最 , 是重舉 , 不欲再見其文

故因舊稱廢丘 也

丑

易蟲卦云:幹父之蠱,有子, 考无咎

樹 達按: 考即父也

詩

樹 達按:言王又言天子,天子即 Ē 也

襄公三年云:祁 奚請老,晉侯問 圖馬 , 稱解狐

,

其讎也,立之而卒。

又問焉 : 0 稱 赤 其

,

對 गि

日

:

午 也

也 讎

。」於是那

左傳

्

一(午,

祁奚子。)於是羊舌職死矣

商書

午為中軍

,

羊舌赤佐之。(赤

, 0

職之子伯華。〉君子謂祁奚於是能舉

善 矣

不

爲

平

, 晉侯曰:「孰可以代之?」對曰

其子

不

爲比 尉

;舉其

偏

,不為黨

日

:

無

偏 無

黨

,

王道蕩蕩

, ___

其那奚之謂

矣

0 ,

解狐

得 諂

舉

祁 午得位

,

伯華得官

樹達按

- 正義云… , 建 官位一也 一官而 物成 變文相避耳 , 能聚善 也

,

四

第 匹 章 變化

四五

漢 文 文 言 修 辭 魁

少姜之有 寵 也 , 以 其 字 更 公公 女 imi 嫁 公 四六 -7

o

左傳 樹 昭公三年 達 按:公女即公子 云 : 晉 韓 起 也 如 齊 , 變文耳 逆女, 公孫 盛為

(五)

左傳 矣。 商 昭公十六年云 人日 : 必告 : 君大夫。」 宜子 有 環 , 韓子請諸子產 其 在鄭 商 , 日 宜子 : -謁諸 H 起 請 伯 夫環 , 子. , 產 執 弗 政 與 弗 義 0 韓 , 弗 子 敢 買 復 諸 也 賈 0 人 今 9 買 旣 成 賈 商

商 人曰:『 必以聞 。」敢以 為請

達 樹 達按 按 此 :孔疏云: 變文以辟 複 賈 入即 也 商 人 也 0

行

日

商

,

坐

日

賈

,

對文

别

,

散

則

不

殊

:

故

商

賈

並

言

之

0

樹

六

:

左傳 經 也 昭公二十五年云 , 地之義 也 , 民之行 • 簡 也 子 日 0 天 : 地 之 敢 問 經 : im 民實 何 謂 則 禮 之 ? Ĺ , 對 則 天 日 之明 : 吉也聞 9 因 地 諸先大 之性 大夫子產 目 : 大禮 , 天

樹 也 達 0 按 ::杜注云 覆 H 天地之經 . 經 者 , 朋 9 道之常 天 地皆有 0 孔疏 常也 0 云 天有常明之義 : 此 傳 文於 天言 , 地 常 有常 , 則 利之義 地 亦 常 也 也 ; 0 於 旣 地 Ħ 天之經 言 義 , 則 , 不 天 亦

也 F 9 Œ 地 之經 是變文使 , 故 變文 相 避 耳 稱 義 0 旣 则天明 , 不可復言 則地之性,故變文言因;因之與 則,

Ti

相

通

七

禮記二 + 雜記 下篇 Z : 升 正 柩 , 諸 侯 , 轨 絆 Ŧi. Ħ 人 0 大 夫 之 蚬 , 其 升 JE 柩 1 9 執 月 者 \equiv

百

引, 樹達 後云 im 諸 侯 Ħ 按:鄭注云:「 升正枢,」三也 不云「之喪」 言之。」又按 此節文僅二十五字,其變化至多。綍引變文,一也。大夫云「大夫之喪,」 ,二也。諸侯先云「 升正 0 因 柩者 敍述先後不同 ,謂將葬 朝於祖 升 ,故大夫云 ĪĒ. 柩 , ・」後言「 正棺於廟也。綍引 其升正 諸侯 柩 , 也 大夫則先云「 同 __ H m 諸侯但云 , 廟中日綍 大夫之喪,」 升 JE. ,在 柩 企 , 四 日

也 0 執引」下有「者」字,「 執紼」下無之,五 也

禮記 , 十五 夫人蠶於北郊以共冕服 祭統篇云: 天 子 親 耕於 前 郊以共 齊盛 , \pm 后 蠶 於 北郊 以 共 純 服 ; 諸 侯 耕 於 東 郊 3 亦 以共

樹達 按:鄭注云 0 純 服 亦冕服也, 互言之爾 0 純以見繪色,冕以著祭服

0

九

以 }周 毓 禮 草木 地官 大司徒云: , 以 任土 事 以土宜之法辨十有二土之名物 0 辨十 有 二壤之物 illi 知 其種 , 以教稼穡樹 , 以 相 民宅而知 藝 其 (利害 , 以 阜 人民 , 以蕃鳥獸

樹 達 按 : 鄭注 ž . 壤 亦土也 , 變 言 H

+

第 Щ 章 變化

文文言修群學

漠

四八

何

穀梁傳隱 公元 }年 云 : 公何以 不 言 即位 ? 成公志也。 焉成也 ?言君之不取爲公也 0 君 之不 取為 公,

也? 將以 樹達 讓 按 相 : 范注 也 云 : 公, 君 也。 上言君 , 下 言公, 互解 0

|國語 **楚語** 云 : 觀 + 別分公日 . 天子滿郊之事,王后必自春 其 **粢;諸侯祖** 廟之事, 夫人必自春

樹達按 :韋昭注 云 0 器實曰粢,在器曰盛。」 上言 楽・下 言盛 互互 其文也

國策卷二十六韓策 ナニン 云: 大王 事秦,秦必求宜陽 成阜 , **今茲**劾之, 明 年又 益 求 割 地 0

樹達按:今茲謂今年也。

(十三)

國策趙策三 管子 小匡篇云: 云 : 趙以七敗之餘 + 戎車 凼 待游 車之弊, , 收 破軍之弊 戎士待臣 一妾之餘

0

樹 達 按 : 王念孫 十五 云 . 弊亦餘 也 ٥ 詳見經義 述 開 {周 禮

淮南子主 ·

術篇云:吳莫僭於志,而莫邪爲下;寇莫大於陰陽 ,而桴鼓爲 小

樹 達按 : 高 注 云 . 寇 亦 兵 也 0

十六

風 , 此 聲之宗也 叉云

:

夫寸生

| |於標,標生

於

形,形

生於景,景生於日,此度之本

也;樂生於音

,

音生於律

, 律

生於

樹 達 按 : 高 注 云 宗 亦 本 也 0

十七

篇云 達按 : 高 條可以為繶 注 云 : 紃 亦 ,不必以 繶 0

叉說

林

:

紃

0

樹

十八)

漢書卷三十四黥布傳云: 樹達 按 : 張晏云: 往 年 前年殺彭越, 與 前 年 同 耳 往 , 文 年 相 殺 澼 韓 也 信 0

0

+ 九

漢書卷九十七外成 鄉王 更得 妻;更得死 史皇孫王夫人 , 嫁為 廣望 傳云 王迺始婦 : 嫗

E

嫗) 0

言

爲同

樹達

按

:

上言

妻

,

下

·言婦

第 四 童 變化

四九

:「名妄人,家本涿郡蠡吾平鄉 9 车 4 79

,

嫁

乙 代名詞

子自稱

書大誥云:我有大事休,股卜幷吉。

樹達按:我股並用。

又云:予惟往求朕攸濟。

樹達按·予脫並用。

又云:越予冲人,不卬自恤。

樹達按:上二例予卬並用。 又云·肆予曷敢不越卬敉寧王大命—

<u>=</u>

五〇

又仲虺之誥云:予恐來世以台爲口實

0

樹達按:予台並用

又盤庚中篇云:予念我先神后之勞爾

樹達按:予我並用

0

, 卬須我友

詩邶風飽有苦葉篇云:人涉卬否

(八)

樹

達按

:

卬我皆吾也

0

論語五公治長篇云:子貢曰:我不欲人之加諸我也,吾亦欲無加諸人。 (九)

又六雅也篇云:季氏使閔子騫為費宰,閔子騫曰:「善為我解焉! + 如有復我者 , 則吾必在汶上矣

又七述而篇云:子曰:二三子以我為隱乎?吾無隱乎爾。吾無行而不與二三子者,是丘 (十一)

又九子罕篇云:太宰問於子貢曰:「夫子聖者與?何其多能也!」 第 四 意 變化 子貢曰:「 固天縱之將聖,又多 Ŧī.

也。

能也 0 族 子聞之,曰:「 文 文 言 修 辭 太宰知我乎!吾少也 學 賤,故多能鄙事。君子多乎哉!不多也 0

又云:吾有知乎哉?無知也。有鄙夫問於我,空空如也,我叩其兩端而竭焉 (+1)0

又十七陽貨籍云:夫召我者,而豈徒哉? (十四) ,吾其為東周乎一

如有用我者

(十三)

左傳莊公十年云:伐我,吾求教於蔡而伐之。

莊子齊物論云:今者吾喪我 一十五

漢書卷四十九爰恭傳云:吾與汝兄善,今兒迺毀 (十六) 我

左傳桓公六年云:我張吾三軍而被吾甲兵

(十七)

(十八)

孟子公孫丑篇云:我善養吾浩然之氣

(十九)

又云:彼以其富,我以吾仁;彼以其愆,我以吾義。

(二十)

令百姓聞吾過。 漢書卷三十九蕭何傳云

.

相國爲民請吾苑

ッ 不許

,

我不過為然約

, Mi

相國爲賢相。

吾故縣相國,欲

樹達按:以上諸例皆吾我並用。

 $(\pm \pm 1)$

樹達按:此例予吾並用。

0

丑對稱

書盤庚上篇云:汝猷黜乃心,無傲從康-

樹達按:汝乃並用。

 \subseteq

詩小雅巷伯篇云:豈不爾受,既其女遷

0

樹達按:爾女並用

第四章 變化

左傳 宣公十五 年云: 余 , 丽 所嫁婦 人之父也 , 爾用先人之治命,余是以 報

樹達按: 爾而 並 用

0

四

又昭公六年云 女喪 命宗 室 , 於 人何 有 9

達

被

:

女而

並

用

 π

篇

云

.

子夏

喪

其

子

iffi

蚬

其

明

,

曾

子

帝之

,

日

:

吾

則 汝

哭之

子夏亦 爾子 |檀号 退而 {<u>F</u> 9 喪爾 老於 哭 , 西河 明 日 : , 之上, 爾罪 天乎 三 也 使 1 西 予之無罪 0 河之民 丽 日 汝何無罪 疑汝於 也 1 歟 夫子 曾 1 子 , 怒 酮 日 罪

> 也 商

喪 汝 之

爾 何 也

親 無 9

9 使民 也 友 蚬 1

未 吾 眀

有 亷 9

聞

馬 事 夫 5 子 於 冰 曾

1 聞

罪 朋

泗之間 子哭

,

,

也

樹 喪

達

按

9

爾

汝二

字

並

用

0

(六)

樹 迹 + 按 五祭統篇云 • 注云: 七 : 若暴乃 若乃 猶 祖

女也 0 按岩 乃義同 變用

0

服

0

史記卷六十五孫子吳起傳 **云** 汝知而心左右手背乎?

樹達按 : 汝而變用

(八)

又卷七十張儀傳云:始吾從若飲 , 我 不签而 壁 9 若笞我。 若 善守 汝國

, 我 顧 Ħ. 盗

imi 城

樹達按:若而汝並用

(九)

若反以讒誅我

又卷四十一

越世家云:子胥大笑曰:我合而父霸,

我又立若。若初欲分吳國半予我,我不受已,今

樹達按: 而若並用。

寅 他稱

漢書卷四十八賈誼傳云: 危,故吾得與之俱安 彼且為我死

,故吾得與之俱生;彼且爲我亡,故吾得與之俱存

;

夫將為我

內 動 詞 樹達按:彼夫變用

0

第 四 章 變化

五五

漢

詩 小雅 **采薇篇云:彼爾** 惟 何?惟常之華;彼路斯何?君子之車 0

樹 達按:惟與斯皆 為 也

左傳 襄公二十五年云 : 賦 車 籍 馬 0

樹達按

: 孔疏

云

:

賦

與籍俱是稅也

, 稅

民之财

,

使備車馬

因

車

馬

之異

,故別

為

其

文

0

(E)

昭

公元

年

云:

趙孟

視

蔭

,

日

:

朝夕不

相及

,

誰

能

待

正

0

后子出

丽

告

٨

日

:

_

趙

孟 將

死

矣 ?

左傳 主 民 9 翫 歲 m 惕 H , 其 、與幾何 1

樹達按 **}杜** 云 翫惕 皆貪 也

•

:

0

四

, 樹達 民其居乎 按 : 處 ? 與居 民之不 同 處 義 ,其誰 9 變文以避 堪之? 複耳 不堪 王 命 9 乃 禍 亂也

違

左傳昭公四

年

云:

申

無字

日

=

|楚禍

之首

,

將在此矣

0

召諸侯而

來

,

伐

或

mi

克

,

城

竟

英校

,

志不

五

左傳 昭公二十六年云 : 在禮 :家施不及國 , 民不 遷 , 農不 移 ,工質不變

五六

樹蓬 按:遷移變義 同 0

論語九子罕篇云:牢曰:「子云:『吾不試,故藝。』」 (六)

樹達按:上言曰,下言云:曰云同義 (七)

潍南子原道篇云: 音之數不過五, 而五音之變不可勝聽也; 味之和不過五, 而五味之化不可勝嘗

也

樹 達按:高注云: 化亦 變也

八)

又俶真篇云:夫疾風敦木,而不能拔毛髮 樹達按:高注云:教亦拔也

(九)

神篇云:是故憂患不能入也,而邪氣不能襲 0

樹達按:高注云:襲亦入也。

+

又道應篇

第

刀

章

變化

云:善治國家者,不變其故,不 易其常

九七

學

樹達按: 漢 文 變易義同 文 言 修 辭

(十二)

又說山篇云:象解其牙,不憎人之利之也;死而寒其招寶,不怨人取之

變文也

樹達按:高誘注云:怨亦憎,變文耳。樹達按:高特於此言變文以起例,知注凡言某亦某者皆

又說山篇云:膏之殺鼈,鵲矢中蝟。

(十三)

樹達按:高注云:中亦殺也

樹達按:高注云:蹠, 至也。 極亦至,互文耳 又說林篇云:蹠越者或以舟,或以車,雖異路,所極

也。

丁 狀詞

(機禮) 计远禮云:始加,祝曰:「令月吉日,始加元服

٥

五八

又云:再加,曰:「吉月令辰,乃申爾服。」

樹達按:吉令皆善也。

 Ξ

論語十三子路篇云:為君難,為臣不易。

(四)

淮南子氾論篇云:存亡之跡若此其易知也,愚夫蠢婦皆能諭之。 樹達按:高注云:蠢亦愚

戊副詞

 $\frac{1}{2}$

<u>推子逍遙遊篇云:今子有大樹,息其無用,何不樹之於無何有之鄉,廣莫之野,彷徨乎無爲其側</u> 逍遙乎寢臥其下? 樹達按:成玄英疏云: 彷徨,縱任之名,逍遙 **,**自得之稱 ,亦是異言一致,互其文耳

,

己介詞

第四章

變化

五九

英 : 楚自克庸以來,其君無 H 不討國人而訓之于民生之不易 禍 至之無 H

左傳宣公十二 不可以怠;在軍 年 云 , 無

H

不

討軍

實而

申做之于勝之不

可保,斜之百克而卒無後;訓之以若敖魵冒

,

, 戒 懼之

纏以 啓 Ш 林 0

樹 達 按 : Ŀ 言訓之于 , 申儆之于 , 下言訓之以 , 于亦 以 也 , И. 文耳 0

大戴 醴 樹 達 記朝事篇云:禮樂謂之益習 按 : 謂 亦爲 也 , 互 文耳 , 德行 謂之益 修 , 天子之命爲之益行

0

樹 子 達按: }解 老篇云:慈 老子 於作 , 於戰 빓 9 韓非 則 勝 變文言之 9 以 守 則 固 0

}韓

非

四

建記 卷 百二 + $\mp i$ 佞幸 傳 云 : 衛青霍去 病 亦 以 外 戚 貴 , 然 颇 用 材 能 自 進 0

 \mathcal{H}

又卷百一 三十 79 游俠傳 Z • 魯人皆以儒教 9 而朱家 用俠聞

漢書卷八十 張禹傳 さ Z Ŀ 車駕 至 西第 親問馬以 天 變 因 用 吏 民所

.

,

,

F

E

氏 事示

禹

六〇

樹達 按 : 以上三 一例皆以 用二 字 並 用 9 用亦 以 也

被動 的 變化

甲 避 複

易

乾文 }言 Z • 子曰 : 君 子進德修 業。 忠 信 , 所以 進 德 也 ; 修 辭 立 其 誠 , 所 以 居 業 也

0

《修文而》 按 : 云居 疏 Z 業 . Ŀ 0 云 樹 進 達 德 被 , : 下 顧 復 炎武 Z 進 日 德 知錄 Ė 卷二十一云 云 修 業 9 下 : 變云居 自漢以 業 者 來 , , 以 作 其 文者 閒 有 卽 修 齡 有 之文 避 假 9 故 之 避

法 0 據此例 5 周 人記 孔子語已 然 矣

其 樹

達

書堯典云 宅南 成 , 筲 交 中 平秩 • 分命義仲 南 訛 , , 敬 宅關 致 9 夷 H 永星 , 日 暘谷 火 , 以正 9 寅寶 仲 出 夏 H ٥ , 分命 平 秩 和仲 東 作 , 9 宅 H 西 中 , 星 日 鳥 昧 , 谷 以 , 般 寅 仲 餞 春 納 0 H 申 , 命 平 羲 秩 叔 近

西 按 星 虚 方 : 成 孔 , 以 虎 傳 般 形 云 仲 : 9 南 秋 -鳥 方 0 申命 成 , 鳥 南 和叔 方朱 形 鳥 北 , 方成 七宿 宅朔方, 龜 也 形 0 日 孔 幽都 此 經 疏 躯 艺 , 宿 平在朔易 : 爲文不 79 **」方皆有**· 9 類 日 七 短 星昴 春 宿 言 , 星 各 , 鳥 以 成 IE 總與 仲 形 冬 0 七 東 宿 方 ; 成 龍 夏

形 樹

,

9

0

,

0

,

绾

四

葷

變化

文

六

六二

漢 文 文 育 修 郡丰 舆

小 言 誤 星 0 火 若 , 是 獨 指 , 則 房 總 心 舉 七 虛 宿 昴 惟 , 何 舉 獨 ___ 宿 於 春 , 文不 2 自 有 同 惟 者 宜 , 互 於 春之故 相 通 也 O 0 盖 崔 火 為 適 十二次之一 史記 探 源 卷二云 , 若 春 . 亦 孔 躯 其 疏

次,乃 鳥 鶉 也 同文 之文 火 0 亦 禦 , 爲 可省 , 注 叉 不 鶉 云 與 惟 稱 火 : 如 0 時 , 然若 星鳥 崔 與三方之一 星名 說 避二字 省火稱 , 不 鶉火 類 , 名者 之複 (之方; 鶉 故曰 , 75 疊 不 星 星火 與 同 , 鳥 鴻 不 0 , 稱 省 虛昴皆七星之中, 大火之屬 此 鶴尾 星 可見古人修辭之誠 星 相混 , 又以 0 ; 省 避 仲 仲 鶉 ,若春亦 夏為 夏星火之文, 稱火 0 9 大火之次 又與仲夏之星 舉中 樹 達 星, 妆 不 , : 當日 一种星火 旣 崔 山 灭 説 省 H 複 甚 中 0 稱 古 重 確 星 星 ٨ 火 , 星 0 八屬斛 然 猶 9 • 則 然 未 字 星 則 盡

E

,

信

H

謂

惨

淡

經

營

矣

詩

商

弧

.

玄鳥篇云:天命玄鳥 按 閻 若 璩 Ti 文 尙 書 , 降 疏 im 生商 卷 79 云 宅般 . 旣 士 云 产芒 降 0 m 生

9

爲般 樹 達 2 文字 宜 然 0 按 閻 說 是 也 新 0 馮 景 }解 春 集 駁 图 說 , 此 商 由 馮 不 下 知 ti 不 人俗 得 图 加 4 商 0 按 此 章 商

,

自

Z

. ~

宅

+:

쓴

꼰

0

商

, 故 知 言 般 所 以 避 商 , 故 不 入 能 動 的 變 化 mi 入 之此

四

韶

3周 禮 地 官 }州 {長 Z . Œ 月 一之吉 , 各 剧 1 州 2 民 illi M 法 , 以 驳 其 德 行 道 th rin 刨 之 , 以 糾 其 過 應 m 戒 Z

见 歲 時 45 祀 州 社 , 則 屬 其 民 而 讀 法 , 亦 如 之 0 春 秋 , 以 禮 會 民 ifii 射于 州 序

也 樹 雨 達 0 被 州 , 公:賈疏 社 望 有仲春: 五穀豐孰 云 仲 Ŀ 秋雨祭, 云歲 秋祭社 時 此 , ,以百穀豐稔 皆謂 經不著時者,以下文云春秋會民而 滅之四 時 , ;此云歲 所以 報功 時 0 , 孫 唯 謂歲 治讓周禮正義 之二時· 射于州序 春 卷二十 秋 , 耳 變文以避重複 0 二云 春 祭 : 沚 賈 , 以 說 也 是 亦

 \overline{L}

左傳 成公十六年云 . 蹲 單 而射之, 徽七札 焉

樹 達按 :瞬 ,聚 也 札 亦 再 也 文耳 0 廣雅釋詁

0

,

四

云

:札

,

甲

也

勾踐 已成 國策 終棓 卷五 矣 , 秦策云 ifii 賜 死於 殺 之 . 杜 0 此 郵 商 四 君 0 吳起 子者 爲 孝公平 為 , 楚悼罷 成功 權 而 衡 無能 不去 , , , 禍 功 至於此 E 功 成 已成矣 9 遂以 0 , 車 卒支解 ·君之功 裂 0 白 極 0 起 矣 大 率 夫種 0 數 如 萬 是 之師 爲 不退 越 £ 以 梨 與 , 則 茑 楚 商君白公吳 剏 戰 邑 , 功

樹 達 被 . 上文云白起 , 下文變文言白公者 , 避下 吳 人起起字 重 見 也

0

起

大夫

種

是

也

注 }子 **ұ**Щ 木篇 云 : 再 逐於魯 ,伐樹於宋, 削迹 於 衞 , 窮於 /商周 , 圍 於 陳 蔡 之 間 0

於宋周 樹 達 按 . 變文 成 玄 英 一商周 疏 云 者 0 宋 9 避 是 上文宋 般 後 , 字之複 孔 7. 在 宋及 也 周 遂 不 被用 故 稱窮 也 0 |樹 達按 : 此 文本當云

第 四 章 變化

六三

六四

卷 六十 夷列 傳 云 : 伯 夷 叔 心 雖 賢 , 得 夫 子 而 名 益 彰 ; 颜 淵 雖 篤 學 , 附 駹 尾 iffi 行 顯

達 按 . 顧 炎武 日 细 錄 卷 + 云 . 本 當 是 附 夫 子 耳 , 避 Ŀ 文 雷 同 9 必 作 雕

}伯

卷六十 司馬 九 遷 傳 載 遷 報任少卿 書云 : 盖 西伯拘 而 演周易

樹 達被 {補 + **沙**井 引 Ŧ 啓 原 云 左丘 明 作 春秋 內 外 傳 弦 舉 {國 語

+ 七劉 瑜 傳云: H 天 地 之性 ,陰陽 IE 紀 , 隔 絕 其 道 , 則 水 早 為 井

書

卷五

樹

達

按

;

左丘

失

明

,

厥

有

}國

語

0

:

:

,

,

澼

E

{春

秋

7

0

;仲尼

厄

而作

春秋

;

屈原

放逐

乃

賦

尾

6 王氏 集解 引 蘇 輿 云 : 井 卽 隔 井 , 隔 幷 見 陳 忠郎 顗 諸 傳 , 避 E 隔字 , 因 省 幷

+

卷

+

九

思王

植

云

:

臣

聞

:

-

明

主

使

臣

,

不

廢有

罪

9

故

奔

北

敗

軍

之將

, 用

秦魯以

成

其

功

;

絕

0

魏志 馬 之臣 }陳 , 赦 傳 其 難 0

楚趙 以濟

:

樹 也 達 0 按 叉 按 裴 松 赦 之 盗 注 馬 Z 事 : 見 }淮 秦穆 南 子 公 0 有 建記 盗 卷 馬 九 事 7 七陸 趙 則 費 未 傳 聞 云 0 . 盖 以 秦 秦 任 亦 刑 趙 法 姓 不 穟 故 , 卒 Ħ. 彼 文 以 趙 氏 避 0 Ŀ 秦 {漢

,

,

書卷六十三 燕王 日 傳 Z : 趙氏 《無炊火 焉 0 趙氏 皆指 秦 i , 是陳 思 所 本 也 0

十二)

謝 靈 連 |述 德 云:弦高 犒 晉 師 , 仲 連 卻 秦 軍

達 按 祖 : 日} 詩 知錄 卷二十 ~~ 弦 高 所 犒 者

稿 師 事 , 見 左傳 僖公三十

 $\dot{\Xi}$

年

0

秦 0

師

,

而

改

為

晉

岗

避

T

秦字

,

則

妕

mi

陋

矣

0

樹

達

按

:

弦 樹

高

士

劉

樹

達

按

:

魏

收

著

}魏

書

,

imi

稱

代史

者

9

避

魏

字

之複

也

o

吳

均

著

}齊

春秋

+

卷

9

見

}梁

書

卷

四

-

カル

均

知 幾 史 |通 卷六敍事篇 云 . 魏 收 代 史 , 吳 均 齊 錄 , 或 牢 籠 世 2 或 苞 舉 家 0

本 傳

+ 四

詩 云 : 昨 H 玉 魚蒙 葬 地 9 早 時 金 盌 出 人 開 0

杜

甫

諸

將

達

:

} 漢

問 按

,

乃

茂陵

中

物

也

0 :

霍

光

自

呼

吏

問

乏

9

說

市

人 9

形

貌 疑

如 其

先

0

南

史

.

炯 因

爲 忽

魏 不

所 見

腐

出 0

之 其

間 9 縣

御

物 帝

,

欲

捕之

9 沈

0

送

武 帝 }故 事 云 鄴 縣 有 __ 於 市 貨 玉 杯 吏

人

武 通 天 臺 9 爲 表 奏之 9 其 略 云 : 甲 帳 珠 簾 9 朝 零 落 ; 茂 陵 玉盌 9 遂 出 人

也 0 按 杜 用 此 事 9 改 玉 盌 爲 金 盌 9 以 避 Ŀ 文玉 字 耳

+ 五 獨 器 樹

漢

即

此 行 推

事 經

歐

陽

修 鰏 田 錄 卷 云 : 或 家 開 智 中所 鑄錢 文 日 宋元通 寶 0 至 寶元 中 9 則 日 皇宋 通 割 0 近

第 JU 章 變化

六五

0

世 錢文皆著 年 號 , 惟 此 錢 不 然 者 3 以 年 號 有 -寶 __ 字 , 文不 可 重 故 也

と 避嫌

之載 [書 祖 舜 0 典云 ----, 使 宅百 . 帝 揆 有 日 ,亮采 : 八載,帝乃 格 惠 1 稿? 汝 列 |舜 落 Í 僉曰 詢 O 月 事 : 考言 Œ 元 伯禹作 H , 乃言 , 舜 司 格 底 可 空 于 文祖 績 0 _ 9 帝日 Ξ 0 載 : , 俞 舜 汝 陟 É 帝 1 . 咨 位 0 咨 Ī 禹 1 1 ΙE 四 月上 岳 汝 4 1 日 水 有 土 能 , 受終 奮 , 惟 庸 熙帝 於文 時 懋

哉!」

即改 之帝 樹 達 也 按 帝 : o 日知錄卷二云 至 日 其 , 命 宜 禹 始 田 無 稱 嫌 帝 . 月 矣 日 Œ , , 問答之詞 而 元日格於文祖之後 必以 已 |舜 明 自 , 之稱 則 無 , 妨 丽 , 介 也 29 岳之咨 於 0 前 樹 達按 後 解 9 必 釋 : 文已云 稱 不 同 舜 婻 帝 日 帝 乃 _ 殂 者 日 し之間 洛 , 以 , 則 别 於 , 舜 古 Ŀ 文

\subseteq

之慎密

,

眞

可

麓

也

漢書卷四十八賈誼

傳云

:

襲令樊

-

麗

絳

,

灌

慷

數

+

城

ım

 \pm

,

今

雖以

殘

L

H

也

0

也

汾陰侯 樹蓬 按 昌 . 日 , 隆 知 慮 錄 侯 卷 寵 十三云 , 魏其侯定 . 樊 麗 , 鄞 絲 成 灌 侯縱 , 人皆 , 高 景俠 姓 , 成 imi , 周 日傳 勃 易 侯聚皆周 絳 獨爾 姓 , 以 功 臣 周 姓 者 多

叉云 :假 設 天下如髮 時 , 淮陰侯尚王楚, 黥布 王淮南, 彭越 王梁, 韓信 王韓 安乎 , 張 敖 王 趙 ,

, 虛 樹 達 王 , 陳 豨 在 代 ,令此六七公皆亡恙, 放避稱 淮 陰侯以 當是時 別於 王 而 一韓之韓 陛下 卽 信 天 子位 0 , 能自

卷六十六王 按 . 淮 陰侯 {訴 四 傳云 亦姓韓名 : 新昭帝時代車千秋為丞 信 ,

相

,

封宜

春侯

0

明

年

,

薨

,

子

譚嗣

,

薨

,

|咸嗣

妻郎 咸 女, 莽篡位 , 宜 春 民以 外 戚 韶

:

:

樹 達 按)師 古注 云 若云 \pm 氏 則 與 莽 族 相 涉 , 故以 侯 號 宜

,

春氏

稱

之

耳

長信

Ŧi.

漢書 宮 9 坐祝 卷七十二王吉傳云 ill 下 獄 0 崇 奏 封 : 事 駿子 , 爲 崇徵入為御史大 放 言 0 夫 0 是 時 , 成帝舅 安成恭侯 夫人放寡 居 , 共

樹達 按 : 外 戚 思翠 一候表 , 安成 恭侯 乃王崇 , 適 與 本傳 之王崇 同 姓 同 名 , 故 班氏 件 稱 其 爵 9 不

六

第

Л.,

章

變化

其

名

所以避嫌

也

|漢|| , 卷 4 派 九 譴 + 責 }酷 延 吏 年 嚴 延 • 至 何 傳 以 云 . 不 移書宮殿 延 年 後 復 門 劾 大司 禁 止 大司 農 農 延 年 , im 持 令得出入宫?」 兵 F 屬 車 , 大司 農自 於是 覆 訟 劾 不 延年 干 劚 闌 車 内 0 事 人 御

六七

六八

法 至 死 , 延 年 L 命 0

樹達 改稱大司農 按 : 此 文敍嚴延年 所以 劾田延年事

9

二人同名相混

, 故

下文於嚴延年則稱其名

,

而於田延年

則

9

相

避

地

丙 避諱

左傳昭公八年云:自根年 至于 商衞 0

梁 玉 繩 史記 志疑 卷三 云 : 定公名宋 9 蓋昭公事 紀子定公之世 , 諱 宋爲 商也 0

左傳良公二十四年云:周公及武公娶於薛, 樹達按 父定公名宋,故 :此為魯宗 避 之也 人愛夏對魯哀公之辭 0 本宋林堯叟 說 孝惠娶於商,自桓以下娶於齊 0 0 薛齊皆舉國名 , 宋獨不 **舉國名** 而以商為代者 , 以哀公

0

宏 郎 (正) 李爲 代會要云: , 幷 光等 目 錄 修 **慢** 上 卷 晉天福六年二月,敕戶部侍郎張昭起居郎賈緯秘書少監趙熙東部郎中鄭受益 賜監 , 仍令宰臣趙瑩監 修 字臣劉 볘 修 史官 修 張 0 開 昭 直 連 館 年 E 中等網探 , 史館 E 銀幣 新脩 前 各 朝李氏 有 差 書 紀 志列 傳共二百二十 左司員外

樹 達 按 : 錢 大 肵 + 駕 齋養新錄卷六云:「 前朝李氏 書 __ 者 , 避晉高祖 石敬 瑭 嫌 名 , 權 易 之

丁 表異 11

0

周禮地官遂人云 :凡治野

9

以下劑

致甿

,

IJ.

田里

安甿

,

以樂昏擾甿

,

以上宜教甿稼穑

,

以興鋤

利

町 , 以時器勸甿 , 以 鴉子 任 田亡 , 以 士 均 4 政

樹達

按

.

:

變

異

外

賈疏云

案大司:

徒

小

徒

Ė 百

六

鄉 ,

哲

云

民

不

此變

民

言

配者 **劉**注

, 云

值

是

異 民

外內 言甿

而已 ,

0

樹 内

達 也

核 0

.

異

外

內 •

者

, 六鄉

在

王國 司

里之內

,

六途在王

國 言 町

Ħ

里

之外也

書洪範 云: 水日潤下 , 火 日 炎 E 9 木 日 曲 直 , 金 日

從

革

,

+

爱稼

檣

之本性 樹 達按 : 0 正義云 生物是土之本 :潤 下 性 炎 E , 其稼穑非土本性也 曲 直從革, 卽 是水火木金 0 爱亦曰也, 體 有 變臼 本性 言爱,以見此 ;其稼穡以 人事為名 異 也 ,

七月云 七月

沅

火

,

九

月授衣

0

之日觱發,二之日栗烈

,

無

杰衣無褐

何以卒歲?三之日于

[詩 (翻

風

第 JU 童 變化

六 九

漢 文 文 育 修 辭

耜 9 四 之 日 舉 趾

樹 達 按 . }毛 傳 云 : 之日 ,周正月;二之日 ,殷正月;三之日 , 夏正月 0 日知錄卷五云 •

0

篇之中,凡言月者 ,皆夏正;凡 一言日者 , 皆周 正

地官大司 徒云 四) : JE. 月之吉, 始 和 布 教于邦 或 都 웲 0 Œ 歲 3 令於

周禮

夏之建寅正月 ; 直言正月者 ・則周之建 子正月· 也

五

則 樹 達按

:

鄭

注

云

:

正

月之吉

|周

Œ

月

朔

H

也

0

Œ

蒇

,

夏 IE.

月

朔

日

0

買 疏

云

周禮凡言正歲者

教官

穀梁傳隱公二

年

云 : 婦 人 , 在家 , 制 於父; 旣 嫁 , 制 於 夫; 夫 死 , 從 長 0

戊 避實

漢書卷四 + 四 淮 南 属 Ŧ 長 傳 薄 昭 諫 属 Ŧ * 云 : 告 者周 公誅管权放蔡权以安周 , 齊 桓 殺 其 弟 以 反國

樹達 按 欲 言弟殺兄耳 韋 昭 Z , 子糾 非 為 齊相 兄 諱 也 也 言 弟 者 諱

:

:

,

0

,

也

0

樹達按

:

韋

言諱者

,

以

文帝是厲王

之兄

Q

せつ

宋 或 艷 莊 季 , 瓶 裕 陵 雞 溪 肋 水 篇 泛天 卷 中 香 云 0 : _ 宋 景文 景文 與 云 兄 : 元 將 遨 飄 小 時 更 作 嘗 認 [11] 風 楊 舞 大 年 , E , 落 坐 41 猶 成 賦 半 }落 花 īĥĪ 妝 詩 0 元 文公以 憲 云 : 兄 -縞 金 勝 谷 路 , 謂 廛 景 埋

文 小 15 , 他 日 富貴亦不 ·迨其 兄 , H. 不 當 更 涌 落 字 也

朱子 語 **類** 卷 百 三十 九云 : 東 坡 墨 君 堂 記 只 起 頭 不 合 說 破 竹 字 0 不 然 , 便 似 E 颖 傳 0

達按:毛穎傳不說破筆字。

樹

四

陸 游 老學 能 辨 , }庵 假 * 手 {記 於 卷 1: 云 ٨ 陳 0 뺼 秦 會 0 豐 之 以 水 其 相 姓 34 魏 9 魏 , 遂 道 以 弼 -作 晉 杂 絡 政 和 , 戎 委 _ 任 對 頗 專 鄭公 3 Ħ. 論 大 諫 拜 矣 o 0 翰 苑 欲 先 作 白 麻

,

: 晉 大 夫 魏 絡 和I 戎 事 , 見 注定 傳 襄 公 179 年 0 此 云 --晉 絳 避 實 說 魏 字 也

(五)

樹

達

按

明 必 沈 如 義 更 詠 鳣 說 父 柳 樂 書 0 , IE. 1 不 府 指 不 0 H 值 迷 必 云 分 玉 說 曉 筋 破 : 鍊字 雙 , 柳 如 垂 , 教 須 __ 下 便 用 語 初 是 學 , 章臺 淚 最 小 兒 字 是 T ___ 緊 , 要 說 , 不 圖 破 0 必 岸 道 如 是 更 詠 __ 甚 說 等 桃 坳 淚 字 , 事 不 0 0 叉 如 可 , 方 用 \neg 直 見 綠 事 說 妙處 雲 破 如 日 繚 桃 繞 , 銀 須 隱 얿 用 然酱 空 -滿 紅 髮 雨 ; , 便 是 困 劉 書 便 郎 湘 字 等 竹 了 -3-,

分 不

己 諧音

子協韻

(])

条傳 易同人爻辭云 也 師 相 0 設文 。鄭注 遇,言相 日: : 不終日貞吉,以中正也。」 並 直 克也。 日 : 九五 : , 正見也。」文言曰:「直其 直 王引之經義述聞卷二云 9 , 正也 同人先號咷而後笑,大師克相遇 。」以中 **段象傳** 直也者 · 同人之先,謂同人之先號咷 日 IE 7 也 以中正也 : 」。曲禮 艮其 0 輔 0 訟象傳 象傳曰 :「直面 , 以 中正也:」是也。同人九五位中 日 : 同人之先,以中 勿有 :「訟元吉・以中正 0 而後笑也 郊特 性 : 直 直者 直 也 也 祭祀 0 ; , Œ 大 於

,故曰中直。變正

言直,以與克爲韻耳,其實一

也

詩鄘風柏舟篇云:母也天只,不諒人只

樹達按 公:毛傳云 1:天謂 父也。 愈越古書疑義舉例卷一云:母則直曰母 ,而父則稱之爲天,此變

文協韻之例也

0

(三)

詩小雅鎏蕭篇云:蓼彼蕭斯、零露瀼瀼,既見君子,為龍為光,其德不爽,壽考不忘。

故 玄 樹 E 達 被 離 旣 為 : 見君 光 兪 樾 子 古 , 於 書 , 為龍 [需 疑 彖 義 辭 舉 為 光 則 }例 , 卷 日 -Z 雛 並以天子言 日 : 為 }周 易說 光 , 卦 0 是 傳 不言為龍為 H . 廁 光 離爲 義 得 H H 相 , , 通 而日為龍為光 0 面 此 魔 Ħ ΫĖ 遠 於 水未濟六五 國之君 , 亦 朝 一變文以 見於天子 及 大家 協韻 傳 並 ,

。傳訓龍為龍,則已不得其義

矣

耳

詩

樹

達按

:

廬旅

與處

處

義

同

,

等形. 日日

H

與

言

言

義

同

,

計

人自

有

複

韶

耳

0

以上

一下文處

處

言

Ħ

語

語

文例

推

大雅公劉篇云:京師 之野 ,于時處處 ,于時鷹旅 , 于時言 言 , 于 時 語 語 0

之 , Œ 當 言 廬 慮 , īfii 言 廬 旅 者 , 以 廬 是 平 音 , 故 效 用 Ŀ 聲 旅 _ 字 , 以 興 -野 處 語

韻 耳 0 音韻學家 有 疑古無· Ŀ 聲 者 , 觀 此 詩 知 古 人確 有 苹上 之分 矣

<u>五</u>

热

左傳哀公九 年 云:宋公伐鄭 0 骨趙鞅 1 救 鄭 , 遇 水適 火, 占諸史趙史墨史龜 0 史 龜 日 : 是謂 沈

陽 , 回 以 興 兵 3 利 以 伐姜 , 不 利子商 0 伐 齊 則 म , 敵朱不吉。」

也 樹 下 達 按 文言伐齊則可 H 知錄 集釋 , 卷二引閻若 敵朱不吉,不用協韻, 暖云 : 不曰伐齊與米而變文言姜言商者 便直稱齊宋本號,則可見矣 , 取 與上 文陽兵 協韻

丑調聲

第四章 變化

晉書

樹

達

按

:

H

知

錄

卷

十

一云

. .

梁

鴻

本適

吳

,而

以為越者

9

吳為越所滅

也

0

今

按

:

顧

說 是也

0

卷九 十二 一趙至傳 至 與稽 茂 齊 書云:许李叟入秦, 及關 而歎;梁生 適 越 , 登 嶽 長謠

此因 吳為平 音 , 不 諧 , 故改之耳

李 白 行 路難詩云:華亭 鶴 唳 詎 可 聞 9 上 一祭養魔 安 足 道 0

樹

達

按

:

史記

李

斯

傳

記

:

斯

受刑

時

,

顧

謂

其

子

日

:

 \neg

此

時

欲

出

L

蔡

東

門

牵

黄

犬

显显

13

得

哉

1

0 ,

此 改 黄 犬為蒼騰 , 蓝 亦 以 諧 音 耳 O 顧 氏 日 知 錄 云 : 此 及杜 詩之金 盆病 與 謝 詩 同

E 維 老 將 行 云 : 今 日 1 楊 生 左 肘

樹

達

按

:

}莊

子

~至

樂篇

云

:

 \neg

俄

而

柳

生

其

左

肘

0

_

變

柳

爲

楊

,

以

叶

音

也

0

0

四

時

o

{五 代史 卷 二十八李襲吉傳載襲吉 爲 晉 $\bar{\pm}$ 為 書 論 梁 云 : 毒 手 館攀 , 交 相 於幕 夜 3 仓 ·戈 鏈 馬 9 蹂 蹳 於

拳為 樹 達 拿拳 按 . , 此 亦 用 調平 石 勒 仄 語 耳 0 晉書 0 載 記石 勒傳記勒 114 114 云 : 往日厭卿 老拳 9 卿 亦飽低 毒 手 °

此

改老

明

第五章 改竄

产

避複

左傳昭公三年云:昧旦丕顯,後世猶怠。

然古文尚書太甲上篇云:先王昧爽丕顯,坐以待旦。

孟子「坐以待旦」「旦」字也。

樹達按:

閻若璩尚書古文疏證卷四

引姚際恆立

方云:易左傳「

<u>H</u>

一字爲「

爽」字

者・避下

句襲

=

論語學而篇云:子曰:巧言令色,鮮矣仁。

漢書卷八十四程方進傳云:兄宣靜言令色,外巧內嫉。

樹達

按

:

王念孫

讀書

1雑志謂靜

言即巧言是也。文改巧言為靜言者

,

避下文外巧巧

字也

0

列子湯問篇云:瓠巴鼓琴而鳥舞魚躍。

心里為之:普者瓠巴鼓瑟而流魚出聽

,

伯牙鼓琴

而六馬仰秣

第

 $\mathcal{F}_{\mathbf{L}}$

章

改質

七五

爲 樹 瑟 達 也 按 . 梁 王 繩 瞥記 卷 五. 云 . |列子| **瓠巴鼓琴** ٠ |街作| 鼓瑟」 0 蓋因下有 伯牙鼓琴 改

四

孟 子盡心上篇 云:窮 則 獨 善 其 身 9 達 則 兼善天 下

梁武 帝請徵 樹達按 : 補 改兼善為兼濟 謝 朏 何 胤 表云 . 9 以 窮 避獨善之善也 則 獨 善 , 達以兼濟

0

避

國語周語上云: 告我先王世后稷以服事虞夏。及夏之衰也,棄稷不務,我先王不窋用失其官

,

m

自竄於戎狄之閒 0

樹達 卷四 被:司 {周 本紀云 馬 貞 : 不笛 史記 索隱云 末 年 , 夏后氏 : }國 語 政衰 云: -, 棄稷 去 稷 不務 不 務 , , 不 窋 此 云 以 失其官 去稷 一者 imi 奔 找狄 , 是太史公恐 、之間

棄

۱.

是

后稷之名

,故變文云「去」

也

0

建記 卷五十三蕭相國 世家云:上 大怒 9 下 相國廷尉 9 械 紫之 O 數 H , E 衙尉侍, 前問 Ħ :

> 相 國何

大 罪 , 陛 T 繫之 暴 也 ?

}漢 書 卷 三十 九蕭 ?何 }傳 ジ : 上 大 怒 9 下 相 國 廷 尉 , 槭 繫 之 0 數 H , 王 衞 尉 侍 , 前 問 日 : ---相 ·X 胡

, 陛 下緊之暴也 ?

之名 樹達按:史記云 , 故 變「何」 爲 相 國 胡 何 大罪 也 0 , 班 氏改作「 胡大罪 0 此以相國名何 , 言 何 嫌於舉一

相

國

大

清潘 昂霄金石例云:古人書皇祖皇 考 韓魏公易以

,

顯

樹達按·後世皇 字習用於帝王, 此 避之也

避諱

論語 禮記 也 0 足 + }八 , 一中庸篇 佾 則 篇云: 吾 能 徽之 子 Z : 矣 日 子曰 : 0 -: 夏禮吾能言之, 吾 說 夏禮 , | 根不足 札不 足徵 徽也;吾學殷禮 也 ; 殷 禮 語能 ,有宋 言之, |宋 存 焉 足 0 徵 也 文獻

樹達 文 , 殆 按 第 : 閻若 爲 Ŧi. 朱諱 童 平 環 四 1 改竄 禮 書 釋 : 居 地 又續 其 邑不 云 :史記 非 其其大夫 H , . 况宋實為其宗國 子 思 甞 困 , , 作中庸 則 書 140 图字 0 自 中庸 宜 遜 也 旣

七七

作

於宋

,

易

其

0

不

足

故

七八

公羊傳昭公二十五年云 : 子家駒日 :「天子僭於天 ,諸侯僭於天子, 大夫僭於諸侯外矣。」 昭公

・「吾何僭矣哉?」

樹達 疏引公羊傳文為證, 按:今本公羊傳 是唐本生 無一 天子僭於天 尚未脫也 _ 句 O 然鄭注周禮 考工記引子家駒 目 : 天子僭天 0

[費]

漢書卷五十六董仲舒傳云 :及至周室之衰 ,其卿大夫緩於誼而急於利 ,亡推讓之風而 有 争田 乏 訟 0

諸晉 0 是此事實問 簡 王與晉爭 , 丽 董 神舒云 卿 大夫者 , 正以 武帝好利 争解田 , 不 欲 言周 E 爭 田 以 辟

嫌耳

樹達

按

: 爭田之訟事

見左傳

成公

+

年,

其文云

:

晉 郤至

與周

,

王命劉康公

單

襄

公

訟

漢書卷七十二頁馬傳云 : 吾 何僭矣。」今大夫僭諸侯 :主上 一時臨朝 ,諸侯僭天子,天子 入廟 , 衆 人不 能 别 過天道 異 ,甚 非其宜 , 其 日 人 , 然非 矣 0 承衰 自 知奢僧 救 亂 也 9 矯 0 復 獪 魯昭公 古 化

在於陛 下

樹達按 改爲「 | | | | | | | 天子過天道者」,以對天子立言,有所忌諱故耳 語全本公并傳。然「大夫僭諸侯,諸侯僭天子,」 皆襲用傳文,「 天子僭天,」馬

四

論語 四里仁篇云:「子曰:君子懷德,小人懷土。」

漢書 卷七十二頁禹 得云:禹 上書乞骸骨,天子報曰:「 傳曰:『 亡懷土 , 』何必思故鄉 0

小人 稱 其 臣

也 錄

0

Ŧ.

明楊慎丹

鉛

云:

此所稱傳者

,

即論語小人懷土之文

0

易「小人」二字作「亡」,蓋嫌於以

說苑貴德篇云:故天子好利則諸侯貪;諸侯貪則大夫鄙;大夫鄙則庶 人

公羊傳桓公十五 鐵 論本議篇云:文學曰 年何注云:王者不當求。求則諸 : 傳 日 . -諸侯好利則大夫鄙 侯貪, 大夫鄙 9 大夫鄙 士庶 則 士貪 盜竊 士貪則 庶 人盜

,

樹達 按:諸書皆本春秋家說, 同 出 源 0 然說苑舉天子 , **(何)** 躯 王 者 , 鹽鐵論 但 舉諸侯以下,

不及天子者,以鹽鐵正是天子好利之事,故文學避而不言耳 六

卷百三十百序云:孔子知時之不用 ,退諸侯 ,討大夫,以達王事而已矣 ,道之不行 也 , 是非 二百四· 十二年· 之中 , 以 爲天下儀 衣 ,

貶

漢書卷六十二司 貶諸侯 討 [馬 大 遷傳云 夫 , 以 逆 • E 孔 4 子 ifii 知時之不用 H 矣 , 道之不行也,是非二百四十二年之中, 以爲天下儀

樹 達 按 太史公云: 貶天 子 , 退諸侯 و 班則變之云一 贬諸侯 , 蓋以忌諱不言 天子耳

飲 \mathcal{H} T 改質

七九

避 熟

74

梁沈約爲梁武帝與謝鵬敕云:不降其身 十八微子篇云:子云 :不降其志 ,不辱其身 7,不屈: 其 志 , 伯夷叔齊 0

與 Į

論語

:改「辱」爲「 降 • 改一 降 爲一 屈 0

 Ξ

樹達按

國語云:貪天之功以爲己力

梁沈 約 修竹彈甘蕉文云:每叨天功以爲己力 :改「貪」爲「 說文五篇下食部

叨

_

0

云

. 饕 9 貪也

0 或 體 作 ij 0

樹

達

按

易繋解云 : 書不っ 盡言 9 言不 杰 意 0

後主 樹 與 達按:改「盡」爲「寫」 詹 事 江總書云 :言不寫意 0

陳

梁簡 魏文帝與吳質書云: 文帝 與劉孝儀令云 酒 酬 : 酒 耳 闌 熟 4 , 熱 仰 丽 , H 賦 志賦 詩 詩

0

八〇

五鳴謙

.

漢書卷三十四韓信傳云:廣 强子雜篇下云:聖人千慮,必有一失;愚人千慮,必有一 武君 日 : 臣開 :「智者千慮,必有一失;愚者千慮,亦有 得。

曰:「狂夫之言,聖人擇焉。」 之誤 樹達按:漢書文改「必」為「 **,是以不狂爲狂** 也 顧恐臣計未足用,願效愚忠。 亦一者,蓋表廣武君謙遜語氣耳。

補注王先慎謂「

亦」爲「必」

得。」故

第五章 改質

漢

第六章 嫌疑

古詩 能 有嫌 ,則文病矣 式: 「 , 變文相避 瓜 田不 , 納履,李下不整冠 加 前章之所陳 2 倘 ° __ 矣 0 人居斯 **ě**p 不能爾 世, , 義合遠嫌 則務爲別 , 白 固 , 矣。 毋使混淆 卽 在屬文 , 亦 , 其 何 次也 莫不 然 0

兩 0 豫慮

俱 不

別白

甲 人稱

春秋隱公元年云:秋七月,天王使宰咺來歸惠公仲子之赗 稱 王 , 則日天王 0

0

E

, 故

加天

以別之也 樹達按:日知錄卷四云 。又云:僧有 兩 : 仲子 尚書之文但 ,孝公之妾(即惠公之母)一 春秋 仲子 以當時楚吳徐越皆僭稱 , 惠公妾 卽 桓公之母)又一

仲子 故 此不得不 稱惠公仲子 也 0 樹達按:惠公仲子謂惠公之母之仲子

左傳襄公二十五年云:齊棠公之妻 ,東郭偃之姊也 0 東郭偃臣崔武子 0 棠公死, 偃御武子以弔焉

閒 爲崔 # 歌 諸 見常姜 股 北 日 0 0 侍 公 郭 7 : , 鞭 反 N , , imi 隊 侍 君 賈 崔 其 美 之 乏 舉 **ME** 1 , 子 逐 臣 賈 冠 11: 稱 , 私 杼 浆 舉 平 逐 疾 ? 之 疾 從 取 不 , 病 者 imi 之 0 視 崔 買 义 事 , im 0 近之, 莊 舉 不 入 子 0 能 乙亥 因 公 , , 州 閉 是 聽 通 75 命 門 綽 9 焉 , 為崔 又 公問 , 0 , , 以 那 近 甲 驟 師 於 興 子 其 加 崔 開公 公公 開 崔 0 , 子 宮 公 公 伐 氏 , 登臺 孫 晉 9 0 , 途從姜氏 許 敖 夏 也 以 臣 Ŧī. 崔 ini , , 封具 干 請 月 日 -f. 之冠 掫 , , : , 古 弗 有 9 姜入于室 澤 淫 許 為 晉 賜 父 者 II. 必 1 請盟 于 將 , 9 O 一之役故 ¥ 不 報 侍 , 伊 知 者 0 , 與 弗 , 日 崔 傻塘 命 欲 許 , 8 莒子 子 弑 0 \neg 自 皆 公以 請 不 側 朝 公 死 自 मि 戶 於齊 渝 刃 說 0 出 牆 於 於 廟 0 晉 公 o 7 叉 公 甲 日 , , 射 拊 弗 12 iffi : 許 楹 -, 不 饗 獲 不 0 im

按 . 杜 注 云 . 重 言 侍 人 習 躯 者 , 别 下 賈 舉 0

樹

達

}國 日 語 . }周 語 晉 不 {<u>L</u> Ċ 云 , : 其 裹 君 E 必 使 無 邵 後 公過及內 ٥ 史 過 賜 晉 惠公 命 , 晉侯 執 王 卑 9 拜 不 稽 首 0 内 史 過 뎲 , 以

告

E

此 事 樹 於 達 , Œ 其 按 文旣 文 : 云 邵 稱 公 : 召 及 武公 内 天 子 史 使 , 不 ٨ 召 著 同 武 其 名 公 名 內 爲 , 史 過 不 過 魔 W 9 相 晉 故 混 侯 下 文 9 命 故 必 , 徑云 受 稱 Ŧ 惰 内 過 0 史 誳 過 過 告 뎲 1_ \pm 以 , 告 別 矣 之 Ŧ 0 日 0 叉 左 4 按 傳 ZZ FI : 僖 注定 侯 公 傳 + 其 無 或 話 後 年 文字 乎 亦 記 别 此

清 晰 如 此 , im 史記 台 世 家 記 此 事 , 倘 誤 以 為 召公過 談之, 要以二 人同 名過 , 致 相 混 耳

四

白

第 六 章 嫌疑

八四

論語 + 子 路 篇 云 : 子謂 衛 公子 荆 蕃 居 室 0 少有 9 日 : -荷完矣 0 」富有 9 日 : 茍 美 矣

樹達 玉 年傳:「 按 : 翟 公子荆之母嬖,公立 瀰 四 書考異引金文淳 一為夫人 蛾 術 編 云 而以荆 9 春秋 為太子 末魯亦 有公子荆 國人始惡之 , 哀公庶子也 論語記公子荆語 0 左氏哀二十

9

9

0

特 加「衛」 字 , 嫌與魯公子同 故別 白之耳 0

五

叉十 九子 張篇 云: 衛公孫 朝問於子貢曰:仲尼焉 學?

產 僅 衛 有之 , 魯 有 成 大夫公孫 朝 9 見昭二十 六 (年傳 0 楚 有 斌 城 尹 公孫 朝 9 見哀十七年 {傳

不 樹

達

按

:

翟灝

四

書考異

云:論

語

中人

八名特以

國

系之者

,

公子荆

加與公孫

朝

耳

0

春

秋

時公孫朝

0

鄭 亦

有 弟曰 公孫朝 六 7 見列子楊 朱篇 0 記 語 者公孫朝 J. 亦 系以 衛 9 豊 無 意乎

.

忌

L

iffi

之

,

鄒

忌

代之

相

0

齊

恐

田

忌欲

以

權

復

於

が

0

杜

林

日

:

臣

請

縞

戰 以 君 示田总之不 留 國 之 策 卷八 楚 o 齊策云 調楚王 返齊 111 日 H 0 . 鄒 忌以 齊 鄒 忌 齊 厚事 所以 楚 不 楚 善 0 楚 田 者 忌 , , 恐 亡人也 田忌之以楚權 , Mi 得 封 稅 , 楚 於 业 恋 徳王 也 0 0 王不 岩 復於齊 如 封 田 , 尼 必以 於 江 齊事 南

按 : 此文樓 稱 田 1 鄒忌 9 不 去 姓 者 , 恐 相 泥 也

楚

樹

達

此用二忌之道也

七

漢書 卷 高 帝 {紀 云 : 使 韓 太 尉 墼 韓 , 韓 \pm 鄭 昌 降 o 4-__ H , 7 韓 太 尉 |信 縞 韓 王

ヌ窓 Ξ {韓 E 信 }傳 云 : 韓 Ŧ. 信 , 故 韓 遊 王 MY 松 批

又卷三十四韓信傳云:韓信,淮陰人也。

L 樹 封 漆 按 王 之 : 後 韓 王 , 則 信 稱 傳 補 韓 注 王 信 齊 召 ŝ 未 南 王 云 之 : 前 信 郎 , 淮 則 稱 陰 韓 侯 太 兩 尉 N 信 姓 名 , m 偶 於 同 淮 , 陰侯 故 稱 則 韓 但 \pm 信 稱 韓 以 信 別 之 0 o 樹 達 按

:

信

1

漢書卷二十古令人表上下等有 死章,中上等有劉姓 死章。

樹達 在 商 按 :錢大 爲 豕章 氏 昕 _ 日 者 : |彭姓 也 2 豕韋 故 言 劉 稿 姓 商 以 滅 别 0 劉昇之 之 0 後 # 復 承 其 亟 爲 **秋**章 氏 0 法 傳 范宣 子 云 * 囫

九

勝 尉 大鴻 堂 軍 }漢 臣 臣 書 , , 太 太僕 辟 膻 卷六 增 中 臣 兵 , 大 , 賢 臣 後 + 夫 諸 延 八 , 將 臣 左 霍 吏 年 軍 光傳 德 文 馮 , 臣 學 翊 太常 充 , 臣 光 臣 云 武 廣 卬 融 臣 : , 大 明 昌 水 9 御 眛 夫 相 , 史 大司 死言 臣 右 臣 大 遷 敞 扶 夫 阜 風 農 ,大司 , 臣 太后 臣 臣 臣 誼 德 延 畸 3 年 馬大 , , 亢 F 長 , E 春 宗 將 活 信 侯臣 13 IE 軍 , 府 臣 臣 臣 潭 德 光 臣 賜 9 嘉 , , 9 當 小 車 , 臣 塗侯 亷 府 騎 臨管 屬 臣 將 臣 函 樂 軍 , 聖 成 臣 臣 臣勝 , 귎 安 , 隨 廷 世 , , 桃 京 尉 , 臣 侯 度 臣 輔 梁 臣 都 光 遼 昌 將 , 尉 9 樂 臣 執 臣 軍 長幸 廣 金 臣 , 漢 吾 杜 明 友 , 臣 , 俠 臣 司 延 臣 , 夏 隸 壽 前 屠 校 哲 將

八五.

第

六

嫌疑

八六

樹達 淡 按 文 : 文 自 丞 言 相 修 臣 敞 辭 以 學. 下 三十六人 , 皆不 Ħ 姓 9 屠善堂 , 胡 人 , 本 無 姓 o 獨 諸

大夫臣 臣光為霍光 勝 下之夏侯 , 廷尉 臣 勝 著姓 光為李光 者 , 李奇 ;太僕臣延年為杜 云: 同官 同 延年 名 , 故以姓 , 大司 農 别 臣 也 延 0 年 _ 按字 爲 田 延 說 是也 年 ; 宗 0 大司 吏文學 正 臣 德 馬 光祿 將 矣 為 劉 軍

德 , 右 扶 風 + 臣 德 為 周 德 9 (太中 大夫臣德不 知姓 此 皆 以 官 職 不 峝 , 被 雖 同 名 mi 不 以 姓 為 别

叉云

:

臣敞

等

謹

與

博

士臣

紡

,

臣馬舍

, 臣德

,

臣

虞舍

,

臣

射

,

臣

議

0

:

,

;

0

,

别 倉

之

卷七十 樹 達 按 七 晉灼云 + : : 初 姓 , | 取成 舍 太后 ,名 外家王氏貴 也 下 有臣虞舍 , 而侍中王林 故 以 姓 卿 通 輕俠 0 叉云 : 成 帝

漢書 変 樹 林卿 達 按 被 : 應劭 ?何 , 聞之, { ili 傳云 云 : 涕泣 官 帝 爲 E 皇后 言 哀帝 父 奉 光 封 川 成 侯 , 成帝 母 亦姓 王 , 故 以 父 爵 311 之也 0 按 太后 }漢 書 以 邛成 九

Ŀ 孝官 + E 皇 行 傳 云 : 成 帝 引 亦 姓 E IE , 故 111 號 太 皇 太后 爲 邛 成 太后 ٥ 此 應 劭 所 本

漢書 卷 或 九十 而 劉歆 九王莽 子疊 為 傳 伊 云 休 : 侠 以 9 137 本 呵 |堯 羲 後 和 京兆 尹 紅 休侯 劉欲為 今此 國 師 嘉新 公 0 封 劉歆 為 祁 烈 伯 , 奉

樹

達

按

:

顏

注

ż

:

Ŀ

i

紅

休

侯

劉歆

為

政

帥

嘉

新 公

,

云

劉歌為

那烈

伯

,

又

i

或

師

劉歆

子

為

伊

顓

頭

休 侯 , 是 則 加 烈 伯 自 别 劉 歆 > 非 國 師 也 0 顧 炎 武 {H }知 錄 卷 云 : }漢 書 E 莽 時 有 兩 劉 , 則

别 之 亟 師 劉歆 0

魏志

卷

八

公孫

瓚

傳

云

.

瓚

爲

郡

門

F

書

佐

,

有

姿

儀

,

大

音

聲

,

侯

太

宇

器之

以

女妻

焉

,

潭

詣

涿郡

盧

植

0 後 復 爲 郡 吏 , 劉 太 守 坐 事 徵 詣 廷 尉 , 瓚 爲 御 車 , 身 執 徒 食

樹 達 按 : 淸 殿 本 考 證 引 何 焯 云 : 繁 太 守 以 侯 氏 者 , 所 以 别 下 劉 太 守 也 0

+ 四

晉書

卷六十二

|劉

(現

{傳

云

:

琨

旣

忠

於

台

室

,

素

有

重

望

,

被

拘

經

月

,

遠

近

憤

歎

0

T

磾

所

署

代

都

太

守

辟 謀

閭

面

嵩 奥 琨 所 署 雁 門 太 守 E 據 後 將 軍 韓 漆 連 密 謀 作 攻 具 , 欲 以 襲 兀 础 0 im 韓 據 女 為 JL 礌 兒 安 , 聞 北

, DC 磾 於 是 執 主 據 辟 閩 嵩 及 其 徒黨 悉誅之

樹 達 按 : Ŧ 據 韓據二 人 同 名 , 故下 文敍 _ 人仍各出 其 姓 以 爲 别 0

+ Ŧi.

徐州 都 大將 書 刺 軍 卷 石 E 七 頭 史 軍 , 敦 + 3+ 鎭 事 請 敦 四 為 0 朋 軍 傳 帝 0 司 云 之 及 : 討 勒 敦 寇 攻 王 敦 彭 時 討 也 石 沔 城 中 勒 , , 以 敦 侵 , 為 皆 自 逼 鎮 度 淮 平 南 力 泗 0 將 旣 不 9 帝 軍 能 imi 支 備 杜 , 假 弢 , 水 退保 節 良將 寇 湘 盱 可 中 胎 以 , 式 加 0 遏 徵 敦 拜 邊 征 境 大司 討 者 大 農 都 9 公 督 ÷ 王敦 卿 , 垫 伐 表 敦 弢 爲 9 , 除 有 征 征 虜 功 將 虜 0 軍 將 鍞

軍

八七

第

六

章

嫌疑

八八八

樹 達 按 . ·文屢稱 E 敦 , 所 以 别 於 卞 敦 也 0

北齊 洛 書 爲平 卷十 -九蔡儋傳 遠將 軍 帳内 굸 别 : 高祖 將 從 謀 破 誅 葛 杜 榮 浴 周 除 , 儁 諫 談 預 其 大 夫 計

樹達按 : 文屢稱葛榮 , 所 以 别 於 阚 朱 築 也

0

,

0

事

泄

, 走奔

葛榮

0

仍

葛榮

,

歸爾朱榮

0

築

,

十七七

王 妃事 明宗 新五 甚 賜 動 之 夏 夫人已 司 靜 海 0 , 是爲 衣 代 0 皇后亦甚謹 左右及諸子婦 王氏 從榮 史卷 數 教 許 卒 已死 死 從 Ŧ + , 益 從 方 Ŧi. , 唐家人傳 而 自 益 水 , 0 事 司 愍帝 別 言求見秦王 ,人人皆為王氏 0 室 衣王氏以 從益 連 太妃 即位 , 有 乳 云 母: 言 : , , 由 謂 王氏 司 淑 0 册尊皇后曹氏 是心 明宗遺乳嫗將 秦王實以 衣 妃 王氏 於安 王氏 稱譽,由是王氏專 不 悦 見明宗 重 , 少賣 海 兵入宮衛天子, , 欲 者 《為太后 見往來 遷之至 已老 梁 , 放將 重 imi 海 , 德宮 秦府 秦王 寵 以 劉 妃為 告 鄏 0 明宗即 而以反 握兵 , , 明 爲 太妃 宗 以太后素善妃 逐與從榮 侍 , 兒 而 0 見誅 心欲 位 納 0 初 之 鄏 , , 立 私 自 卒 , 0 曹氏 出 託為 明宗後宮有 王氏 逝 , 怨言 E , , 從榮 懼 後 爲 素 氏 皇后 傷 計 得 無 0 愍帝 因 鄏 其 所 , 生 意 使 75 金 歸 , 王氏 日 子 聞 \pm im 甚 0 者 之 JE 氏 : 3 是 為 伺 , , , , 榯 然 大 察宮 兒 命 淑妃 悉 , 待之 怒 思 以 妃 明 秦 母 遺 宗

改文稱 妃 **L**___ 0 及愍帝 册 镎

樹

達

按此傳文於淑妃王氏初稱

王氏

,

自

開宗立

王氏為妃之後

,

氏 太妃之後 ,屢 ,或稱 「太妃」,或仍稱 「妃 ــــا و 耳 可謂明 晰 矣 0 然以本是王氏 , 故於從益乳母之王

稱 司衣王氏」以別之,懼人之誤解

十八)

歐陽公歸 别 之 Į. 後途皆 田錄 卷 著姓 二 云: 往 時學士入劄 子不 著姓 , 但 云學 士 臣某 0 先朝盛度丁 度 並 為 學 Ė

,

逐著

姓

+

九

孫 令 宋 八洪适隸續 司隸 也 樹達按:重編本錢大昕金石文跋尾卷一云:孟文伯邳祖孫皆為司隸校尉,故稱大司隸以別之。 校 尉 卷 0 + 伯 邳 從弟諱 漢司 隸 啊 校 尉 , 字 楊 颖 准 一种云 伯 , 舉 : 孝廉 故司 隸 , 下邳 校尉 楊 相 君 0 , 厥 君 清 諱 頌 准 , , 約 字 伯 身 自 邳 守 , 舉 9 俱 老 大司 廉 , 謀 爲 m. 尙 文 書 尙

地名

春秋莊公三十二年云 . 城 小 穀

十六年 樹 達按 第 : . 六 「公以 }月 童 知錄 一楚師 卷 嫌疑 四 伐齊 Z - 春秋 ,取穀」。 有言穀 文公十七年 不 言 小 者 , :「公及齊侯盟于穀 莊 公二十三 年 . 公及齊侯 • 成 公五 遇 八九 於 年 穀 : _

0

傳公二

叔

孫僑

如 會 曾荀 首 子穀 0 四 書 穀 而 書 小穀 , 別 於穀 也

٥

史記卷六十 七仲尼弟子 博云 . 曾 參 , 南 武城 人

樹達按 祠友教堂記云 :索隱云 : 子游之所宰實魯邑, : 武 城 屬 魯 , 當 時 魯 而 更 東武 有 北 城 武 者 城 , , 魯之北 故 言 南 也 机

武 城 魯 邊邑 也 , 在今 費縣 閻若璩 西 南 八十里石門山下 四書釋地云 子云: 0 史記 加 南於武城上 者 , 即仲尼 別於魯之北 弟子

武城 也 之南 曾參

Ē

南武

城

人者

, 剏加

也

0

·

曾子居武

, 南 以

列傳

有 東 , 0

故漢儒 日知錄

叉 加 城

> 2 宋 程 0

史 大

之傳 湾臺

卷三十

引 州

昌 遷

Ξ

水經洋四 , 次於 南 河水篇云:水東出羊求川 屈 0 應劭 日 : 有 南 , 故 加 , 西逕北日 北 0 屈 縣 故 城 南 , 城即夷吾所奔邑也 0 汲郡古文曰 : 翟章救

四

鄭

又卷五河水篇云:漯水又東北逕東朝陽縣故城南。 地理 風俗記曰: 南陽有朝陽 縣 , 故 加東 •

丙 正朔

春秋隱公元年云:元年春王正月 ٥

九〇

樹達 按 :左氏經杜注云:隱公之始年,周 王之正月也 0 樹達按 :春秋時兼用夏正,故必言王正

月以 爲別 白,杜說是 也 。公羊傳說王爲文王 ,非是

年號

水經注十六穀水篇云 : 穀水又東流逕乾祭門北 , 東至千金過。洛陽記曰 ……場之東 首立 石 人

砌 殆 盡 ,遺基見存 0 朝廷 太和 中, 脩復故遏

也

0

必

經

年歷

世 云

,

是故

部

立

石

人以記之云爾

0

蓋魏昭帝脩王張故績

也

0 水

..... 衝

積

, 渠場

頹 ,

毀 助

之太和

石人腹上

刻

勒

:

太和

 $\overline{\mathbf{H}}$

年二月八

八日庚戌

,

造築此

場,

更開

溝

渠

0

此

渠

, 年

止

其

水

其堅 ,石

,

樹達 按 : 日知錄卷二 十云 • 太和五年 , 曹魏明 帝之太和 也 5 朝 廷太和中 , 元魏 孝文帝

也

戊 官名

獄司空 續漢書百官 , 故 復加大 志注 引應劭漢官儀云 爲大司空 . 綏和 元年 7 能御 史大夫官 , 法周制 , 初 置 司 空 0 議

第

六

章

嫌疑

九

者

又以

級道官

九二

己 篇名

左傳 賦鄭之羔裘 昭公十六年云: 夏四 月 , 鄭六卿餞宣子於郊 0 宜子曰 : 君 子請皆賦 , 起亦以知鄭

志

0

子產

樹達按:杜注云:言鄭,別於唐燕裘也。按詩唐風亦有燕裘篇

混淆

傳云:仲子 春秋隱公元年云:秋七月,天王使宰咺來歸惠公仲子之赗。公羊傳云:仲子者河?桓之母 樹達按 : 者何?惠公之母,孝公之妾也 魯孝公及其子惠公並娶於朱,左傳哀公二十四年云:孝惠娶於 商 9 商即宋 是 也 也 0 э 穀梁 故 此

文惠公仲子

,

公羊傳以為惠公之妻桓公之母

,

謂惠公仲子之稱為以夫統妻

0

穀梁傳

則以

爲

以

,則自

以

子繫母 穀梁傳之說為 檖 , 此 亦以 ,故以爲孝公之妾,惠公之母也。據他例推之,春秋文公九年云:秦人來歸僖公成風之 子 繁母也 E , 然終不免於混淆之病 ,左傳昭公元 年 稱 武 , 故二 Ŧ 邑姜 傳之說岐出 , 此 亦以夫統妻也 也 0 O 證春秋當以春秋

謀 北 傳 裴公 0 言 弗 敢 -出 八 年云 0 子家 : 子 日 雅 : 子 尾 子之 怒 , E 慶 Z 封 , 使 叉 析 焉 品 父告 用 盟 一晏平 -」……冬 仲 , 四 + 仰 月 日 . , 慶 製之 封 田 子. 來 不 9 足 陳 用 4116 也 字 , 從 知 無 0 丙 能

辰 , 文 子 使 召 之 0 請 日 : ---1 無 宇 之母 疾 病 , 請 錦 0 慶 季 1 之 , 示 1 兆 9 E . 死 0 奉 龜 Im 泣 弗 ,

聽 乃 使 亦 歸 無 0 馂 慶 志 嗣 聞 之 , 日 : 禍 將 作 矣 1 謂 子家 : 速 歸 Ī 禍 作 必 於 嘗 , 馧 猶 मि 及 也 0 子 家

慶 樹 封 達 按 字 0 . 此 同 文 再 字 稱 丽 子 別 指 家 ___ 人 , 杜 , 於 泔 文 前 略 _ 子 無 13 家 别 L., 云 0 [4] . 非 ---子家 杜 注 别 9 之 析 , 船 讀 父 者 0 鮮 不 注 迷 後 惑 子 矣 家 云 : 子家 ,

}國 語 }晉 語 云 : 武公伐 翼 , 殺哀 侯 0 11: 欒 共 子 , 日 : --苟 無 死 , 吾 以 子 見 天子 , 令 子 為

上

卿

,

制

 \equiv

敢 長 國 以 之 , 私 非 政 利 教 0 廢 不 鹶 V 知 Ż , E 道 生 : 之 1 君 族 臣 也 何 聞 以 之 , 訓 故 : 矣 壹 民 ? 事 生 H 之 於 君 9 唯 知 9 事 成 其 之 所 之 從 在 如 也 9 , 則 0 未 致 父 知 死 生 其 焉 之 待 9 0 於 報 師 曲 生 教 以 沃 之 也 死 , 君 0 , 從 報 食 之 君 賜 以 丽 0 旗 力 非 父 , , 君 人 不 焉 7 生 用 道 , 之 也 非 ? 食 0 臣

樹 逆 按 韋 昭 注 釋 H 君 知 成 Z 從 也 旬 云 . -君 , 武 公 也 0 言 君 知 成 將 死 其 君 , 爲 全 從 臣 五 道 途

m

好

机 , 故 第 速 六 止 章 臣 未 嫌疑 知 成 不 奶 iffi 待 君 於 曲 沃 之爲 須 也 0 糾 結 不 口 通 0 蓋 此 文 九三 君 字 不

焉

用

Ż

之

君

9

公 0 漢 文 君 文 何 言 以 訓 修 矣 路车 之 學 君 , 謂 武 公 也 į 君 知 成 之從 <u>_</u> 之君 , 謂 哀侯 也 ; _ 君

叉 謂 近 公 0 (章 注 不 知 , 故 談 釋 耳

以 諸將 有 之有 卷八 大 功 功 高 天下 者 }祖 , {紀 已定 mi Z \pm . 獨 9 至 人皆 居 南 南 鄭 自 奠 9 寧 諸 , 是 將 , 不 遷 及 [1] 也 1: 復 卒 0 用 軍 多 道 0 吏 亡歸 不 1: 卒 如 决 皆 , 策 山 士 卒 東 東 皆 鄉 人 也 歌 9 爭 , , 權 H 思 天 夜 東 下 跋 歸 0 而 0 望 韓 歸 信 0 説 及 漢 其 F 鋒 日 : m 用 之 項 羽 ,

> 田 Œ

樹 達 按 : 此 文第 云 韓信 9 不 知 其 究 何 指 0

0

跂 叉 卷 m 望 歸 + \equiv 0 韓 及 其 Ŧ 鋒 信 東 傳 鄉 Z , : 可 信 以 說 爭 漢 天 王 F E 0 . -項 E Ŧ 諸 將 近 地 而 \pm 獨 遠 居 9 此 左 遷 也 0 1: 水 皆 山 東 人

9

信 樹 為 達 韓 按 E : 信 高 祖 , 非 紀 准 第 陰 云 侯 韓 朋 信 矣 , 未 0 故 加 徐 别 廣 白 注 0 高紀 但 淮 之 陰 韓 侯 信 傳 云 不 : 載 -其 韓 事 Ŧ , m 信 韓 , 非 王 淮 信 陰 傳 侯 紀 信 之 , , 則 是 高 也 袓 紀 之 遷 韓

也 }漢 書 0 1 卷 卒皆· \equiv 十 山 東 韓 人 E 信 9 竦 傳 m 云 望 : 沛公為 歸 0 及 其 漢王 遙 東 9 鄉 信 從入 , 印 以 漢 爭 H 天 , F 73 說 0 漢 王 日 : 項 Ŧ E 諸 將 , \pm 獨 居 此

9

樹 達 按 : 此 沿 用 }史 }記 |韓 Œ 信 傳 原 文 9 以 說 事 剧 韓 Ŧ 信 0

亡去 叉 卷 , 高 蓢 济 何 }紀 追 還 Z 之 : 漢 , Ŧ. 天 旣 薦於漢王 至 南 鄭 9 国 諸 : 將 -及 必欲爭 (士卒皆) 天下 歌 調品 , , 非信無 思 東 歸 Щ 9 與計 3 道亡 事 者 湿 ٥ 者 0 於是 韓信 漢 為 治 齋 戒 都 , 尉 設 ,

壇 亦

場 H 夜 , {記 企 拜 樹 紀文 達 信 丽 按 望 為 但 : 歸 大 書 此 將 , 韓 叉 及 軍 以 信 其 9 9 說 鋒 問 不 事 以 而 加 屬 用 計 別 准 之 策 陰 白 9 0 侯 H 信 9 實 以 , 對 與 爲 有 E 致 韓 大 : 誤 **注** 功 之 信 項 0 總 }傳 天 17 因 华 自 下 也 相 已 約 定 矛 0 titi }漢 盾 , Ŧ. 書 民 0 君 }淮 皆 此 Ŧ 陰侯 固 自 於 由 溫 南 於 韓 鄭 , 不 信 班 , 傳 是 氏 11 173 未 復 遯 用 無 曾 HI. 細 I. 9 0 事 勘 不 吏 史記 加 交 , 皆 血 沙 }史 紀 策 ili 51 傳 東 東 同 , 向 之 ٨ mi 9 0 史 故 ,

知 全 由 史 記 紀 文 誤 會 也

Ħ.

漢 書 輔 卷 都 尉 凡 廣 宣 漢 帝 紀 , 餌 云 皆 : 關 賜 右 内 侫 扶 風 o 德 德 近 9 食 典屬 品 國 五 , 廷 尉 光 , 奈 JE. 德 , 大 鴻 臚 賢 , 詹 事 畸 , 光 敝 大 夫 吉 ,

之文 則 申 行 食 後 白 樹 張 事 0 品 達 , 說 無 , 此 故 按 0 以 張 文 所 說 : 此 表 說 先 者 爲 右 剂 見 似 以 紛 德 扶 德 未 後 食 紛 , 風 霍 武 邑 也 不 П 德 之 光 定 信 0 , 樹 傳 德 則 0 0 周 達 倘 是 爲 張 德 宗 晏云 按 書 此 固 北 令 以 德 IE , 錢 讀 食 劉 , : 宗 說 奏 H 非 德 iE. 以 之 劉 也 舊 , 德 宗 德 本 德 關 0 9 文 īE 為 也 鑁 内 劉 為 臣 右 0 大 侯 德 德 證 扶 蘇 师 無 也 在 風 武 띮 云 , 0 義 蘇 德 也 傳 . _ 較 之 武 稱 , ٨ 之 Ŀ 以 周 長 賜 同 前 文 低末 德 0 籪 名 右 [û] 也 馤 武 0 0 以 使 0 内 扶 4 下 位 當 節 \pm 依 風 文 次 築 食 德 外 時 如 核 在 陪 邑 郧 德 霍 之 }漢 蘇 , 武 劉 武 光 書 百 , 補 德宗 食 傳 則 之 戶 前 븁 夏 張 (注 , 侯 室 說 卷 th , _ 宗 2 勝 為 (3) 俊 179 優 德 产 德 著 IE. Z 姓 傳 德 0 . , 9 之 無 在 未 故 例 此 武 周 食 4.华 加 义 德 之 별 別

六 章 嫌疑

第

11

発

此

紛

紛

矣

九六

七 般 琰傳云 . 叔寶 本 謂 臺 軍 停 住 歷陽 , 不 辦

卷

八

+

宋書 樹 達 按 . 孫 獻 来 書 老 論 云 : 此 文叔寶 乃 杜 叔 寶 , 皷 震 校 冰 鄉 注 以 爲 趙 叔 竹 , 非 也 , 趙 叔 锤

已

與

進

0

郭 慈 孫 投 水 死 矣

0

七

樹

按

:

4

Λ

有

反

訓

,

亂

L-

字亦

11

訓

_

治

__

,

故

說

並

通

0

然

卷

四

+

離

意

傳

往

引

論衡 子 之書 卷 也 + 0 或 九 以 (案 爲 書 亂 篇 者 云 : 9 識 理 也 書 9 云 理 : 孔 -董 子 之 **4 4** 書 舒 也 亂 我 0 共 書 0 亂 蓋 fl L_ 字 子 言 , -7 也 理 0 讀 之 -亂 者 並 _ 相 為 去 亂 甚 我 遠 書 者 0 , 煩 亂 FL

傳 , 會 載 意 稽 鍾 入 孔 雛 子 意 廟 0 9 云 發 魏 修 , 得素 吾 書 書 _ , , 則 其 文云 亂 訓 : 理 爲 是 後 0 111 然 修 岩 吾 書 無 此 9 ※後漢 董 證 仲 , 舒 則 書 原 ; 文 護 吾 固 車 111 }鍾 兩 , 拭 解 吾 也 履 0 , 發

八

笥

別 達

卷 五 十六 陳 球 傳云 :

為

永

樂

15

府

,

乃

潛

與

司

徒

河

閒

劉郃

謀

誅

官

官

0

初

, 部 爲

兄

步

勸

後

武 漢

同 書

於部 资

,

| 郃 謀

路

於

璜 球

獄 重

死

9

帝

年六十二

許 俱 , 且 諾 死 科 9 , 之 亦 故 郃 結 9 墙 謀 朗 懼 陽 球 球 , 相 迫 0 結 以 球 0 球 小 球 謀 妻 復 告 以 , 節 稈 書 璜 勸 0 節 之 部 女 天 0 叉 共 0 自 璜 尙 帝 用 書 事 劉 , 帝 宮 糾 大 中 以 怒 , IE. 所 IÉL , 策免 謂 作 程 宦 部 大 官 人 , 9 部 也 出

> 侍 兵 中 校 儵 尉 與 , 亦 大 深 將

> > 軍

及 等 2 頗 得 73 下

納 陽 球

聞

知 ,

简 球

0

與

樹 淫 按 : 文 敍 事 有 陳 球 , 有 陽 球 , 球 小 妻 们 緊接 陽 球 之下 , 似 是 指 陽 球 į imi 據 Ł. 文 單 球

(九)

出

指

陳

球

,

义

似

指

陳

球

矣

次於 書 准 卷 IP 七十 , 京 九 師 謝 安 震 傳 動 , 云 . 加 安 時 苻堅 征 討 強 大 都 盛 档 , 安道 0 玄 入 弟 問 石 及兄 計 , 子玄 安夷 等 然 無 應 懼 機 色 征 , 討 答 , 日 所 在 . 剋 -已 捷 別 0 臤 有 後 旨 率 浆 旣 號 m 百 寂 萬

玄 指 , 是日 將 帥 , 玄 懼 當 , 其 便 爲 任 敵 0 手 , 加 义 不 胨 0 安顧 調 其甥羊曇日 : 以 墅乞汝 0 <u>__</u> 安遂 游 涉 , 至

然

o

玄

不

敢

復

言

,

75

分

張

玄

重

請

,

安逐

命駕出

山

墅

9

親

朋

非

集

,

方

與

玄

圍

基

賭

別

墅

0

安

常

基

夜乃

還

切

之表 樹達 眀 按 也 : 此 文 既 敍 謝 玄 , 叉 敍 張 玄 , 興 玄 圍 棊 _ 以 下 所 稱 之玄 , 似 指 謝 玄 , 然 文 中 初 無 確

7

}新

唐

書

卷

百

十三

}馬

總

傳

云

:

李

師

道

45

酆

曹

濮

爲

道

9

除

總

節

度

,

賜

號

天

平

軍

0

長

慶

初

劉

總

Ŀ

图图

鎭 地 , 詔 總 徙 太平 , iffi 召 總 還 9 將 大 用 之 0 會 總 卒 , 穆宗 以 鄆 À 附 賴 總 , 復 詔 還 鍞

卒 樹 達 按 劉 . 總 H 也 知 ì 錄 叉云 云 . 上云 鄆 À 附 部 賴 總徙太平 總 , 馬 總 , 也 劉 0 總也 此 於 ; X 下云「 之主賓 詔 , 字之繁 總 還 , 省 馬 3 總 皆 也 有 ; 所 叉云 不 會

平 章 而 去 嫌疑 總 L-字 9 於 其 T 則 云 會 劉 總 水 _ , 於文無 加

,

īfii

義

朗

矣

九

七

認

徙

太

第

六

九八

(+1)

溪 錢 大昕 答攜所: 潜 作 研 堂文集卷三 曾 祖 某 銘 示 + 李 , 纔 跋 方望 閱 溪文云 行 9 卽 望 湿 之 溪以 0 望 溪 古文自命 恚 日 • -, 某文 意 不 竟 田 不 世 足 __ , 惟 寓 臨川 Ħ TE ? 李 _ E 日 來 輕 : 之 0 望

望溪 m 日 益患 桐 , 後 , 世 請 誰 其 知 說 爲 0 桐 李 城者 Ė : I 此之不 今 ・縣以 講 桐名 , 者 何以言文?」 有 \mathcal{F}_{L} : 桐 鄉 望溪默然者久之 , 桐 廬 , 桐 柏 , 桐 梓 , 不 獨 桐 城 也

0

省

桐

城

樹達 按 : 此 事 叉 見 陳 用 光 太乙舟文集卷五致魯賓之書及翁方 綱 }復 初齋 文集 卷 + 七 書馮 康 未 定

豪。

(+=)

石巖 字 誠 , , 今 則 方志略例卷 四 同]1] 字 有 石 者 柱 何 廳 所 與石首王明 分 , 霴 別 南 ? 有 卽 石 加 府論志例 屏 石 州 首 言 , 書云 Ш 石 西 9 有 則古 : 石首縣志 石 之縣 樓 縣 名 , 泉文動 YI , 帕 浅 有 有 石成 稱 石 块 石 8 縣 , 个 , YI. 有 害 迅 石 於 秋 廣 事 也 東 , 义 隋 0 俱 有 地 名 有 石 石 南 兩 城 4 , 唐 縣 摘 有 取

三 不別白而可知

後之觀

者

何

由

而

知

為今石首

也

後漢書卷十 八 吳漢 傳 艺 : 漢又率驃騎 大將 軍 杜茂 **疆弩將軍陳俊等圍蘇茂於廣** 樂 , 劉永 將 周

建

救

廣

樂 漢 傷 臥 , , 漢 漢 , 選 將 衆 輕 心 79 部 騎 懼 精 迎 矣 兵 與 0 贵 Z 戰 頭 漢 吳 77 , 泂 勃 不 等 然 利 及 裏 , 鳥 創 喧 桓 馬 m 突 起 傷 騎 膝 , 椎 , \equiv F 環 4= 餘 響 幣 士 A O 齊 建 , 鼓 於 等 是 遂 而 進 軍 連 士 兵 9 建 激 入 軍 怒 城 大潰 9 o 1 諸 倍 將 , 謂 反 北 氣 還 漢 奔 0 日 城 H : -H , 漢 大 , 長 建 敵 騙 茂 在 追 出 前 擊 兵 m 公 圍

爭 門 並 入 , 大 破 之 , 茂 建 突 走

樹 達 按 : 杜 茂 蘇 茂 同 名 茂 , 文 云 建 茂 , Z 茂 建 , 茂 皆 指 蘇 茂 , 不 著 姓 爲 别 , 蓋 以 茂 建

能

自 劚 蘇 茂 9 可 無 嫌

也

稱

:

9

0

,

}後 也 刃 伏 漢 9 勿 萌 *書 殺 身 卷 Ŀ 1 = + 9 逐 被 九 解 + 劉 去 創 平 傳 0 , 萌 困 云 傷 頓 甚 不 建 知 武 9 所 氣 初 絕 為 平 0 , 有 號 狄 江 頃 將 請 9 軍 蘇 龐 日 9 : 脯 涡 -7 反 求 願 於 以 飲 彭 身 ŋ 城 4 14 , 傾 府 攻 其 敗 君 創 0 郡 ÚЦ 守 以 脉 孫 乃 飲 萌 之 歛 0 兵 本 後 ıĿ. 時 數 9 復 H H 為 郡 , : 萌 吏 此 竟 死 義 目 1: Ħ 0

平 乃 裹 創 扶 送 萌 喪 至 其 本 縣 0

樹 達 按 : 文敍 龐 萌 攻 孫 萌 , 下 文 稱 萌 , 不 復 别 白 9 以 由 文 義 [1] 推 知 其 爲 孫 萌 9 不 嫌 混 清 也

O

梁書 Ŀ 書 遍 見 {卷 諸 \mathcal{H} 子 沅 帝 , 至 }紀 湘 云 東 : 王 初 , , 賀 手 革 脫 帽 西 E 授 , 意 , 此 甚 人 不 後 悦 必 , 當 過 壁 别 御 0 卿 史 H 其 行 水 平 II 革 1 9 革從之。 以 情 告 之 及 0 革 太 清 E 之 難 吾 , 乃 嘗 夢 主

第 六 章 嫌疑 復

,

遐

邇

樂

推

,

邃

膺

寶

命

矣

0

九 ナシ

加別白也。 樹達按:此文賀革江革同名:「革曰」之革指江革,「革從之」之革指賀革,文意可明,故不

漢文文育修

鰕车 劇

00

第七章

互備

易說卦云 : 雷以動之, 風以散之, 雨以潤之,日以烜之。 艮以止之,兌以說之, 乾以君之, th. 以藏

言之以 相備耳 日知錄卷一云 9 顧 說非 是

樹達按:

顧炎武

上四

舉象

,下四舉卦,各以其切於用者言之也

0 樹達

被

:

此

說萬物者莫說乎澤,潤 又云:神也者,妙萬物 萬物者 im 爲言者也 莫潤 平 0 水, 動萬物者莫疾乎雷 終萬物始萬物者莫盛乎艮。故水火 ,撓萬物者莫疾乎風 相 ,燥萬物者莫熯乎 逃 , 雷風 不相 悖 火 , Ш 2

澤通氣 , 然後能變化既 成萬物也

樹達按 則不然,故含象而 :崔憬云:艮不言 言卦,各取便而論也。樹達按:此亦崔強說, Ш ,獨舉卦名者,以動撓燥潤功是風雷水火;至於終始萬物於山 實則互文耳 , 義

\equiv

第 Ŀ 茸 参互

9

易雜卦傳云 : , 畫 也 ; 明 夷 , 誅 也

樹達 按 : 俞樾古書疑義舉例 卷一云:雜卦傳:「 乾 剛坤柔,比樂師憂,」 皆兩兩相對 0 他

雖

晉之爲晝 , 而語意 , 則 朋 必 夷之爲晦 相 稱 0 獨 可 -知 晉 矣 0 , 盐 朋 也 入 ; 地 HJ] 夷 H ; , __ 誅 也 明夷象 , 其 得 義 不 非 倫 順 0 愚謂 imi 何 ? 此 參互 知 明 以見 夷 之爲 義 誅 也 卦

未必

然

按 :俞氏此 說精 碻 0

晉之爲賞可

知

矣

0

康侯

用

錫馬

蕃

庶

,

-

晉卦象群

非賞

illi

何?

自

來

言

易

者

未

見

及 此

0

樹 , o

達 則 知

四

左傳成公二 年 云:公會晉 師 於上 鄍 , 賜三 帥 先路 Ξ 命 之服 , 司 馬 9 司 空 , 倾 Ab , 候正 , 亞旅皆 受

命之服

樹

達按

:孔颖 Ŧī. 達正義云。 於卿言賜。 於大夫言受。 Ħ 相 足 也 0

禮記 八文王世 子籍云:諸父守貴宮貴室,諸子諸孫守下宮下 室 o

:諸父諸兄守貴室 ,子弟守下室而讓道達矣

樹達 按 . 鄭注云:上言父子孫; 此 言兄 弟 , Τį 相

備

也

0

六

左傳襄公四年云:穆叔如晉 , 晉侯享之, 金奏肆夏之三, 不拜; 工歌文王之三, 又不拜;歌鹿 鳴之

Ξ 拜

夏是作樂之初 樹 達 按 . {正 |義 , 云 故 . 於肆夏先言 奏謂 作 樂也 金奏 , 作 也 樂 先擊鐘 0 次工 歌文 9 鐘是 {王 金也 , 樂 已先作 , 故 稱 金奏 , 非 復 0 晉 以 金 人 爲 作 始 樂 , 2 先 故 言 歌 I (肆 夏 歌 也 肆 0

實 金奏 韓夏 , 亦是工人歌之;工 一歌文王 , 學 金 17 亦不 息 互 見以從 省 耳

七

₩記 肺 9 夕深衣 十三 諸侯皆日 樹 達 按 迁 一藻篇云 祭牢 . (劉注 三食 肉 云 . 天 天子…… : 子 天 子 雖 言 止 言 日 皮 日 中 弁 以 # , 諸 H 9 视 亦 侯 有 言 朝 夕食 夕; , 遂以 天子 , 諸 食 言 侯 , 日中 雖 餕 第 , 諸 丽 言 夕 饄 侯 言 0 , 諸侯…… H 祭 中 牢 亦 肉 有 -食 朝 互 相 服 0 天 以 挾 7 食 0 言 樹 , 餕 特 達 牲 按 知 : 諸侯 天 俎 子

亦 餕; 諸 侯言祭 牢 内 , 知天子亦祭牢 肉 , 故 云 互 相 挾 也

,

八

左傳隱 樹 公元 達 按 华 . 一云:公 }孔 疏 引 服 入 皮云 而 賦 , 入言公, 大隧之中 出言姜 9 其 樂 , 也 FIJ] 融 俱 融 出 ; 姜 入 出 , 互 mi 相 賦 見 , 大 隧 之 外 9 其 樂 北 洩

洩

0

,

九

左傳 大 昭 公六 國 也 车 荷 云 苑 : 夏 於 討 9 季 , 不 孫 敢 宿 如晉 求 贶 0 , 拜莒 得 貺 不 田 過 也 0 獻 晉侯 , 今 享之 豆 有 9 有 加 加 , F 籩 臣 0 弗 近 子 拢 退 , 無 9 乃戾 使 行 也 人 ? 告

第

t

意

参加

日

.

小

或

漢

文

文

0

樹 垄 按 : 孔 疏 云 E 言 加 蒾 , 此 言 豆 者 9 簻 57. 並 加 , Ħ. 果 其 也

7

之兵

於召陵

9

亦

如

之

0

左傳 崻 , 救 昭公十 災思 四 9 47 年 M 云 寡 . 楚子 , 赦 罪 便 然丹 戾 , 請 簡 姦 Ŀ 悪 國 之兵 , 舉 於 淹 宗 滯 丘 , 禮 , 且 新 敍 撫 其 舊 民 , 祕 , 動 分 省 合 親 振 窮 , 任 , 長 1ª 孤 坳 官 幼 , 0 卷 健 屈 老 罷 疾 簡 , 收 東

國介

樹 Ŀ. 淫 流 按 , 故 : 韶 {杜 之上 注 云 威 : Ŀ 0 國 Ni 在國 寫 Ŀ 都之 則 東 稿 西 F 0 西 , 方 F H 居 _E 東 則 流 此 9 故 是 西 謂 之上 , Ti 相 熨 見 0 {孔 也 ,疏 云 : 以 水 皆東 流 , 西 方 居

(十一)

易坤 卦象 傳 1-1 . 西 南 得 朋 9 乃 與 類 行 束 北 喪朋 , 乃 終 有 慶

樹 逆 似 按 0 mi : 亡友 上二 旬 曾 連乾 但 H 其 云 事 : 此 , 言 不 與 ii 同 其 古 類 行 否 則 ì 下 無 慶 句 9 言 不 與 其 占 同 類 否 行 9 則 不 有 言 其 慶 事 也 0 , 所 義 謂 與今之電 耳 文以 學排 見 義 同 也 引 罪

(十二)

子 左 傳 典 析 较 朱 12 釦 八 车 , 獻 云 于 : 吳師 Ė 0 \pm 克 東陽 日 . illi 此 進 同 9 舍 車 , 於 必 **H**. 使 梧 能 , IIJ , 國 日 未 9 舍 III 望 於 鑑室 机 0 0 八宝 庚 公 甲 叔 -與 戰 于 夷 , 獲

叔

鉬 樹 同 蓬 車 核 **社** 社 則 析 朱釦 云 : 公賓 亦 頭 吳 庚 戰 公 甲 भि 叔 知 子 0 叔 並 析 子 朱 與 金田 析 朱 為 鉬 \equiv 人 被 獲 , 皆同 , 則 公省 車 , 庚 傳 亦 Ä 被 11 獲 之 [4] 0 樹 知 達 0 然 按 得 . 文記 叔 子 與 與

吳析

戰 朱

言之也 者只及公賓庚公甲 叔 子而 不及析朱銀 , Ħ 被獲者但及权子與析朱銀 而不及公賓庚 , 故杜云傳 H

(十三)

左傳 昭公四 年云 :祭寒而藏之, 獻為 in 啓之

已云 樹 淫 :「其藏冰也,黑牡秬黍以享司寒,」今復云:「祭寒而藏之・」 按 : 杜注祭寒云:享司寒。 叉注下句云:謂二月春分,獻羔祭韭 , 與上一事而重其文者 始開冰室 10.孔疏云 : 上

十四)

欲明

獻羔而啓之還是獻之於寒神,故更使藏之啓之文相對

也

左傳桓公三年云:秋,公子留如齊逆女。修先君之好,故曰公子

又宜公元年云:元年春王正月,公子遂如齊逆女。尊君命也

樹達按 : 莊公三年傳杜注 云:「昏禮雖奉時君之命 , 其言必稱 先君 以 為禮

稱名氏 傳稱修: 行 先君 傳各舉其一耳 ,所以尊君 之好 , 公子逐 命 0 樹達按 逆女 , 傳 : 稱尊君 杜解傳意 命 , , 謂二文不同 互 奉其 義 0 , 宣公元 非是矛盾 年杜注 ,乃由修好易尊命二事兼 云 解 . 9 故公子 -諸侯之卿 暈 遊女 出 入

十五

,兩

0

春秋僖公二十九年云 第 t 章 参互 夏六月 , 會王人晉人朱人齊人陳人蔡人秦人盟于霍泉 0 傳云: 夏 ,公會

公五

王子

虎晉 狐 偃 宋 公 孫 間 齊 國 歸 父陳 **轅濤塗秦** 小子 愁盟 于翟泉 0 卿 不 書 , 罪之 也 0 在 禮 , 卿 不 曾 公侯 , 會

樹達 按 稱 人 : 杜注 云 : 魯侯諱盟天子大夫, 諸侯大夫違禮盟公侯 , 王子虎違禮下盟,故不言公會

0

伯

子 男可

也

漢

文

文

雷

修

辭

旦

邾大 春秋 襄公八 夫會之。 年云 大夫不書 . 季 孫 宿 , **育晉侯** 會 晉侯鄭 也 伯 齊 人宋人衛 人鄭 人于那丘 0 {傳 云 : 季 孫 宿齊 高厚宋

0

六月,

公會

晉

趙

武

宋向

戌

鄭

良宵

曹

人

向

戌

衞

甯

殖

于澶淵 又襄公 樹 達按 (:李康) 武 年云 不 書 :公會晉人鄭 云:尊晉侯者 算公也 良宵 ,不以大夫敵諸侯 宋人曹人于 湮 淵 也 0 {傳 云 :

0

趙

,

然則 樹 達按 : 卿不書 算公侯 : 杜注 ,罪之也 , 罪 云:罪武會 大 夫 0 , 八 其 諸侯 年 義 9 。孔疏 諸侯之卿會晉 也 , 傳文互. 三字: 僖二 相 見耳 于那 + 九年 F 0 此 9 亦 言 ,諸侯之卿會公于翟泉,皆貶之 趙武 貶稱 不 A 書 0 {傳日 , 餘公 : 大夫不 1 , 亦是罪 書 , 拿晉 武 也 稱 侯 人 , 故 也 0 傳 杜 0

十六)

云

*

罪

武會公侯也

漢書卷 王, \pm 巴 一高帝紀云: 蜀漢中四 + 元 縣 年 二月 , 都 南 , 鄭 13/3 自立 。三分關中 為西 楚 , 霸 立秦 Ŧ , 三將 \pm 梁 , 楚地 章那 九 為雅 郡 王 都 , 彭 都 城 廢丘 0 背 ; 司 約 馬欣 更 立 為寒 沛 公 為漢

Ŧ

陽 都 櫟 君 陽 英 布 ŝ 董 爲 翳 九 Y.E. 爲 霍 王 , \pm 都 , 六 都 高 0 懷 奴 \pm 0 楚 柱 國 將 共 瑕 敖 F 為 申 臨 陽 II 為 泂 Ŧ 南 , 都 王 II. 9 陵 都 洛 0 番 陽 君 0 趙 吳 贫 將 為 司 衡 馬 卬 Ш 爲 \pm 般 , 都 E 邾 9 都 0 故 朝 齊 歌 E 0 0 建 當 徙

孫 呼 王 H 安 田 為 क्त 爲 濟 廖 北 東 王 王 0 徙 9 齊 魏 將 E 豹 田 都 爲 爲 西 魏 齊 \pm \pm , , 都 都 平 臨 盐 陽 0 0 徙 徙 趙 燕 王 Œ 韓 歇 廣 爲 代 為 遼 Ŧ. 東 0 趙 王 相 0 燕 張 將 耳 爲 臧 茶 常 Ш 爲 燕 Ŧ Ŧ 0 9 郡 薊

IL 义 臨 臣 Ŧ. 爲 引 Ŧ Ŧ II 雍 卷 \pm 歇 也 , 兵 0 Ŧ E 心 降 \pm 0 4 , 番 先 + 37 將 代 咸 , 0 君 1 陽 E 田 0 徙 頂 咸 立 都 燕 吳 超 河 以 民 安 從 東 陽 籍 相 南 Ŧ 以 傳 為 帥 張 迎 至 共 韓 濟 救 百 楚 河 西 廣 耳 云 粤 賢 描 河 : 為 立 佐 上 立 長 入 遼 9 諸 叉 翳 史 沛 關 , 東 司 侯 從 Jr. 爲 公 , Ŧ 為 立 翟 , ス 陽 馬 0 從 欣 漢 關 爲 王 立 都 藤 入 河 王 為 , 9 , 將 關 立 齊 南 \pm 故 9 版 L 櫟 \pm 楚 王 茶 9 為 \pm 立芮 巴 常 郡 陽 從楚 0 0 蜀 Ш 趙 獄 故 0 漢 秦 為 王. 將 徙 吏 救 衡 中 所 魏 , 司 , 趙 山 嘗 E 馬 E 减 0 , 有 楚 齊 \pm 描 卬 豹 m 因 德 地 Ŧ 0 地 定 爲 參 從 義 分 於 泂 九 建 0 西 入 關 郡 帝 當 内 魏 梁 孫 關 柱 陽 , 中 數 王 \blacksquare , 都 都 安 威 君 有 , 9 立 尉 王 比 兹 功 Ŧ 茶 敖 布 董 秦 城 137 河 9 翳 降 爲 將 方 爲 立 東 燕 將 渡 楚 兵 LI 0 本 E 日 勸 將 瑕 以 ny 爲 童 距 救 南 服 IF. 0 , 趙 郡 常 公 1113 寒 徙 \pm 漢 申 隆 齊 9 冠 , , 陽 道 安 功 軍 王 , \pm 多 者 故 F H 河 0 , 立 濟 立 内 乃 市 9 9 張 欣 天 布 V. 北 爲 0 童 T. 徙 耳 爲 膠 為 數 九 爲 超 嬖 寒 IIIS 城 東

不 樹 述 達 按 其 所 . : 高 都 祖 , 紀 ifii 獵 除 詳 項 17 載 漢 其 王 被 外 封 Z , 諸 由 及 所 所 封 Ŧ \pm 之地 皆 不 敍 9 其 此 所 互 相 E 之 備 地 也 9 m 但 述 其 所 都 0 }籍 傳 則 除

,

北

 \pm

0

33

自

爲

西

霸

Ŧ

,

 \pm

梁

,

彭

1373

+ 七

第 七 童 参丘

漢害 卷 八宣 帝 紀 云 : 封 智 所 子 消 子 侍 中 中 郎 將 彭 祖 爲 陽 都

侠

0

.

卷 五 + 九 張 安 世 傳 云 其 封 賀 弟 子 侍 中 關 内 侯 彭 湘 爲 陽 都 侯

义

樹

達

按

:

周

壽

昌漢

書

注

校

補

卷

四

云

:

宜

帝

紀

無

關

內

侯

三字

,

安世傳

無

中

郎

將

所

謂 互 文以 徽 實 也

十八)

更乳 漢書 卷 養 八 , 私 這 給 帝 紀 衣 食 云 : 9 視 丙 吉 遇 甚 爲 有 廷 尉 恩 0 , 治 巫 於 郡 邸 , 憐 曾 孫 之 無 辜 , 使 女 徒 復 作 淮陽 趙 徵

叉卷

七

四

洒

吉

傳

云

:

吉

謂

則

云

•

汝嘗

坐

養

皇

曾

孫

不

謹

督

答

,

汝

安

得

有

功

1

獨

渭

城

胡

組

淮

陽

郭

徵

卿 渭

城

胡

組

恩

耳 +

0

卿 有 樹 達 按 0 宣紀 }顏 注 云 : 趙 徵 卿 0 郭 徵 卿 紀 傳 不 同 , 未 知 孰 是 0 周 壽 昌 云 : 此 復 作 女 徒 9 或 傳 其

姓 , 或 傳 其 夫姓 , 故 紀 傳 有 異 同 也 0 樹 達 桜 : 周 說 是 也

+ 九

{漢 殺 田 卷三十 角 田 開 , 73 }項 發 籍 傳 兵 云 0 : 梁 梁 日 已 破 : 東 田 विय 假 下 軍 , 與 , 遂 或 之王 追 秦 軍 , 窮 , 來 數 ء 使 我 使 趣 9 齊 不 忍 兵 殺 俱 西 0 榮 日 楚殺 田 假 9

义 超 殺 卷 角開 三十 -, 75 **H** 出 儋 傳 兵 0 K 楚懷 項 梁 E 旣 追 日 章 : 邯 田 , 假 章 THE 9 與 兵 國 益 Z 盛 \pm , 項 , 窮 梁 iffi 使 歸 趣 齊 我 兵 殺 共 Z 业 章 , 不 1113 誼 |榮 Ē . 楚殺

田

假

趙

國之王 樹達 按: 者 宋祁校籍傅云:田假與國之王又在田儋傳,作懷王 , 項梁之語也 0 見粉傳中。朱 新漢書管見卷三云 語 : 0 是時 劉奉世 懷王辦 校田俯傳 虚位 , Z : 調 兵 4 田假 決 與

梁 , 田僚 (傳 存其名 , }項 籍 傳 則從其實 也

(二十

漢書卷三十一 項籍傳云:田榮自立為齊王 ,予彭越將軍 即, 令 反梁地,越乃擊殺濟北 Ŧ 一田安

又卷三十三 |田儋傳云:榮攻殺 濟 北王安 9 自 立 爲 Ŧ

亦謂 樹 達按 史記 . 自 何 相 焯 校籍 歧 誤 (傳 0 樹 云 逩 : 按 : 田 時彭 儋 傳 起 : 屬 一荣 榮 還 攻 , 越殺 殺 安 卽 , 榮殺 與 異姓 也 諸侯 o 田 儋 E 傳 表同 及諸侯王 0 云 越殺 表 據 , 其名 誤 也 , o]項 趙翼

<u>-</u>

紀

其實

童

0

|何趙

說

並

諛

漢書卷六十杜 延 年 {傳 Z 左將軍 Ŀ 官桀 父子 典 蓋 主 燕 Œ 謀 爲 遊 亂 7 假 稻 田 使者 燕倉 知其謀 , 以告大

司農楊敏

又卷六十三 樹達 按 派王 同 H 燕倉 傳 云 : 會蓋主舍人父燕倉知其謀, 敍其官名 敍其親屬 關係 告之, ,亦 互文也 由是發覺

舉隅

:

9

,

第 ť 章 参近

薄 故 物出 易 物 相 之所 說 見 也 日 致 卦 平 0 , 役 云: 成 坎 南 震 方之 終 也 平 ; 震 帝 者 坤 mi 卦 , , 出 成 0 水 東 乎震 始 免 也 也 也 方也 , , Œ 聖 , 9 齊乎巽 故 E 秋 人 0 齊乎巽 南 日 北 也 方之卦 成 , 面 萬 , 言 im 物之所說 ;巽, 平 聽 相見乎離, 致役乎坤 R 也 天 ; 下 · 勞卦 東 , 嚮 也 南 也 明 也 , ,萬物 故 丽 0 齊也者 日 治 說 , 言乎免 蓋 ,說言乎兌 之所歸也 取 9 諸 言萬物之絜齊 0 此 戰 , 也 故曰勞乎坎。 乎 , 0 戰乎乾 乾 坤 也 ; 乾 也 者 , 9 , 0 勞乎坎, 離 西 地 艮, 北 也 也 之 者 , 卦 萬 東 , 成 物皆致 明 也 北 之卦 言乎 也 , 萬 也 陰陽 養 艮 物皆 焉 9 0 萬 萬 相

仲 樹 翔以 達 按 : 顧 炎 武 {日 知 绿 卷 云 . th 不 言 西 南 之 卦 , 免 不 言 西 方之卦 , 舉六方之卦 im 見 之也 0 奠

爲 坤 道 廣布 , 不 主 方 , 及 免 象不 見 西者 , 돚 也

(詩 魯 班 閟 宮 云 . 春秋 匪 解 , 享 祀 不 25

四 樹 時 達 按 也 0 6 (質) 又左 傳 Z IE . 義 春 卷 秋 猶 春秋 言 79 序 時 疏 也 云 0 孔 0 颖 春 先 達 於夏 {正 義 , 云 秋 : 先於冬 作 者 錯 舉春 躯 4秋以明 先 可以 及後 冬夏 う言 , 故 春足以 云 : 春 兼夏 秋 猶 言

秋 足以見多,故舉二字以包 179 時 也

Ξ

禮記 $\pm i$ }王 制 篇 云 : 大 國 之卿 不 過 Ξ 命 T 卿 再 命; 小 國之卿 與下 大夫一

命

樹達 按 : }鄭 }注 云 : 不 著 次 威 之 卿 者 9 以 大 國 之下 瓦 明 2 0 孔 疏 云 : 以 大 或 之卿 不 過 命 則

知

次國 之卿 不過 再 命 ; 大 國 F 卿 再 命 , 則 知 次 皷 下 卿 命 ; 故 云 互 明 之

禮記 二十二喪大記 篇 云: 復 者 朝 服 ;君 以 卷 9 夫 人以 屈 狄 0

樹達 妻 伯以 點 男子舉上以見下, 按 , : 其夫人 **類注** 云 用撤 : 君 狄 以 婦人舉下以見上,是互 ;子男以毳 卷 , 謂 Ŀ 公 也 9 其 ; 大夫人乃 夫 人 以 用 屈 屈 狄 狄 , Ħ 矣 言 0 耳 § (1) 疏 0 云 Ŀ : 公以 男 子 袞 舉 , Ŀ 則 公 夫 1 , 用 婦 人 緯 舉 校 子 m 侯

言

也

左傳 昭 公 四 年 云:左師 Ŧi 獻公合諸侯之禮六

0

樹 達 按 . 愈樾古書疑義 舉例 卷 三云 : 其 日公 者 , 蓋兼侯 而言。公合諸侯 ,謂公侯合伯

9

子產

献伯

子

男會公之禮

7

男

也

伯 子男 會公, 謂 伯 子 男會公侯 也

左傳 於伯 哀 公十三 年云 • 子 服 景 伯 對 使 者 日 . 王合諸 侯 9 則 伯 帥 侯 牧以 見 於王 ; 伯 合 諸 侯 9 則 侯 帥

子

諸 棹 侯以 主 按 見於王 : 孔 疏 也 云 : 計 王合 當 盡 諸 帥 侯 諸 , 侯 則 伯 , 獨 帥 Ħ 侯 帥 牧 侯 , 收者 當 如 , 舉尊 書 康王之誥 m 言 , 其實 太 保 盡 帥 帥 之也 西 方 0 諸 伯 俠 合 , l 諸侯 畢 公 帥 , 則 東 侯 方

章 参丘

第

-6

漢

文

文

情

修

辭

刚

亦 帥 見 子 在 勇 會 9 侯 者 壶 謂 帥 牧 以 也 見 , 伯 牧 也 帥 諸 0 國 兪 之君 樾云 見於伯 0 此 伯 也 7 0 杜 亦 注 當 謂諸侯長 書 帥 在會 , 諸 非五 侠 , 等之伯 獨 云子 0 男 其 , 日 舉 侯 小 者 爲 伯 , 言 子男 蓋 , 兼 其 為 公 實

丽 等 言 , ; 故 其 舉公可 E 子 勇 以 者 兼 , 侯 蓋 , 一般伯 舉 侯 而 H 言 以 , 兼 謂公侯帥 公 , 舉子 伯子男以見於伯 男 可以 兼伯 9 舉 也 此 0 以見彼之例 古者公侯為一等 也 0 ,

左傳 襄公二 年 云 : 萊 人 使 IE. 輿子路风沙衞以索馬 4 , 皆 百 匹

七

樹 匹 達按 9 # H . 之耳 正義 云 0 : 司 馬 法 . 丘 出 馬 DC 9 4 \equiv 頭 , 則 4: 當稱 頭, 而亦云 匹 者 , F 馬而名牛

日

左傳 昭 公九年云:先王 (八) 居橋 杌 于四裔以 禦魍 魅 0

耳 敦 傳 樹 稱 達 , , 職兜 iffi 按 : 云 . 檮 舜 }杜 也 杌 臣 {注 堯 窮奇 者 云 : , , 略 流 , 言 舉 共 四 14 I 檮 [X] X 杌 也 族 之 , , 構 渾 略 1 躯 杌 敦 四 0 , 下 窮 鯀 M 奇 Ħ 也 之 四箭 • 饕餮 梅杌 0 F , 則三世 言 , -Ξ 整 四 凿 發 裔 在其 11 , , 投 則 0 4 諸 此 \equiv u 傳 四 苗 知 以 裔 在 45 也 以 其 來 禦 1 0 若 陰 鯝 0 戎 值 魅 說解 孔疏 伐 0 潁 先 玄 9 , 當 儒 文 11 須 皆 7 居 以 梅机 饕餮 為 八 軍 年

. (九

于

羽山

不須

冒

74

商

也

漢書卷 四十八買館傳 云 : 賈 誼 ,洛陽 A O

又卷六十四 云 : 賈捐之 ~,字君房 , 賈誼之曾孫

達按 買捐之傳 . 捐之傳不復發 + 其爲洛陽人,

以已見流傳

故

也 也

0

樹

, 7 也

漢書卷五十五霍去 病 傳云: 霍去病 大將軍青姊少兒

,

票騎將軍

去病弟 故也

也

0 父

141 孺

,

河

東平陽

人也

又卷六十八霍光傳云:霍光字子孟

樹

達按上去病傳不

記

其邑

里,以光傳已詳

說文云:木 + 方之行

, 東 方之行也 0金, 西方之行 0 火 , 南方之行 0 水 , 北

樹 達按 : 錢 大昕十駕齋養新錄卷四云 : 言 此 ,則土爲中央之行可

知

0

樹達按 . 錢 氏云:酸苦辛甘皆不言 方

叉云

:

鹹

,

北方味也。

(+:)

霧 , 水 音 (十三) 也 0

:

樹達 按 第 . t 幾氏 章 굸 : 参加 宮 商徵角皆不言

音

(十四)

又云:青,東方色也。赤,南方色也。白,西方色也

樹達按:錢氏云:黑不言北方。

(十五)

又云:黄,地之色也。

樹達按:錢氏云:玄不言天之色。

又云:鐘,秋分之音。鼓,春分之音。

(十六)

樹達按:錢氏云:不言二至。

樹達按:錢氏云:不言餘月。 (十八)

又云:笙,正月之音。管,十二月之音

(十七)

又云:龍,鱗蟲之長。

樹達按:錢氏云:毛羽介蟲之長不言。此皆舉一二以見例,非有遺漏也。 (十九)

四四

第 -6 釯 参互 說文六篇 三林部 云: 棽, 木枝條 **棽**儷 0

叉八 / 篇 上 八部云 : 儷 , **棽**儷 也 0

樹 達按:

段玉

裁注云:義已見林部,故此但云棽僱也

舉隅反例

後漢書卷十四馬援傳云:馬援字文淵 ,扶風茂陵 人也 0

又卷五十馬融傳云: 傳五十 樹達按 . , 章學誠 融籍 里 馬融字 已詳 乙卯 援傳 剳記 季長 云 , 則 , . 融傳 馬融 扶風茂陵人也 但著嚴 為 馬 援 子可也 兄 余 , 將作 之孫 0 范氏復敍扶風 , 大匠嚴之子 兄 子嚴之子

書列 相顧 }馬 援 也 }傳 + 四 ,

馬融

茂陵 。後漢

,不

0

第八章 雙盟

一義的雙關

|國策 乎? 乎? 王使 事 卷四 楚 陳 左右 陳 王 幓 之秦 秦策云:楚絕齊 軫 0 日 今齊楚 日 : : 0 秦王 王獨不聞吳人之遊楚 臣不知其思與不思, 相伐 謂怜 9 ,齊舉 日 或謂 . -救之便 子 兵 伐楚 , 秦 誠思 者乎? 。陳怜謂楚王曰 , 人 也 或謂救之不便 則 , 將吳吟。 楚王甚 寡 人與 。」今診將為王吳吟。」一愛之。病,故使人問之日 子 : 故 0 也 子 E 0 獨 寡 不 不 如以 人 可以忠爲子 不 地 佞 東 , 之日 不能 解於 主 齊, : 親 哥 國 -誠 西 , 事 游 病 以 也 乎 其 於 9 ? 餘 故 秦 意 爲 子 0 亦 乗 寡 寡 思 A

樹達按:吳吟言軫為秦人,當為秦謀也。

告之曰 叉 不 日 能 : 云 信 : 吾子 也 : 告者 0 曾參 今 不殺人!」 曾子處費, 臣之賢不及曾子 殺 人 0 _ 織 費 其母 自若 人有 , 懼 0 與曾子同名族者而 有 丽 , 王之信 頃焉 投 杼 脈 ,人又日 臣 牆 imi , 义 走 : 未 0 殺人。 岩 夫以 曾 曾子 參殺 曾 人告曾子母曰 參之賢 之母 人。 也 血 , 其母 疑 母 之 臣 : 者不 尙 信 也 織 曾參殺 自 適 , 而三 三人 岩 也 人 人 , 0 臣• 疑之 0 頃 恐• 之 曾 , , 為·則 F 臣・慈之・母 之母 义

投。 杼。 也. ٥

云 : 廿 茂 亡 秦, H. 之齊 0 出 關 9 调 蘇 子 0 日 君 聞 夫 IL LE. 之處 女乎 ? 蘇 7 日 : 不 聞 0 H :

燭 夫江 故 , 常 L 之 先 處 至 女 , 有 掃 室 家 布 貧 席 im 無 9 何 燭 爱 者 餘 , 明 處 之照 女 相 24 血 壁 語 者 , , 欲 幸 去 以 之 賜 0 家 妾 貨無 , 何 妨 燭 於 者 處 將 女 去 ? 矣 安 , で帰室を 謂 處 女 布·益 日 席·於 處 -幸•女 * 以 我。何

逐• 也。 1 蘇 子 日 : 善 9 請 重 公 於 齊 0

為

去

我

?

ب

處

女

相

語

,

以

為

然

9

ihi

留

之。

今

臣

不

肖

9

棄

逐

於

秦

im

出

關

0

願・

為。

足·

叉

卷

+

}齊

}策

云

:

齊

欲

伐魏

9

淳

于

髡

謂

齊

王

日

:

韓子盧者

,

天下

之疾

犬

也

東

郭

沒

,

海

内

Z

狡

四

見 冤 之 也 , 韓 無 子 勞 盧 動 逐 之苦 東郭 m 逡 擅 , 其 環 功 Ш 0 者 今齊 \equiv 9 魏 騰 久 Ш 相 者 持以 Ŧī. , 噸 冤 其 疾於 兵 , 前 弊 , 其 犬 衆 廢 , 於 臣 後 恐 , 犬冤俱 強 秦 大 楚 罷 承 , 各 其 後 死 其 9 有。 處 ⊞• 0 父•田之•父

功. 齊王 懼 9 謝 將 休 士 也

Ŧi.

叉卷 人莫之知 臣 + 請 獻 0 往 }燕 朝 (策 見 Z 伯 Z 賈 樂 : 蘇 0 日 代 0 伯 為 樂 臣 燕 乃 有 說 還 駿 齊 馬 m E 视 9 9 之 欲 未 賣 , 見 去 之 齊 imi 0 E 願 比 , 之 先 Ξ H , 説 立 淳 H 於 Ŧ 丽 市 髡 馬 日 9 價 人 . 真 + \neg 倍 與 人 有 0 H 今 賣 0 臣 願 駿 欲 子 馬 以験馬 者 , 比 見・ 之 於。 9 H **王**• 去 水. 9 m 市 莫 顧

t

第

八

章

命

矣 稿 臣 先 後 者 , 足 下 有 意 為 臣。 伯· £ 大 樂• 說 平 蘇 ? -f-臣 請 獻 白 壁 雙 黃 企 千 鎰 以 為 馬 食 0 __ 淳 于 髡 日 : --謹 聞

入言 |之王而 見之, 齊

漢

文

文

雷

修

附

周

學先 推子 Ŧ. 之道 + 祖 木篙云 , 悠 先 君 • 之業 市 何 Ħ. , 吾敬 僚 見 稳 鬼 绅 侯 置 , 鲁 , 親 侯 m 有 行 憂 之 色 0 无 क्त 須 南 臾 子 雛 日 : , 居 君 然 有 不 憂 免於 色 9 患 何 , 也 吾 ? 是 议 颓 憂 侯 0 H : क्त

南 吾

隱約 |子 : 9 猶 Fl. 君 之除 偦 疏 息之術淺 於 IT. 湖之上 矣 而 1 ·夫豐狐· 水 食 馬 文豹 , 形·定 北 , 棲 0 然 於 H Ш 不 林 免 9 於 伏 於 問 羅 巖 機 穴 殿府之思 , 靜 也 ; 0 夜 是 行 何 罪 晝 之有 居 , 哉 戒 也 ? 其 0 皮 雖 爲 飢 涡

也 0 今 魯 國 獨 七 非 君。 之皮。 邪• ? 吾 願 君 刳。 去。 皮· , 洒 心 去 欲 , iffi 游 於 无 A 之野 0

曰 : 春 普 離 秋 卷十 蛛 吾 鳌 網 孟冬紀 11= 0 網 湯 , 今之 }異 E {用 0 A 篇 -學 嘻 云 彩· 1 : 盡之 0 湯 欲 見 左 矣 就 者 1 網 左 非 者 桀 3 置 欲 9 129 右 其 面 者 孰 , 右 為 其就日 此 , 欲 也 高 ? : 者 湯收 高 從 , 天墜 欲 其 Ξ F 者 者 面 , F , 從 置 , 地 吾 其 111 取 者 面 其 , 犯 9 從 命 更 者 教 四 之配 方 0

漢 面 , 南 以 網. 灵 其. 聞 四. +. , 國• 日 , : 非 徒 湯 之德 網 鳥 及 也 禽 獸 矣. 0 四 + 威 歸 之 0 A 置 10 面 , 未 必得鳥 湛 去 m 9

置

其

來

八

叉 《卷二十 期賢篇 玄 : 魏文侯 淵 段 干 木 之間 而 軾 之 0 其 僕 E : -君 訓 爲 献 ? __ 日 : -此 非 段 于 木 之

平 閭 德 歟 1 寡 段 X T 光平 木 地 賢 ; 段 者 也 干木富乎義 , 吾 安戦 不 軾 , 寡 1 人富 E. 吾 乎 聞 財 段 Ŧ ٥ <u>_</u> 木 君 未 乃 答 致 肯 禄 以 己易 百 萬 而 寡 時 人 也 往 館 , 吾安 之 0 於 敢 是國 驕 之一 ٨ 省 段 喜 F 木 , 光 相 9

乃 司 與 案 馬 誦 兵 唐 之 輟 諫 日 不 本 : 攻 君 攻之 日 吾君 : 0 段 魏 好 千木 文侯 正,段干木 , 11 賢者 謂 *****:• 用・ 也 之敬;吾君 兵. , 矣 而魏禮之,天下莫不聞 0 答聞 好忠,段干木之隆 君 子之用兵 也 , , 無乃不 0 莫見其 居 無幾 īŋ 形 加 , 兵平 何 其 , 功 茶 1 H 興兵 成 秦君 , , 欲攻 其 以 此 爲 之謂 魏 伙

9

也

九

|韓 主 亦 非 有 1 游 {說 鳞 難 篇 , 說 云 者 . 有能無嬰人主之法,夫能之為蟲也 主之逆鱗 9 可 擾 , 則 狎 幾 im 矣 騎 也 0 , 然 其 喉 F 有 逆 雠 徑 尺 , A 有 嬰之 , 則 必 殺 λ 0

+

之 叉說 , 林上篇 叉 生 0 **X**: 然使十人樹 陳修貴於 之而一人拔之 子。 魏王 雖工 一,惠子 一自樹於王・ 日 , : 則 毋生 必善事 楊 灰 左右 0 至 0 以 夫楊 十人之衆 , 橫樹 樹 之 易 印生 生之 9 物 倒 IIII 樹 不 之 勝 卽 生 人 , 折 im 何 樹

+

也

?

樹

之難

m

去之易也

0

而

欲去子

者衆

,

子

必危

矣

0

又.顯 阴 吾 法度 學篇 , 云 必吾賞 : 故善毛嬙 罰 者 西 , 施之美 亦 國. 之脂 , 澤粉黛也 無益 吾 面 0 故 用 明 脂 É 澤 急其 粉 黛 功 , 而 則 緩 倍 其 其 頌 初 , 0 故 言 不 先 道 E 仁義 之仁 義

第

八

章

雙關

一九

於

_

(+=)

臣 亦 柳 序 有• 下 卷 國。 恵以 七 於。 }節 此。 爲 {-|-是 篇 0 破 , 云 臣. 因請 . 之。 國. 受之 攻 以 魯 発 0 求 君 本鼎 魯 之 豉 君 請 , , 魯 此 於 柳 君 臣 所 下 截 本 難 惠 鼎 也 0 往 柳 0 F , 齊侯 魯 惠 君 對 乃 不 日 以 . 信 真 m 君 岑 反 之 之 鼎 欲 往 , 以 以 0 爲 為 柳 本 下 非 鼎 惠 也 गि 也 0 謂 使 , 以 守 ٨ 免 信 矣 國 魯 也 君 1 非 :

(十三)

獨

存

己

之

國

也

,

叉

存

魯

君

之

醍

者 漢書 地 婦 夜 母 通 遺 梁 之道 石 舉 0 , 9 日 , 有 彼 犬 君 卷 : 過 東 蚣 得 四 也 \neg 在 以 , 諸 郭 居 0 肉 顯 却 + 事 先 守 然 賢 中 0 五 而 物 臣 寡 爭 牛 蒯 進 , 納 之里 有 ᇑ 能 梁 不 強 通 之 出 石 相 相 從 傳 , 0 門 君 威 殺 婦 齊 云 0 里 者 與 國 及 , , : , 母 工之諸是 齊 請 莫若 事 田 0 初 日 之俊 足 有 火 築 9 : 先 下 適 治 齊 敗 = 之。」 卽 म 母 4 + \pm 女安行 , 二人 也 相 书 欲 0 田 臣 求 善 , 0 榮 亡肉 先生知 :黑。 請 婦 也 醜 怨 Ĭ 乞火• 居。 之 , , 項 家 不•何 我 里 羽 9 嫁。 取 於 遽 介 梁石 婦 相 9 曹 夜亡 ? 追 與 謀 iffi , 未 相 呼 家 君 入 躯 售 國 追 肉 東 深 日 其 兵 卑 4 女 郭 山 畔 0 婦 9 姑 矣 隱 節 -先 之 0 取 乃見 以 生 F 故 居 0 , 意 為 不 里 # 却 0 以 盗 客 齊 母 俗 嫁 相 卽 求 者 非 束 所 謂 熨 , 士 仕 縕 怒 談 不 0 日 通 , 請 也 說 而 及 : 曰 不 通 之士 逐之 火 0 , : 與 於 願 H 婦 何 者 -也 t 足 不 先 . 0 死 人 下 ; 内 婦 進之 生 有 0 晨 使 然 束 家 之 齊 夫 X 則 船 於 於 去 處 0 死 禮 求 乞火 曹 日 , 相 + Ξ 之 臣 過 : 耐 相 東 日 1 亦 所 平 = 國 郭 猶 而 非 昨 善 ? 9 先 曹 是 嫁 暮 諸 拾 還 生

相

國

E

:

敬

受

命

皆以

爲

E

賓

樹達按 往 也 0 : 乞火 方言 於 . 曹 _ 自家 相 威 而出謂之嫁 固 雙關 之詞 0 , 卽 此 隱 與 居 河外子 不 嫁 亦 嫁 然 於衛 0 洪亮吉 ___ 意 四史發 同 o 則 伏 卷 失 原文修詞之意矣 Ħi. Ä : | | | | | | 雅 . 嫁 ř

一 音的雙關

宋 郭 茂倩樂府 詩集 卷 四 + 一六懊儂 歌 云 • 我 有 所歡 , 安在深 閣 裹 0 桐 樹 不 結花 9 何 由 得 梧 子 o

樹達按:梧子雙關吾子

(| |

又華山畿云 : 別後常 相 思 , 頓 書 T 丈 闕 , 題 碑 無 罷 時

又讀 曲歌 Z . 打 壞 木 ・
根
床 , 誰 能 坐 相 思 ? 更書 石闕 , 億 子 夜 題 碑

樹達按 . 題 碑謂 唽 悲也 。讀曲 歌崇文局刻本作啼碑 , 義不 可通 , 誤 0 今正作題 ,始與書石闕

相

又讀 叉云 : 曲 歌 去 云 :千葉紅芙蓉 四 Ŧi. 年 , 相 見 9 故 照灼綠水邊,餘花任郎 情 , 殺荷不 斷藕,莲 心已復 摘 , 傾 英罷儂 生 進

٥

樹達按:蓮雙關憐

第八章 雙關

四

又云:奈何不可言,朝看莫牛跡, 樹達按:蹄雙關啼,謂哭也 知是宿蹄 痕

0

Ŧi.

又云:奈何許?石闕生口中,銜碑 不 得 語

樹達按:街碑謂銜悲也

(六)

:下帷掩燈燭 . 非歡獨慊慊,儂意亦驅驅, , 明月照帳中 , 雙燈俱 無油何所苦, 時 盡 9 奈許 但 使天明 兩 無 儂 油 0

叉云 叉云

又云:十期九不果,常抱懷恨生,然燈不下炷,有油那得明

樹達按 :油謂由也 0

(七)

叉云 又云:坐倚無精魂,使我生百慮,方局十七道,棋會是何處? :執手與歡別,合會在何時? 明燈照空局 9 悠然未有 棋

八八

樹達按

:期棋雙關

0

達按 : 籬謂 離 0

樹

九

叉云 :一夕就 郎宿, 通 夜 語 不息 0 黄 (麋萬) 里 路 , 道苦眞

樹達 按:道苦 , 面謂道路苦, 面 謂 訴 說苦 情

(+)

叉云 : 樹 窗中 達 按 獨自起,簾外獨自行 絲與思 雙 關 9 愁見 蜘 蛢 織 , 蒋 絲 直 到

明

0

+--

.

0

行

同喻意 樹達

0 0

劉對 孫

被

志

也

米王觀國 人 m 不 學林卷九云:劉沈管使契丹 住 0 劉應聲 日 : -7 在北 日 , 契丹與之宴。 |狄 , 吹出 寨 以 契丹日 何 妨 0 : 有酒如澠,(澠誤作繩, 今改。

在北日秋,吹出塞以何妨 稲 讀 書 脞錄 卷七云 :左傳 昭十二年 , 亦借笛狄音同也。樹達按 : 有酒 如澠 。释文: : 澠音 假澠字之音爲繩 縄 。契丹特 借澠 ,故云繁

繩 香

第九章 曲指

稱名之曲

左傳信公二十六年云:齊侯未入竟,展喜從之。曰:「寡君聞君親舉玉趾,將辱於敞邑,使下臣犒 ٥

樹達 按: 杜注云:言執事,不敢斥尊 0

左傳襄公四年云:昔周辛甲之為大史也,命百官官箴王闕。 思其塵牡 , 經啓九道,民 武不可 重,用不恢于夏家 有癡 廟,獸有茂草,各有攸處,德用不 0 料豆 同原 ,敢告僕夫。」 擾。在帝夷郛,冒于原獸,忘其國恤 於虞人之箴曰:「芒芒馬迹,畫為九 īm

樹達按 :社注云:告僕夫,不敢斥尊

,

又襄公二十六年云:晉韓宣 子聘於 周 , \pm 使請 事 , 對 E : --1 晉士 起將歸時事 於宰旅 , 無 他事 矣 c

樹達按:杜注云:宰旅,冢宰之下士。言獻職貢於宰旅

,不敢斥尊

四

左傳襄公二十八年云 承天之休,此君之憲合, :子大叔曰:宋之盟,君命將利小國,而亦使安定其社稷,鎮撫其民人, 而小國之望也。寡君是故使吉奉其皮幣,以歲之不易 , 聘於下執事 以禮

(五 五

禮記十七少儀篇 樹達按:孔疏云:臣衣送君 云:臣致襚於君 ,則日 不敢 云與君,故云致買人也 : 致廢衣於賈人 0

,

(六)

國策燕策二云:恐侍御者之親左右之說 而不察疏遠之行 也 > 故敢以 報

(七)

又燕策 三云:光竊不自外,言足下於太子

史記卷六秦始皇紀云:今陛下 與義兵 , 誅 殘賊 , 平定天下 , 海 內為郡 縣 , 法合 由 統 , 自 上古以來

未嘗有,五帝所不及 0

樹達按:集解云:蔡邕曰:陛,階也,所由升堂也。天子必有近臣立於陛側以戒 者 掌 臣與天子言, 不敢指 床, 故呼在陛下者與之言,因卑達尊之意 也 不虞。謂之陛

第 ル 章 曲指

述事之曲

甲 通常的

禮記 梁,士飲酒 一曲禮上籍云:歲凶,年穀不登,君,膳不祭肺,馬不食穀,馳道不除,祭事不縣。大夫不食 不樂

樹達按:鄭注云:禮:食殺性則祭先,不祭肺則不殺也

,則辭以疾,言曰:「 某有負薪之憂。」

又云:君使士射,不能 樹達按:孔疏云:不直云疾而云負薪者 , 若直云疾,則似傲慢,故陳疾之所由

,

明非假也。

又三十功記篇云:大夫不坐羊,士不坐犬。

樹達按 :鄭注云::古殺牲食其肉,坐其皮,不坐犬羊, (四) 是不無故殺之。

<u>大快傳公二年云:狄人伐衞。衞懿公好鶴,鶴有乘軒者。將戰,國人受甲者皆曰:「使鶴-鶴實有</u>

祿位,余焉能 戰 Î

食之也 樹 達 按 :汪中姚學釋三九云:鶴無樂乎乘軒 ٥ , 好鶴者不求其行遠 , 謂以卿之秩寵之, 以卿之祿

0 故曰 -鶴實有殿位

(五)

其得罪於天子奈何?見使守衛 公羊傳桓公十六年云:十有 一月, , 朔 而不能 衛侯朔出 使衛 奔齊 小 衆 0 衛侯朔 ,越在岱陰齊 何以 名? 0 屬負茲 絕 0 曷為 , 絕之? 舍不卽罪 得罪於天 爾 子 也

不豫,言不復豫政也。諸侯曰負子, :何注云:天子有疾稱不豫,諸侯稱負茲 子, 民也;言憂民不復子之也 , 大夫稱大馬 , 士稱負薪。 白虎通云:天子病

樹達按

日

(六)

論語十鄉黨篇云:見冕者與瞽者,雖狎必以貌

樹達按:汪中云:冕非常服,當其行禮,夫人而以貌也。惟卿有玄冕;云冕者,斥其人也, 謂

上 一大夫也

七

孟子二公孫丑下篇云:昔者有王命,有采薪之憂,不能造朝 避忌的

0

第 九 章 曲指

漠 文 文 育 修 辭 Cit.

國策秦策五云:王之春秋高 ,一日山陵崩,太子用事, 君危於累卵,而不壽於朝生。

樹 達按:高注云:山 林, 喻尊高也; 崩 , 死 也

0

: 今奉陽君捐館舍,大王乃今然後得與士民相親 o

又趙策二云

: 今媼尊長安君之位而封以膏腴之地

,

多子之重器

,

而不及今令有功於國

,

日

山

陵

長安君 何以自託於趙 ?

崩

,

又趙策四云

叉云 。」 太后 : 老臣賤息舒祺,最少, 日 : 敬諾 !年幾何 矣? 不肖 , 對日 而臣衰 : ,竊愛憐之,願令補黑衣之數以衞 十五歲矣。 雖少, 願及未填溝壑而託之。」 Ŧ 宮 0 没 死

U

樹 達被 : 塡 溝壑 , 謂 死 也 聞

史記卷百八韓安國傳云:今大王列在諸侯,悦 樹達按 於王 . 太后日夜涕泣幸大王 : 74

自改

9

mi

大 Ŧ

終不

覺無

0

有 ,

太后 Ŀ

宮車

即晏駕

,

大王佝龍

一邪臣浮說

犯 如

禁,橈明

法。天子以太后故

· 不

忍

天子死稱晏駕者 $\widehat{\Xi}$, 本謂 車駕當早出 , 今晚出 耳 , 不敢 **斥**言 死也 0

建記 百 -1 魏其 侯 傳 K : 梁 孝王 朝 , 因 昆弟燕飲 0 是時 上未立・ 太子 , 酒 酣 , 從容 言目 : Ŧ 秋之後傳

梁王 o

樹 達 被 : F 秋之 後 , 謂 死 後 也

o

さ

建記 法 平? 卷 百 張 釋 之傳 云 : 今 盗宗 廟器而族之, 有如萬 分之 , 假 令愚民取長陵 抔 土 , 下 何以

七

樹

達

按

:

張晏云

:

不

欲

指

Ħ

9

故

以

取

土臂

也

0

索隱

云

0

蓋

不

欲

言

盗

開

長

陵

0

加

史記 卷百七魏其侯 {傳 云 . Ŀ 初 即位 , 富於 春 秋 0

其 樹 將 達 按 來 小之富於· 師 古 云 春 秋以 : 飾 謂 年 之 幼 也 0 鹵 曆 方人 , 故云富於春秋也 0 按年 幼 為 之所 不 欲 , 故 His

|禮記 其菱乎 檀弓上: 1 旣 籍云 歌 丽 入 : 孔 9 當 子蚤作, 戸 而 坐 負 O 子貢 手 , 曳 聞 杖 之 , 9 消 日 搖 . 於門 ---泰 , Ш 歌 其 日 颓 . 9 則吾將 泰山其颓乎! 安仰? 梁 梁木 木 其 其 壤 壞 平! , 折 人 哲 其 A

猶 娄 在 阼 也 E. , 第 殷 ル 章 殯 於 夫子 兩 曲 楹 殆 指 之間 將 /坛 9 則 1 與 省 逐 主 鹅 灰之也 m ; 夫 周 子 人殡 於西階之上 , 則 獪 賓 之也 īfii IE

,

則

將

安

放

?

也

入

0

:

-

酮

來

何

涯

也

Î

夏后

氏

殯

於

東

州

之

,

則

也

, Ŀ

般

入

日而沒。

也,予疇皆之夜,夢坐奠於兩楹之閒。夫明王不興,而天下其孰能宗予?予殆將死也!」蓋寢疾七

按:黄云師弟子之辭者,子貢為孔子弟子,不忍言其師將死也。

樹達按:黃生義府卷上云:「夫子殆將病也」,病者,師弟子之辭,不敢斥言其死也。樹達

誇 張

 M E 以 賃 不 何 少為 乎! 愜 則 衡 也 於 ? 藝 多也 言審 增篇 心 俗 人好奇 0 諸子之文 云: 莫過聖人 聞 樹達 世 增以 , 不奇, 俗 ,筆墨之疏, 按 所患 爲 ,經藝萬世 : + 観仲任 言不用 ; 見百 , 思言事增其實,著文垂辭, 此文 不易 益以 也 人賢所著 0 , , 為千 故譽人不增其美 可 **殖或出**溢 知形容夸飾之因 0 妙思所 **盐流** 9 之言 增 集 過其 , 9 ' 辭出溢其具 宜 則聞者不快 百傳 由矣 實 如 其 , 之語 增 實 過 9 其實 其意 獨或 0 出 稱 小 増之 , , 人之 美過 皆 毀 有 0 人不 口 其 事為 儻 善 , 經 馳 益 進思 9 数之 間 其 不妄亂 卷 惡 沒其 言 乏 9 間 則 , 聽 罪 如 9 其 其 者

書堯典

}編

: :

日

若

稽古帝堯……

白

姓

昭

明

,

協和

萬

邦

O

也

9

千 荒 協 樹 之德大, 達 服 和 0 被 天之所覆 ŦV. 方 服 外 . 所 論衡 要 9 化 服 11 藝增 及四 也 者 , 地之所 衆 ; 篇云 海之外 言 , 萬 諸夏夷狄莫不 載 : <u>ē</u>, 2 尚書 , 9 , 虚 不 增 之也 於三千之中 粒食之民 協 雍和 和 0 夫唐 萬 國 , , 若穿胸 之與 矣 故 , E 0 是 萬 周 m 美 圆 }倘 , , 儋耳 堯 俱 書 德 治 萬 五千 , , 焦僥 致 國 里 太 _ 4 内 , , 褒增 跂 之化 0 踵 周 過實 之都 時 ۴ 諸侯千七 化 諸 , , 並 以美堯也 夏 合 並 其 百 及 數 九 夷 狄 + ,

> 欲 不

言奏 能 政 0

第 + 章 誇張

Ξ

叉云: 湯湯洪 水方割 , 蕩 蕩 懷 山襄陵 9 浩浩 滔 天

:

:

9

9

論衡語增 篇 云:察武成之篇 ,牧野之戰, ńı 流浮杵 9 赤 地 Ŧ. 荲 0

樹達 (成 徒 ,取二三册而已矣。仁人無敵於天下,以至仁伐至不仁,而何其血之流杵也 倒戈, 按 梅氏偽古 攻於後 文尚 ,以北 書 武成篇 9 血流漂杵 云 甲子 0 又按孟子盡心下篇云:盡信書 昧爽 受率其旅若林 會 於牧野 ,則不 皆欲紂 如 罔 0 無書 有 論 敵 於我 衡 吾於武 藝增 師 篇

北 丸 地 解 高 壌 安肯戰乎! 靡不乾燥 言血 , 兵頓血流 流 浮杵 9 , 亦太過焉 輒燥入土,安得杵浮?且周殷士卒 0 死者血流 9 安能浮杵?案武 , 皆實盛 王伐紂 糧 於牧之野 , 無杵 白之 9 河

云:夫武成之篇

言「武王伐紂

,

血流

浮杵」助戰者多,

放至血

流

如此

0

之亡也

),土崩

甚 , , 其義無害也 安得杵而浮之? 梁劉勰文心雕龍夸飾篇云:襄陵舉滔天之目,倒戈立漂杵之論 0 樹達按 . 劉氏以爲夸飾者得之 ,孟子似誤認以爲實專矣 9 镏 雖已

四

書西伯 戡黎篇云: 西伯 既戡黎 ,祖伊恐, 奔告於王曰 : ……今我民罔不欲喪 0

增 樹 語 無 達 按 不 欲王 欲以懼紂也。 : 論 亡者。 衡 遊増 夫言欲王之亡 篇 故曰 云: 尚書日 . 語不益 : 可 也 祖伊 9]; 情 心不惕; 詠 無不 約日 心不惕 . 增之也。 _ 今我民問不欲喪 , 行不易 紂雖惡 0 9 增其語 民 0 臣 一蒙恩 周 , 者 欲以懼之 9 非 無 也 , , 我 , Thi 冀 天下 祖

其 伊

婚 悟 也 o

五.

詩衛風 河廣篇云: 誰 謂 河 廣? 曾不 容 刀

さ

樹

達

按:文心夸飾篇

云

:

論

狹

則

河

不

容

舠

0

按

.

舠

9

小

船

也

0 詩文

刀

借

舠

0

叉 {小 雅鶴 鳴篇云:鶴 鳴 於 九皐 9 聲 聞 於天

喻君 其 鳴 船 樹 於 形 達 聞 子修德 按 也 慧 0 耳 中 : 0 論 何 目 , 從地 窮僻 則 同 ? 力 , 聽之 , 天之去人 名猶 耳 云:詩 聞 , 度其聲 其 達朝 , 聲 以萬數 云: 「 廷 , 也 則 鳴 於 目 0 鶴鳴 , 見 地 其 遠 聞 其 9 九皐 當復 則 形矣 高 遠 目 不 聞 回 0 , 矣;言: 能見 然則 於 聲聞於天。」言鶴鳴九折之澤, 天 耳 也 , 其開 耳不 H 0 所 夫鶴鳴雲中 開見 於天 能聞 9 , 0 增之也 不過十里 今鶴鳴 , ٨ 聞 0 , 彼 聲 , 從下聞之 言聲 使 , 參天之鳴 仰 聲 聞 姠 IIII 聞 視 於 , 之 天 於 鶴 天 , 鳴 見 目 , 以 近 見 館

以爲 然 , 或 時知 ę 丽 欲以 喻事 , 故增 im 甚之。

於九

皐 以

,

人

無 聞

在 其

天 聲

E

者

,

何

以 鳴

知 於

其 地

聞 當

於 復

天 聞

E

也 天

?

以 其

知

,

意從准

记之也

0

詩

人或時 人從

不 聞

知 之

> , ,

至 如

也

0

從

下

,

則

謂

其

於

,

失 無

、質矣

0

其鶴

鳴於雲中

,

F

鳩

七

又大雅 綿篇 云 ; 周 原 膴 膴 , 堇 茶 如 飴

第

-|-

T

誇張

樹達 被 : 茶 , 苦菜也 0 文心夸飾篇云 : 茶味之苦,寧以周原而成飴?幷意深襃讚 9 放義 成矯

漢

文

文

言

修

辭

図

叉 大 雅假樂篇云:干祿 百 陥 ,子孫千億

0

名也 實 至於千億 樹 達按:論衡藝增篇云:詩 0 紫后 0 萬 稷 言 。言子孫 始受部 衆 多 , 封 衆 故尚書言萬國 多 , 乾於宣王 , 可 也;言 言「子孫千億」,美周宜 9 9 宣王以 千億 詩言千億。 9 增之也 至外族 樹達按:毛序 内 0 劚 夫子孫雖 , 王之德能順天地,天地 血 脈 所 衆 **X** 連 9 不 不 能 能干 嘉 F 億 成 億 Ŧ 0 0 ٥ 夫千 詩 祚之,子孫衆 A 王云 與 頌 萬 美 : , 數之大 增 益 多 其

叉大 雅雲漢云:旱既 達 按 太甚 ,則不可推。兢兢業業 ,如霆如雷 ,不以辭害 0 周 餘黎 志 民 以意逆志,是為 , 膽有 子 遺

0

王

,

乃三家詩說

,

故與毛不同。文心夸飾篇云:「說多則子孫千億。」

九

之民也 其害 樹 云 m : 已矣 詩 言無 日 :孟子萬章上 使今之民也,遭大旱之災,貧羸無蓄積 • , 有子遺 「維周 雲漢之詩日 黎民 篇 人不愁痛者。夫早甚則 |: 「周 云:故說詩者不以文害辭 , 靡 有 於黎民 子 遺 0 , 是謂 靡有子遺 有之矣 周 宣王 0 之時 9 , 」信斯言也 言無 扣心思雨 , 子遺 遭大旱之災也 0 一人,增之也 9 若其富人,穀食饒足者 是周 無遺民 0 詩 人傷 , 也 夫周 0 早 得之。 論衡 之民 之甚 藝 廩困 猶今 民被 如以

不空,口 間,富貴之人必有遺脫者矣。 腹 不 飢 ,何愁之有。 天之旱也,山林之間不枯 而言靡有子遺,增益其文,欲言旱甚也。文心夸飾篇云: ,猶 地之水丘陵之上不湛 也 0 稱 山 少 |林之 則

赡有孑遺

(+)

又大雅崧高篇云:崧高維嶽,峻極於天

樹達按:文心雕龍秀飾篇

云:言峻則嵩高極

天

(十二)

禮記二十一雜記下篇云:晏平仲祀其先人,豚肩不掩豆。

樹達按 其儉也 :清汪中逃學釋三九 (+=) 云:豚實於俎 ,不實於豆 0 豆徑尺 9 併豚 兩肩 , 無容 示 揜 9 此言乎

又十九樂記篇云:武王克商,未及下車而封黃帝之後於薊 樹達按:汪中云:夫封 必 於廟, 因祭策命, 不可於車上行之,此 ,封帝堯之後於祝 言乎以是為先務 , 封 帝 舜 之後 也 於陳

國策八齊策一云:臨淄之金 (十三) , 車轂擊 ,人用 摩 , 連紙 成帷 , 舉袂 成幕 , 揮汗 成 雨

樹達按 第 (:論衡 --漳 | 藝增篇 誇張 云 :蘇秦說齊王曰 : 臨古之中 , 車穀墼 , 人肩磨 , 舉袖 三五 成幕

9

連

衽

成

也 帷 , 賢聖增文。外有所爲 揮 汗 成 雨 0 _ 齊 雖熾 盛 内未 ,不能如此 必然 0 蘇秦增語,激齊王也 0 祖伊之諫斜 ,猶蘇秦之說齊王

0

,

(十四

離騒 樹 云:亦余心之所善兮, 達按 :汪中云:死不能有 雖九死其猶未 九也 悔

(十五)

韓詩外傳 樹達 按 云 : :周公一沐三 清焦循易餘籥錄 握髮 · 卷十一云 飯 \equiv . 吐 哺 淮南氾論訓又 **猶恐失天下之士** 稱馬 一饋 而 十起 ,一沐而三握 髮 ,以勞天下

之民 沐三握髮,一食再吐哺者,正以名節未立也。梁孝元亦豈真有此事哉!(按黃氏日鈔已有是說) , 然則吐 哺握髮乃極形其勤耳, 非真有如是事也 。金樓子云:吾於天下亦不賤也 。所以一

司馬 相如上 林賦云:奔星 更於閨闥,宛虹拖於楯 軒 0

十六

樹達按 :文心夸飾云 (十七) :上林之館,奔星與宛虹入軒

0

史記卷七項羽紀云:樊噲遂入 項王

,

披帷西嚮立

,

瞋

目視

,

頭髮上指

, 目眥

盡裂

(十八)

又卷八十一廉頗傳云:秦軍軍武安西。 秦軍鼓躁勒兵,武安屋瓦盡振。

十九)

又卷八十一 藺相如傳云 . 相如因持壁卻 立 , 倚 柱 , 怒髮上 一衝冠

٥

二十

楊雄甘泉賦云:鬼魅不能自逮兮,半長途而下頗 0

樹達按:文心夸飾篇云:言峻極則頻墜於鬼神 0

東觀漢記云:赤眉降後,積甲與熊耳山齊。後漢書卷十一劉盆子傳云:積兵甲宜陽城西,與熊耳山

樹達按:史通二十暗惑篇云:盆子既亡,棄甲誠衆,必與山比峻,則未之有也。 「前徒倒戈,血流漂杵。」孔安國曰:「蓋言之甚也。」 如積甲與熊耳山齊者 抑亦血 音泰誓 流 云

,

杵之徒與!

二十二

李白秋浦歌云:白髮三千丈。

第 + 拿 誇張

第十一章 存真

一語氣

甲 夏止

 $\widehat{}$

佝害立 政 篇 綴衣 , 虎賁 云:周公若日 ,……』」周公曰:「嗚呼!休茲 : 拜首稽首告嗣天子王矣 知知 , 恤鮮哉 用咸戒 1 於王日 • 王左右常伯 , 常任 , 潍

臣將 樹達 周 禁衛者日 民之長日 公 與羣 按 有 :清閻若襲古文尚書 H 常伯,有任事之公卿曰常任 於王而贊 臣之言錯 虎賁。……」羣臣之辭未畢 之目 H 相 足 : = , 拜 疏 古書無此 手 證 卷 稽首告嗣天子王矣 二云 體 ,周公歎息言曰 ,有守法之有司曰準人。三事之外,掌服器者 二王恭 , 盖 史官在旁親 簡 樵 云 9 : : 見 奉臣皆用 周公以 美矣此官 mi 記 之,所謂 立 im !然 進戒 政之道以 **知憂得** 拢 日 畫 : 人 者 其人者 王牧 為 也 0 本 民 日 9 少哉 之臣 是以 綴 衣 有 率 1 9 掌 牧

=

左傅襄公四

年云:魏絳日 :「諸侯新服,陳新來和,將觀於我 。我德則睦,否則攜貳 。勞師於戎

而 有 楚 窮 伐 后 陳 172 , 必 弗 能 救 公 , H 是 : 棄 陳 -后 也 雅 , 諸 印 並 如 ? 必 _ 叛 對 0 救 日 . , 昔 金 有 獣 夏 也 之 Ŷ 獲 方 菝 戎 失 也 華 , 后 , 無 犁 自 乃 鉬 不 響 [1] 平 於 窮 1 夏 石 訓 因 有 夏 之 民 日 以 *

於 也 田 0 伯 , 眀 樹 之詐 后 寒 慝 棄之 以 取 , 夷 其 葬 政 家 收 之 9 外 , 信 内 咸 而 服 使 之 0 翔 , 以 猶 爲 不 悛 己 相 , 將 0 泥 歸 自 行 媚 田 於 9 家 内 衆 iffi 施 殺 路 而 烹之 於 外 9 , 以 愚 食 乔 其 其 民 子 其 9 其 而 魔 子不

代

夏

政

¢

恃

其

射

也

,

不

修

民

事

丽

淫

於

原

繅

,

棄

沌

羅

伯

因

熊

髡

庞

刺

m

用

寒

沚

0

寒

沚

9

伯

朋

氏

之

讒

7

郛

死 於 彩門 靡 有 氏

忍

食

諸

,

0

奔

鬲

樹 達 按 : 有 窮 后 37 , 語 氣 未 完

0

又襄公 ... 晏子 + ,仰天歎 五 年云 : 日 Ţ 11: |嬰所 , 崔 不 杼 唯 立 忠 丽 於 相 君 之 利 , 社 慶 稷 封 者 爲 是 左 與 相 , 0 有 盟 加 ij 上 人 帝 於 太宮 75 , 歃 日 . -所 不 與 崔 慶 者

0

0

僻

9

因

自

9

.

樹 歃 達 按 : }杜 注 云 . 盟 書 云 0 所 不 與 崔慶者 , 有 如 E 帝 ٥ 書 讀 未 終 9 晏子 抄 答易 其

14

0

漢 日 書 卷 六十 自 唐 魔 \mathcal{H} 之 `凍 隆 方 朔 , 成 傳 康 玄 之 : 際 L 以 , 未 剃 足 П 以 諧 諭 辭 當 給 世 , 好 0 臣 作 伏 問 之 觀 陛 0 嘗 下 問 功 德 朔 陳 日 五. : 帝 之 先 Ŀ 生 視 , 在三 肸 何 Ŧ 加 之右 主 也 0 ? 非 若 剃 此

以 第十 天 F 缸 賢 士 公 存買 卿 在 位 咸 得 其 人 矣 , 醬 若以 周 邵 為 水 相 9 用. E. 為 御 史 大 夫, 太公 為 將 軍

im

E

,

誠

,

畢

四〇

育為鼎官 秋 翊 公高拾遺於 9 , 魯般 史魚 子夏爲太常 爲 為 , | 释 司 將 後 值 作 , 施 , 弁 , , 頭 遊伯 仲山 盆 嚴 , 為右 子 宋萬 玉 甫 爲 為 爲光禄 扶風 衞 爲式 太傅 尉 , , 道候 3 , 阜陶 季路為執金吾 孔 Н 父 伯 ? 爲 爲太僕 爲 大理 曆 事 , 1-, , ,製爲 后稷為司 孫 延 迺 大笑 陵 叔 敖 李 鴻臚 爲 子 農り 為 諸 , 俠 水 伊尹 能逢 相 衡 , , 爲少府 泛為宗正 子産 百 里奚緣 為郡 , 9 子 di. 4.35 伯夷為京兆 屬 贛 , 図 使 王 外 慶 , 國 1 |柳 爲 , 5 , 管仲 期 惠 顏 PH 縞 閔 大 爲 , 爲 夏 博 長 馮

樹達按:『宋萬為式道候』以下,語氣未完。

こ 囁嚅

便…… 語 封 為 非所 卷八 E 國家 俟 (高 守 0 大王不 也 祖 紀云: 0 吾 尊號, 不 甲午 諸 政 當 侠 皆疑不 , 帝位 及將 乃即 相相 0 皇帝位汜水之陽 _ 信 基 與 。臣等以死守之 臣 共 皆日 PH 尊 漢王 . \neg 大王 爲 ° L. 皇 起 帝 微 漢 , 漢王 E 細 , 讓 誅 日 : 暴 , 不 遊 得已日 吾 , 45 聞 定 . 帝 : 四 撤 -9 諸 賢者 , 君 有 名 必以 功 者 也 爲 輒 0 玄 便 裂 H 地 Im

樹 按 : |漢書 改云 . 諸 君 幸 以爲 便於天 下 之民 , 則 闻 矣 0 文氣 完 IIII 原 文之語 態 失 矣 0

(11)

叉卷百 張釋之傳云:今盗宗廟器而族之,有如……萬 分之一…… 假合…… 悉民取長陵 抔 土 9 陛

下 何 以 加 其 法 平

樹 達 按 . 長 陵 , 高帝陵 0 此言人掘高祖 陵 ,故 唱唱 不能出 其言 如 此

0

\equiv

法於王 又卷百 0 八韓安國傳云: 太后 H 1夜涕泣 今 9 幸 大 Ŧ. 大王自改 列 在諸 侠 , 而 , 大王終不覺寤 悅 邪 臣 浮 說 0 , 有 犯 如 E 禁 , 橈 太后宫庫 阴 法 0 郎……晏駕 天子以太后 tic , 大王 , 不 一份誰 忍 致

丙

攀乎?

尚書

顧命云

樹

達

按

: :

清 告君文王 II 聲 倘 書 武 集 £ 注 ,宜重光, 音疏 卷 九 奠麗陳教 云 : 肄肄 重 , 言之者 則肄…… , 與 病 起 氣 開始 不 mi 遠 吃 也

_

:

及帝欲廢太子而

,

大臣間

爭之

,

莫能得

0

Ŀ

以

留侯策

知

即止 建記 其 不 , 可 卷九十六張蒼傳云 ilii 0 周昌 陛下 雖欲廢 延爭之強 太 子 , 上問 , 臣 其說 期 0 期 昌 為 人吃 立成姬子如意為太子 不 奉 , 又盛 部 0 __ 怒 Ŀ , 日 欣 伙 : fin 臣 笑 口 0 不 能 盲 , 然臣 期 期

樹達 按: 正義 云 ÷ 昌以 吃 , 毎 語 故重言 期 期 也

第十

存員

M

語辭

甲 IE 例

建記 卷 129 + 八陳沙 世家 云 : 涉 已 爲 王 9 \pm 陳 , 其 故 人 嘗 與 庸 耕 者 聞 之 , 之[陳 , 扣 宮 門 日 :

E) 由 始

陳涉

港

0

宮門

命欲

縛

, 自

數

乃

置

,

肯

為

通

0

王

出

, 遮道

丽

呼

涉

0

陳王

聞

,

75

俱 見

欲

覦

,

入宮

,

見

殿

屋

帷 Ż

帳

,

客 辩

日

•

夥

頤 不

1

涉之為

E 陳

沈沈

者

Ī

楚

人謂

多

爲夥

,

故 之

天

下

傳 召

之 見

, , 載 哲

涉 與

四 十三 王術 傳 云 : 衍 總

三

寧馨 晉書

兒 卷

Ī

然

誤天下着生

者

,

未

必非 角

此 造

人 山

也 濤

1

嘗

, 儔

嗟歎

良

人

,

旣

去

,

目

Im

送

之

, 日

:

-

何

物

老

嫗

, 生

此

裴政 }梁 太清 實 録云 . 元 帝 使 E 琛 聯 魏 9 長 孫 儉 謂 字文 日 ĵ _ 王 琛 服 睛 全 不 轉 0 __ 公 日 : 癡 奴

1

來 樹達按 豈得 怨我 : 史通 雜說中篇 云 : 此言 與 王邵朱 孝 王所 載相 類 9 可謂真字文之言 9 無媳 於實

錄

矣

使

癡

ᄪ

四

}北 齊書卷十二琅 邪 Ŧ. 士開告來實合萬死 , 謀廢 至 尊 , 剃家家頭使作 m 尼 0

樹達 按 : 同 卷南 陽王 綽 博云 0 綽兄弟皆呼嫡母為家家

五

相

才也

O

舊唐書卷八十 九 狄仁傑傳 云: 武后 謂仁 傑曰 . 安得一 好漢用之ー」 仁傑 日 0 荆州 長史張 東之

載武后 樹達 士也 按: 0 問狄仁傑 嘗 新唐書人張柬之傳 語 吾 : 宋景文作 ___ **股**欲得 唐書 一好漢 9 改文中好漢 , 倘 1 才 是 語 語 , 爲奇士。 遂 雖 勿文 多 易 朱蔡條 前 , 寧不見當時 A (之言 鐵 圍山 , 非 叢談 吐 不 解 佳 卷三云 英氣 也 0 耶 至 君 I : 張漢 Ŧ 景文則易 性 之经 陽 傳 之日 , ,

前 博

史 治

安得 一奇士用之!」 此固 雅馴 , 然失英氣矣 0

六

舊唐書卷 樹達 按 五 十三李密傳云 : £ 鳴盛十七 史商権 : 爲左歸 云 : 侍 新書改作 9 在 位仗下 0 煬帝謂字文述 此兒顧盼不常,無入衞 日 : 個 小 1 兒視瞻異常 此等以 仍舊為 , 勿合宿 佳 0 衞 通鑑 1

七

儂

0

個

小兒

, :

亦|吳

語也

第百八十五卷

煬帝

好效吳語

9

調蕭后日

:「外間大有人 陽儂。」

胡三省注:「

吳人自

第十一章 存真

图

淡

杜 牧 泡 易 尷 秀 才 墓 誌 云 . 生 年 + , 未 知 古 有 人目 周 公 孔 夫子 者

樹 逵 按 : , 所以甚 朱 陸 游 言其 老 學 不學也 庵 筆 記 卷 三云 : 此 蓋謂 世 雖農 夫 卒伍 9 下 至 臧 獲 , 皆能 言孔 夫子 ,

nii

盧 生

八)

不

知

,

。若日

周公孔子

,

則失其

指矣

,

勿

故 活 一代史卷十二 棄之!」 漢高祖 紀 云 : 契丹 耶律 The state 光送高 祖 至 潞 州 , 臨 决 9 指 知 遠 日 : 此 都 軍甚 操 刺 1 無 大

樹達按:徐無黨注 插 刺, 云: 卽 此 意 世俗謂勇 樹達 按 猛 爲 間今蜀 操刺, 人尚 錄 其 本語。 此 語 清 猾 王鳴盛十七史商権卷九十八云:今人 利 害

九

以

雄

猛

爲

當

0

.

有

,

俗

言

0

又卷三十王章傳云:章尤不喜文士,嘗語 + 人日 $\overline{\cdot}$ 此輩與 把算子 , 未 知順倒 , 何 益於國 耶 Ï

矣 又卷三十劉銖傳云 Î : 銤 嘗 切 幽 於史弘肇 楊 邠 等 0 巴 mi 弘肇 等 死 , 鉄 謂 李 業 等 日 : -諸 君 可謂 僂 羅

又卷三十二王彥章傳云 樹 達按: 宋羅大經 + 鹤 **彦章武人**, 林 玉露卷五云:僂羅 不 知書 常 , 窩 俗 俚語 言狡猾也。 ili 人日 歐史閒書俗 : 豹 死留 皮 語 , 甚

:

,

,

٨

死

留

名

0

__

其於

忠

奇

0

兒

義盖 天 作

也

十二)

叉 岳 在 卷 其 五 後 十五劉岳傅云:宰 , 道行 9 數反 顧 相馮道世本田家 0 贊問 岳 1 道 , 反 狀 願 貌質 , [11] 稿 野 , 朝士 ــــا 居日 多笑其陋。 : -7 遺下 道旦入 **兎**園 策 朝 爾 7 兵 L_ 部侍郎 兎園 策 任 赞 與 鄉

?

0

校 俚儒 教 田 夫牧 子 之所 誦 也 , 故 岳 果 以 誚 道 0 道 聞 之 , 大怒 , 徙 岳 秘 書 監

樹 達 核 :宋 陳 世崇隨隱漫錄 卷一云 : 豹死 留皮 , 人 死 留 名 , 朝事梁,幕事晉,一 遺下

者 • 都 頭 甚 操 刺 I 六一公化 俗 部 爲 神 奇 者 也

十三

策

学耳

,

此

雅典一

把算子,

未知頭

倒

, 何

盆

於

君

國

I

可謂傻雞

兒矣!一「

養粥飯

叉卷 不 五十四馮道傳云 惟 皇帝救得 : 耶 0 律德光 人皆以 為契丹不夷滅中國 : 天下百姓 之人者 如 何 , 賴 救得?」 道 言 之善 道為俳語 也 以 對 日 : 此時佛出

+ 29

叉 卷 五十五劉的 傳云:是時三司 聞宣 麻龍的相 , 皆歡呼 , 相賀日 : 自此我曹快活矣 Î

Ŧi.

樹

達

按

上上二

一傳亦皆

用

俗

語

o

+

第一

存眞

叉 卷 Ā. 十七李楊傅 玄 |晉高祖| 深德之, 陰遺人謝松日 : 爲浮屠者 必合其尖 0 蓋欲使松終始 成己

四五

事 也 0

又卷十 漢高 祖 紀云:道牙將王峻奉表契丹 ,耶律德光呼之爲 兒 , 賜 以 木 枴

o

十七)

又卷二十八任園 傳云:天下皆知崔協不識文字而虛有儀表,號爲沒字碑

又卷四十八安叔千傳云: 叔千狀貌堂堂,而不通文字,所為 鄙陋 ,時人謂之沒字碑 0

樹達按 造浮屠 0 公:清王 唐臣任閩傳 , 爲 我 合尖 一鳴盛 : + 0 _ 七史商権卷 漢高 崔協號沒字碑。」 祖紀 : 九十八云 契丹賜以木柷一 安叔千傳:「 :新五代史用 。」今人呼老 俗語 叔千亦號沒 :如李崧傳 字碑 人所 用杖音 :晉高 0 此皆當時 如 祖 夬卦 謂 崧 俚俗 Z 日 夬 : H 9 作 汝 0

十七)

此

字

素雜 卷 玉 二云 鉤 記 斜 云 : 王 : 0 待伴字詩人用之較多 君 待伴 玉謂 人 」「羞明」皆俗語 日 :詩家不 , ·妨閒 如張伯雨 用俗 , तित 採拾入詩 語 「山留待件雪, ,尤見 ,了無 I IJ 0 痕 嘗 春禁隔年花 額 有 雪 , 此 詩 點 云: 瓦 • **飛馬黃** 待 伴 段天祐 不 金手 ·禁鴛 「天寒待伴 也 瓦 冷 翟 9 灝 羞 {通 明

Z 反例 俗編

7,日暮

打頭

風,」皆工巧。

嘗 緗

怯

魏志 紹 乘 ٨ 卷 後 武 , 岩 (帝 操紀云 何 ? 公日 . 公 自 : 將 東征備 夫 劉 備 . 0 諸 人傑 將 也 皆 日 0 今不 : 與 擊 公争 , 必 為 天 下 後 者 患 , 0 袁紹 袁紹 也 雖 00个紹 有 大 芯 力 9 來 丽 見 mi 事 棄 (之東 遲 必

動 也 0 注 引 孫 盛 魏 氏 春 **?秋** 云 : 答諸 將 日 : 劉備 , ٨ 傑 也 , 將 生 憂 寡 人 0

改之, 將 樹 達 何 取 被 於失實也,不 信 . 哉 裴松之注 1 H. 魏 云 武 亦彌遠乎!凡孫盛製書 方以 :松之以 天下廟 爲史之記言 志 , īfii 用夫差分死之言 旣 多潤 , 多用左氏以 色, 故 前 9 易 載 尤非 傷文 所 述 其 有 , 類 如 非 此 實者 0 樹 者 達 非 矣 按 0 : 左傳哀 後之作 0 嗟 1 後之學 者 叉 + 生 者 意

云:「吳王夫差曰:『句踐將生憂寡人·寡人死之不得矣。』」

宋書 卷 武帝紀云: 帝 至 洞濱 9 歎曰 : 此地 施 復 有呂望 耶 Ï

Ξ

拜 四 + 謝 日 五 王鎮 . 一此 ·惡傳 明公之威,諸將之力 云 高 젪 將 至 • 鎮惡於灞上 , 鎮惡 何功之有 奉 迎 9 高 焉 1 祖 **M**勞之日 高祖 笑 : 日 成吾霸 . 卿 欲 業者 學 馮 9 眞 異 也 卿 I 也 1 鎮

悪

再卷

叉

達 2 追 按 思 . 太公 劉 知幾 0 夫以宋祖 史通十 亢 無 雜說 學 中篇 , 患 智所 云 : (宋 悉,安能援引古事以酬答羣 稱武帝 入關 9 以 鎮 悪 臣 不 伐 者 平 , 遠 1 斯 方 不 谯 異 外 矣 , 於渭 濱遊

隱|樹

第十一章 存眞

一四七

漢 文 文 言 修 留字 學.

卷二文帝 天之所 棄, 紀 誰 能興之?」 其 蕭釋之謂乎

周書

云

.

梁

元

帝

遣

使請

據舊圖以

定疆界

,

叉連

結於齊

,

言解

侼

慢

9

太祖

日

:

_

古

人有

Æ.

演

志

,

何

爲

開

我骨

肉

,

生

此

貝錦

?

乃

命斬之

叉 卷二十 七字文測 [傳 云 : 或 有 告 測 與 外境 交通 , 懷二心治 , 太祖 怒 , E : \neg 側 為 我 安 邊 , 五 知 其

無

樹達按 也 乎!」又字文測 0 叉目 : 史通 : 榮權 一十八 爲 汾州 , ·雜說 吉 下籍云 士: , 也 或 譜之 , 寡 : 人 ,太祖 周史述太祖 與之言 怒 , 日 論梁元帝曰:「 . 0 何 __ 為間 此 則三 我 骨 國 蕭釋可謂天之所廢 内 法 , 之 解 4 此 也 貝 0 錦 其 餘 ٥ i , 此 皆 井六經 誰 如 能 此 興 , 豈是 之言 之者

字文 之語 耶

步之外 卷百 + 9 寸 餘 載 而 已 記 9 云 於 • 堅討 是甚 軍 姚 芟 大 振 , 萇 0 衆 堅 危 方 食 艦 , , 去 人 紫 有 奴 渴 日 死 : 者 \neg 0 天 俄 其 而 無心 降 雨 於 , 萇 何 故 營 降 2 澤 営 中 賊 些 水 ? \equiv 尺 ,

应 一苻堅 七

挑 日 齊 樹達 }書 卷二十七万俟 願 核 出 : 死 史通六敍事篇云 力以 報 深 普 恩 傳 0 云 : : 子 案表景仁 浴 字字 受洛干 秦記 稱背 0 高祖以其父普尊老 段 方 征 , 撫 盤 iffi 髛 , , 嘗 E 親 劭 扶上 齊志 馬 述 浴 , T 洛 干免冠 威 恩

9

脫

帽

稿

首

周

崔氏書已亡,故錄晉書載記

規

而 謝

第十二章

以大代小

左傳昭公二十年云:二十年春王正月,日南至。梓慎望氛 弭 0 叔孫 昭子日 :「然則戴桓也 0 汰侈無禮 巴甚 , 亂 所 在也 , 曰:「今茲朱有亂, 0 國幾亡,三年而後

樹 達 按 \:\<u>杜</u>注 云:戴族 華 氏 ; [桓 族 向 氏 0 樹達 按 : 族 大氏 小, 此以大代小也

o

《儀禮 既夕禮云:乃行禱於五 祀 0

士所稿 樹達按 : 鄭注 此門行 云: 祀 Ŧi. , 祀 im 日 , 博 \mathcal{F}_{L} 一祀者 言之。 兰 博言之耳 祀 9 日 0 門 五 9 祀 日 其大名也 行 0 俞氏 , 古書疑義舉例 日 門 , 日 行 3 卷三云 其 小名 鄭 也 0 意 蓋以 樹

按:五 祀者 月日 門 , 日行 , 日 戶 , 曰竈,曰 中露

荀子正論篇 云:雍而 徹 爭 $\dot{\bar{\mathcal{H}}}$ 祀

樹達按

:

劉台拱

云

:

 \mathcal{H}

祀

謂 證也 O 周禮騰夫職云 : 王卒定 ,以樂徹於造 0 造竈古字通 0 大

祝六新 , 日 造 ,故書造作竈 。專言之則爲竈, 連類言之則日 五配,若謂丞相為三公 , 左馮翊

為 輔 也

四

猛子 死焉 梁惠王上篇云 . 梁惠王 日 : 晉國 , 天下莫強焉,叟之所知也。及寡人之身, 東敗於齊

, 長 7

, 西 |喪地 於秦七百里,寡人恥之。

樹達按

:趙注云:

韓魏趙本晉六卿,當此時號三晉,故惠王言晉國天下莫強也。樹達按魏爲二

晉之一, 而惠王稱魏爲晉國,是以大名代小名也。

以小代大

詩王風采葛篇云:一 日不見, 如三秋 分。

樹 達按:俞樾云 : 秋 , ép 三歲 也

漢書卷六十五東方朔傳云:年十三學書,三冬,文史足用

=

樹達按:

愈氏云

:三冬亦即三歲也。學書三歲而足用,故下云十五學擊劍

也

第十二章 代用

Ŧī.

達按

漢 文 文 言 修 辭 颶

孟子 梁 惠王 云 : 孟 子 見 梁 惠 Ŧ

魏 樹 都大梁 達 按 . 組注 ,故號魏為梁 玄 : 梁 惠王 ,是以 者 , 小名代大名也 魏 惠王 也 0 魏 0 9 外國 國名 人稱中國 Ó 魏惠王居於大梁, 爲北京政府 故號 , 是其 日 例 梁 £ 也 0 樹

四

(莊 字. 徐无鬼 云 : 孫 叔 敖甘 寝秉羽 而 郢 入 投 兵 0

Ŧi.

樹 達 按 : 图 謂 楚 9 楚 都 郢 也

呂氏 春秋卷二十三 一维塞篇 云 : 狂 im 以 行 賞 罰 , 此 戴氏 之所以 絕 也

樹 氏 不勝 絕 達 矣 按 , 韓非子 0 : 俞樾 不日 古書疑 內儲說 此 宋之所 有戴驢 義 以亡 舉 例 卷三云 也 爲朱太宰,蓋皆宋戴 , 而 日 : 此 此戴氏之所以 卽 Ŀ 文齊 公之後 做 絕 宋 也 之事 , , 亦是以 世 0 執國 戴 氏為 小名代大名之例 柄 宋公族 , 與 國 同 , 子 休 1 戚 書有 者 0 9 宋亡 戴盆 之戴 則

戴

孟子 梁惠王篇 云: 八口 之家 , H 以 無 飢 矣

人。

さ

樹 達按 : 八 口 七 , 謂八

太玄 Ξ 法次七 云 : 密 網 離 于 淵 9 不 利 F

鳞

0

樹達按:鱗謂魚也。

三 以前代後

左傅良公九年云:利以伐姜,不利子商。伐齊則可,敵宋不吉。

(11)

莊子山木篇云:窮於商周。 樹達按:二商字皆所以代宋字。宋為商後。以商代宋,是以前名代後名也

四 以後稱前

左傳隱公五年云:春,公將如棠觀魚者,臧僖伯諫。

僖伯之孫始得以臧為氏,今於僖伯之上已加臧者,蓋以僖伯是臧氏之祖 公之子。」 諸侯之子稱公子,公子之子稱公孫,公孫之子不得祖諸侯,乃以王父之字為氏 樹達按:杜注云:城僖伯,公子疆也。僖,諡也 。孔疏云:僖伯名疆,字子黻。世本云·「 ,傳家追言之也

。一計一孝

五 以事代人

第十二章 代用

五五三

五四

不

左傳哀公二年 他 日 , 又謂之。 云 : 初 對 , 日 衛 $\overline{\cdot}$ 侯衛靈公遊于郊 野不足以辱 , 社稷。君 子南僕。 夫人在堂,三揖 子南,靈公子野。公曰: 在 下, 余 君命祇辱 無子, 0 將立 女 0

等旅 樹達按 ,士有上中下 揖 ::杜注云:「三揖,卿、大夫、士。」孔疏云:周禮司士云:「孤卿特揖 士旁三揖 0 0 鄭衆云: 」鄭玄云: 卿大夫士皆君之所揖禮 特揖 揖之。 旅, 9 衆也 春秋傳所謂三揖 ,大夫餌同 者 在下 , 衆揖之。 0 , 樹達按: 大夫以其 三揖

六 以私名代公名

卿

,大夫,士三者皆爲君之所揖

,故文以三揖代卿大夫士也。

-

勝怒

9

曰

:

鄭人

在

此

,

讎不

遠矣

0

日 左傳哀公十六年云:遂殺子木。其子曰勝 : 「楚未 節也 , 不然 , 吾不 忘 也。 他 日 ,在吳,子西召之,使處吳境,為白公 9 叉請 ,許之。未起師 ,晉人伐鄭,楚救之,與 0 請伐鄭 之盟 子西

樹達 敵在此也,故下云讎不 按 :杜注云: 比子西於鄭人 遠 矣 。」樹達按白公勝本以鄭人為讎敵 ,云鄭人在此者 , 猶

七 以質代物

左傳傳公二十三年云:我二十五年矣。又如是而嫁 則 、就木馬

禮記

一中庸篇云 : 衽金革, 死 而 不 厭 0

禮記十一郊特牲篇云:歌者在上,匏竹在下,貴人聲也 樹達按:鄭注云:匏,笙也。又按釋名釋樂器云:笙以匏為之,

故曰

匏也

孟子三滕文公篇云 : 許子以釜飯器 , 以 鐵耕乎?

,謂犂

0

四

樹達按:鐵 五

孟子二公孫丑 下篇云:木若以美然

(六)

樹達按:二木字皆謂

棺

孟子四 離婁下篇云:抽矢扣輪 去其金

第十二章 代用 樹達按:

金

,謂

矢鏃

五五五

文 言 修 辭

莊子列禦寇篇云:為外刑者金與木也

樹達按:郭注云:金謂刀鋸斧鉞,木謂極楚桎梏

(八)

荀子禮論籍云:金革辯制而 不入

(九)

樹達按:楊注云:金謂和鸞;革, 車報 也

公民春秋卷二十二水人篇云:功績銘乎金石, 樹達按:高注云 :金 , 鐘鼎也;石 , 豐碑

著於 也

盤 盂

(+)

淮南子卷十二道應篇云:襄子擊金而退之

樹達按:注云:軍法 (+1) : 鼓以 進 衆 3 鉦以退之

樹達按:李注云:金 卷二十八馮術傳云:懷金垂 9 謂 印也

紫

0

第十三章 合敍

漢書卷五景帝紀云:中二年春二月令:諸侯王薨,列侯初封及之國 ,大鴻臚奏諡誄策 0 列 侯薨及諸

侯太傅初除之官,大行奏諡誄策。

誄 樹達按:此謂諸侯王薨,大鴻臚奏諡誄;列侯初封及之國,大鴻臚奏策;列侯薨,大行 故其薨,奏其行迹賜與諡及哀策誄文也。」此不知古人有合敍之法而誤解也 初除之官言,分敍則文繁,故合敍之如此。 諸侯太傅初除之官,大行奏策也。諡誄屬諸侯王及列侯薨而言,策屬列侯初封及之國 應砂注云:「皇帝延諸侯王賓王諸侯皆屬 大鴻 奏諡 臚 太傅

又卷三十三魏豹傳云:齊楚遣項它田巴將兵隨市救魏 樹達按:颜注云 :楚遺項它, 齊遣田 <u>E</u> 0

又卷三十三韓王信傳云:夫種蠡無 樹達按:死謂大夫種 亡謂范蠡 一罪,身死亡。 也

9

四四

第十三章

合敍

一
元
七

漢 文 文 言 修 辭 熚

叉

樹達

按

:

如湻

云:

后

不以爲子

,

太子不以爲兄

秩數

五

卷 四十四 }淮 南 王安 傳 云 : 王 有 孽 子 不 害 , 最 長 , \pm 不 変 9 后 太子 皆不以 為 子 兒 數

卷 四 文帝 紀云: 其 廣 增 諸 祀 壇 場

叉 樹 達 按 . 謂廣 壇 場 , 增 珪 幣 0 |郊| 珄 祀 幣 志 云 : 諸 祀 皆 廣 壇 場 9

叉卷 樹 一百級傅云: 達 按 : 寬 12 說 鄭寬 }尙 書 中 , 張 禹 馬朝 說 夕入 }論 語 說尚書論語於金華殿 0 中

o

圭

幣

俎 豆以

差

加 之

,

मि 證 0

七

叉 卷 一高帝知 樹達按:顏注云 紀云:掾主 . 曹參為 東蕭 何曹參 掾 , 蕭 日 : 何 為 君 È 爲 吏 秦吏 , **今**欲背之, 帥 沛子弟 , 恐不 聽

0

樹達按 $\bar{\mathcal{I}}$ 景帝紀云: :文類注 封故 Z 楚趙 楚 傅相 張 尚 内 史 太傅 间 死 趙夷吾 事者 四 A 趙相建德 子

:

相

9

,

,内史王悍

,

此

四人

各諫其王

一無使反

叉

卷

八

不 皆 殺 之, 九 故 封 其 子

,

叉 卷 八宣帝 }紀 云 . 單 手 枞 氏 子 孫 昆 弟 -及 呼 遨 果 單 于 名 王右 伊 秩 些 H 渠 當 戶 以 F , 將 衆 Ħî. 萬 餘

降 ٥

屠耆單于 樹 達 按: 王榮 之子 商 妨 漢書補 瞀 桃 頭 **注** 也 * 0 闙 單于陽 正 昆 弟 氏 , 謂 子孫 顓 昆弟,言單于之子 渠 閼 氏 之弟 都 降 奇 孫 也 , 0 事. 閼 氏 見 之比 [9] 奴 傳 弟 0 0 單 樹 遂 F 接 £ 孫 : 功臣 ,

+

表

.

成

侯

Ŧ

定

,

以

囪

奴

鳥

椢

屠

慈

子

左

大

將

垄

衆

降

侯

,

則

不

11:

姑

瞀

樓

頭

叉卷 五景帝紀云: 封 故御 史 大 夫周苛周昌 孫 子 為 列 侯 0

樹 達 被 . 史記 景 帝 {紀 云 : 封 故 御 史 大 夫周 **请孫** 平 爲 繩

侯

,

被

御

史

大

夫周

昌

字

左軍

為

安陽

侯

0 是

+

孫

繫

周

昔

,

子

係

|周

昌

也

0

史記 卷十文帝 樹 達 按 : 机 謂 九 郡 月 守 畝 , 初 相 頭 0 郡 國 守 相 為 銅 虎符 使

狩

0

紀云 郡 或 二二年 守

+==

三國 蜀 志卷五諸葛亮傳云 :侍中侍 郎 郭攸之 費禕 黄允 等 , 此 皆良實 3 志 慮 忠 純

允 , 然 則 亮傳 侍 rþ 侍 郎 者 9 侍 中 係 郭 攸之費 韓 人 , 侍 郎 係 壶 允 也

樹

達

被

:

蜀志

卷十

四

] 費禕傳

云

:

侍

中

郭

攸

之

費

禕

0

叉

卷

九董允

傳

Z

:

侍

1

郭 0

攸

之

費

緯

9

侍

郎

董

第十三章

合敍

五 九

也

周禮 地官封人云:凡祭祀 樹達按:實疏云:其牛將殺 ,飾其牛性,……其其水臺。鄭注云:水臺給殺時洗腐性 ,不須飼之,又充人已飼三月,不得將殺始以水豪飲飼 。水所以洗

文爲證

莖也

| 0 禮記

祭統篇說祭祀君迎性

事 也

云:士

執 芻

0 注法

:

芻謂

豪也

,殺性

時用

薦之

0

亦引周禮

性,稾所以薦牲,故雙言洗薦牲

0 孫治

讓周禮

正義卷廿二云:說文禾部

: 棄,

程

也

;

程

,禾

十四)

孟子三

滕文公上篇云:蓋歸反藥桿 imi 掩 之。趙岐 注 云:藥裡 . 籠臿之屬 , 可 以取

屬藥,以雨釋裡 也

樹達按:說文六篇上木部段注云

:

藥即標之假借

字

9 可

以昇土者

;

梩

可 以

雨

地

揠

士:

者

0

趙以籠

1:

者

也

屬釋

(十五)

滕文公下篇云:「 引而 置之莊 撒之聞 。」趙 岐注云:「 莊嶽 , 街 里 名 也 0

樹達按:顧炎武 0 注云 :六帆之道 日知錄卷七云 。昭十年:又敗諸莊。哀六年:戰于胜,敗 : 莊是街名,嶽是里名。 左傳 襄二十 。注並同 八年 : 0 反陳于嶽 得慶氏之木百 注法 車於

嶽,里名

,莊

漢書卷四十九量錯傳云 : 勁弩長戟,射疏 及遠 , 則匈 奴之弓弗能 格

也

樹 達 按:胡三 省云 : 勁弩 所以射疏 ,長戟所以及遠 也

十七七

漢書 卷八十九循 東王成 傳 云:後詔 使丞相御 史問 郡 國上計長吏守丞以政令得 失 0

守 ٥ 後漢 百官志 : 諸 侯 Ŧ 相 加 太守 , 長 史 如 郡 水 , 長史上 計 無 疑 矣 0

樹

達按

: 劉攽云:

長東守丞吏當作

史

0

郡

使

守

水

或

使長

史

9 皆

物也

9

故

總

言郡國上

計

搓

史

十八)

後漢書卷四十二光武十王傳 , 賛云 . 光武十子 , 胙土 分王 0 沛獻尊節 楚英流放 , 延既怨詛 開 亦 觖

,

,

濟南陰謀 ,琅邪 騎宕 ,中山 臨 淮 , 無 聞 天 喪 0

樹

達

按:

·姜宸英

:

聞

山

,

0

E

丽

薨

,

無

-5-

,

或

除 中 , 山 故 無聞 云 , 0 岩 , 臨 4 雅 Ш }洪 卓 (園) 卓 喪 國 {札 }記 9 \mathcal{T}_{i} + 卷 較爲 İ 굸 年 矣 明 , 白 無 , 而 , 而必合 李注: 指 中 云 言之者 天喪指 E 早 終 , 殆因上文六句分指 臨 , 名 准 也 聞 未 臨 著 淮 , 非 未 机 爲 浦 0 獻王 , 樹 達 輔 核 9 文 楚王 自 英 闻 云 9

阜陵 Ŧ 延 廣陵 Ŧ 荆 ,濟南 王康 琅邪 主京 , 故此二何特合言之, 較有變化 死於 板 滯 11

第十三章 合敍

第十四章 連及

私名連及

左傳昭公三年云: 昔文襄之霸也,其務不煩諸侯,令諸侯三歲而聘 君薨,大夫弔,卿共葬事;夫人,薨字承上省。士弔,大夫送葬;足以昭禮命事謀闕而已,無 ,五歲而朝,有事而會 ,不協而

樹達按 :孔疏云

:襄是文公子,能繼父業

,故連之。

其命朝聘之故

,

吊葬之使

,皆文公令之

加

命矣 盟

0

非襄公也。

左傳

昭公九年云:文武成康之建母弟以

蕃 屏 周 ,

亦其廢隊是為

,

12 如

弁髦而

因以敝之!

9

之母弟也。唐叔 樹達按:孔疏云 :傳稱號仲號叔王季之穆,是文王母弟也 ,成王之母弟也 。其康王之母弟,書傳無文。文王 0 管蔡郷霍魯衛毛聃 ,周之始王 , 故言文王 史記以為武王 文

王未得封諸侯也。 樹達:按此文因武王而連及文王,又似因成王而連及康王也

六二

論 班 憲 {問 編 云 : 禹 稷 躬稼 iffi 有 天 下 0

樹 達 按 : 躬稼本 稷 丰 面 亦 稱 禹 0

四

孟子四 離婁下篇 云 . 再稷 當 平 世 , \equiv 過 其 門 而 入

達按 : 三過不入 9 本 禹 事

mi

亦

稱 稷

樹

五

而

繸 國

亦及

華周 俗

之妻 0

孟子六告子下篇云:華周 善哭其夫 (六) iffi 變國 杞梁之妻, 俗 , 本 松梁妻事 善哭其夫 imi

樹達按:

叉云 : 伊 14 瀍 澗 飢 入 於河

七)

書禹貢云:江漢朝宗於海

0

漢入江 |樹 達按 , : 閻 江 方入 若璩古文尚 海 , 因 書疏證卷六之上云:余嘗謂:古人文多連類而及之,因 江入海 ,漢亦同之。伊瀍澗悉入洛,洛方入河, 因洛入河 其 3 幷 並及於伊 及

北

澗 皆 連 類之文也

第十 四章 連及

六四

二 公名連及

-

左傳 昭公十三年云:鄭 9 伯 男 也 , 而 使從公侯之貢 ,懼弗給 也

樹達按 連男言之,猶言曰公侯,足句辭也 (:杜注) 云:言鄭國在 . 何 服外,爵列伯子男, , 杜用王 說 不 0 應出公侯之貢。孔疏云:王肅注

Z;

:鄭伯

隻子滕子薛伯齊世子光吳人**都**人于戚。傳云:吳何以 春秋公羊經 襄公四年云 : 仲孫蔑衞 孫林父會吳于善稻 稱人?(何休注云:據上善稻之會不 。秋 , 公會晉侯朱公陳侯衛侯鄭伯 曹伯 稱人。 莒子邾

樹達 按 : 據 傳 說 5 則 吳人」之稱 由於與「鄶人」 連稱 imi 並及之也 0

吳剛人云則不辭

春秋信公十八年云:冬,邢人狄人伐衞。又信公二十年, 秋,齊人狄人 八盟于邢 0

樹達 , 二十一年書狄侵衞 僖公 按 : 春秋莊公三十二年 八年書狄伐晉 ,二十四年書狄伐鄭 9 十年書狄滅温 , 狄伐邢 , , 此為狄見於春秋之始 十三年書狄侵衛 ,三十年書狄侵齊,三十 , + 0 四 繼 年 此 書狄侵鄭 一年書狄圍衛 īfii 見 者 , 閔 , 十八八 公二 • 年 华 + 書 書秋 狄救 $\dot{\Xi}$ 年

狄侵齊,十三年書狄侵衞,以狄為主名之事凡十八 書狄侵齊,文公四年書狄侵齊,七年書狄侵我西鄙,九年書狄侵齊,十年書狄侵宋 見,皆只稱狄 , 無一例書於八者 • 0 獨 车 此

齡,二人字皆出於連及也

經

,

與邢人連稱

,

與齊人連

稱

,則皆稱

狄人,然則此亦以云

「邢人狄」「齊人狄」

為不

書

事名連及

史記卷百六吳王濞傅云:擅兵而別,多他 樹達按:利害,害也 利害

0

叉 卷十六刺客傳云:多人不能無生得失。

樹達按:得失,失也

又卷百五倉公傳云:生女不生男 , 緩急 無可 使者 Q

74

又卷百二十四游俠傳云:緩急,人之所時有也

第十四章

违及

漢

樹達按 : 緩 急 , 急 也 0

五

後漢書卷六十九何進 傳云 : 先帝嘗與太后 不快 9 幾至成敗 0

樹達按: 成敗 , 敗也 0

六

[吳志卷十九諸葛恪傳云 : 朝贏縮 ,人情萬端

三國

樹達按:贏縮 , 縮也 0

七)

又卷 孫皓傳 注 云 : 蕩同 異如 反掌 0

四達被: 同 異 , 異 也

|樹

資治通 樹 達按 鑑云 • 虞翻 作 表示呂岱 也 0 , 爲 愛

僧

所

白

0

: 愛憎 (九) 9 僧

建臨終詩云 : 潛 圖 密已構 , 成 此 禍 脳 端

晉歐

陽

樹達按

:

禍

福

,

祁

也

0

樹達按

:

此

種

對待之餘

,

Œ .l.,

負 , 連 類 河用時 ,

往往意在負

im 連及 其

一六六

第十四章

連及

正,以上所舉例皆然。

四 物名連及

(1)

易繁辭云:潤之以風雨。

樹達按:風不能潤物,

(11)

禮記十三玉藻篇云:大夫不得造車馬

樹達按:馬非可造之物。

論語十鄉黨籍云:沾酒市脯不食。

第十五章 自 釋

釋人

左傳莊公十八年云:號公晉侯鄭伯使原莊公道王后於陳。 陳娟歸於京師 0 寶惠后

美?」 國策 卷八齊策云:鄒忌脩八尺有餘 其妻日 : 君美甚 , 徐公何能及君也 I 城 北徐公 , 齊 國之美麗者 也

,

而形貌昳麗

, 朝

服

衣 冠

9 窺鏡

, 謂 其

妻 日

:

我

孰

與 城

北

徐公

0

Ξ

呂氏 春秋卷十 仲多紀云: 紂之國母三人 : 其長日微子啓 9 其 次日中行 9 其次 日受德 0 受德乃

四

紂

也

0

史記 也 卷七項羽紀云: 沛公北嚮坐 , 張良 西 一嚮侍 沛公與飲

項

Î

卽

H

因留

,

項王項伯東嚮坐,

亞父南嚮坐

,

1

亞父者

,

范增

五

又卷八高祖 女 , 願 為季箕帝妾 }紀 云 高 0 祖 酒 竟 酒後 罷 , 呂媼怒呂公 ,呂公日 : , 臣 日 少好 : 公始常欲 相 人,相 奇此 人多矣, 女, 無 與 一貴人 如 季 海浦 相 ٥ **介善公** 願 季白愛 , 求之 1 臣 有息 9 不

與 o 何自妄許與劉季 ?」呂公曰:「 此非兒女子所知也。」 卒與 劉季 0 呂公女乃呂后 也

卷五十八

又

邪計

八梁孝王世 家云 : 自 山以東游說之士莫不畢至 0 齊 人羊勝公孫詭之屬 公孫詭多奇

七

叉 卷百十四東越傳云 . 及諸侯畔 秦 , 無諸 格率越 歸 鄱 陽令吳芮 0 所 謂番 君 者 也

八

警鐵 澤之饒 論 禁耕篇 0 云: 異時鹽鐵未籠 , 布衣有胸那 胸 , 那吳王 ,皆鹽鐵初議也 0 人君有吳王 ,專

釋地

昭公

九

年

月

庚

申

,

楚公子

乗

疾

遷

許

于

,

實

城父

樹

達 按 : **杜** 注 云 : 此 時 改 城 父為夷 , 故傳實之 夷

第十五章

自櫸

六九

七〇

文 育 修

漢

又昭公十八年云:冬,楚子使王子勝遷許於析 , 實白羽

樹達按:杜注云:於傳時白羽改為析 0

(三)

又定公十年云:夏·公會齊侯於礼其 實夾谷

樹達按:杜注云:夾谷即祝其也 0

74

又定公十三年云:齊侯衛侯次于垂葭 , 實 即氏

樹達按:杜注云:垂葭改名郹氏

釋事

樹達又按:據以上諸傳杜注

,似文記新改之名,

則以舊名釋之,記舊名則以新改之名釋之也

仁主閉守城門,坐縱太子, 卷百四田叔傳云:月餘,上遷拜仁爲司直。數歲

, 坐太子事

9

時左丞相自將兵,令司直田

75 吏誅死

又卷八十二田單傳云:莒人求湣王子法章,得之太史嬓之家 , 爲人灌圈 皦女憐而善遇之。

(三)

又卷九十九叔孫通傳 云: 於是二世命御史案諸生,言反者下吏, 非所宜言 諸言盜者 皆能

一四

又卷百十三兩越傳云:乃爲佗親冢 在具定 置守邑,歲時奉祀

<u>=</u>

又卷 何請 I 百七魏其武安侯 灌 夫亦持丞 和陰事 傳 云 蚡 0 言:一 為数 灌夫家在 利 , 受淮南王金與語 潁川 , 横甚; 民苦之, 言 0 請 賓客居閒 案 0 上日 , 遂 • 止 , 俱 此 解 水 相 事

,

(六)

又卷百一十匈奴傅云:於是漢悉兵 多步兵,三十二萬 北

(七)

漢書卷三十一項籍傳云:於是梁乃求楚懷王孫心 八 在民閒 ,爲人收羊 官比司 直 立以為楚懷王

又卷七十二,鮑宣傳云: 第十五章 九 自釋 拜宣為司隸 0 時哀帝改司隸校尉但為司隸 ,

1七

尊

漢

文

文

言

修

辭

學

發 叉 吏 卷 捕 七 + A , 放 汪 謂 算 尊 傳 : 굸 : 詔 守 書 京 所 兆 尹 捕 宜 9 後 密 0 爲 _ 真 厚 0 日 凡 : 三 嵗 治所公 , 坐 遇 Œ 使 者 , 京 無 兆 禮 善 , 漏 洩 人 司 事 隸 遣 0 _ 假 放 佐 日 放 : 奉 詔 所 書 白 捕

吏

0

尊义

日

:

詔

書

無

京兆

文

,

不

當發

吏

0

及

長安繁

者

Ξ

月

開

千

人以

Ŀ

,

19

坐 宜

有

馮

免 0 + 云 . 澧 少 府 9 八 歲 , 大用 之 出 為京兆 尹 , 試 以 政 事 , 京

叉卷 趙 翊 廣 代 駿 漢 七 十二王 張 稿 15 敞 Ŧ 肝 尊 [書 0 Ŧ. 傳 章 , 至 駿 皆 有 能 名 2 故 成 帝欲 京 師 稱 日 : 前 有 駿 道 張 , 後 有 Ξ E 0 _ ini 薛宣 從 左 兆

宋書 卷 九 -Ŧi. 索 屏 + 傳 云 : 若 厭 其 副 字 者 , 力而 可 來 平城 來 如 居 三歲 , 我 製兒 往 楊 州 住 , H 知 īij 博 其 1: 地 , 馆 人謂

爲

博

彼年

E

 $\exists i$

+

,

未

嘗

出

戶

, 雖

自

,

,

復

(p)

1

换

第十六章 錯綜

名稱

甲 姓與名錯舉 先姓後名

賈誼新書云:使曹勃不能制。 樹達按:謂曹參周勃。

樹達按:謂閔子騫曾參也。

樹達按:謂嚴安徐樂也

第十六章

鉛綜

潘岳夏侯常侍誄云:子之承親,孝齊閔參。

江淹別賦云:雖淵雲之墨妙,嚴樂之筆精

七三

丑 先名後姓

\subseteq

班固幽通賦云:周賈盪而貢憤。

樹達按:謂高柴,顯考叔。

漢斥彰長碑云:喪父事母,有柴顏之行

2 姓與字錯舉

先姓後字

樹達按:謂曾參,閔子騫。

t

馬融長笛賦云:彭胥伯奇,哀姜孝已。

樹達按: 彭胥謂彭咸伍子胥

0

晉夏候馮張平子碑云 樹達按:謂宰我子貢 : 同貫宰買

0

丑 先字後姓

漢巴郡太守樊敏碑云:有夷史之直。

樹達按:謂伯夷史魚。

姓與國錯舉

丙

漢書卷六十四徐樂傅云:名何必夏子,俗何必成康

之俗未必不復與也

第十六章

錯綜

樹達按

:服虔云

夏

,

禹也;子·湯也

0 湯

0

,子姓。樹達按下文云:禹陽之名不難作

,

而成康

七五

二字之稱上下錯舉

漢書卷五十五霍去病傳云:票騎將軍去病率師躬將所獲董允之士。 先上一字後下一字

後漢書卷八十崔琦傳云:今將軍累世台輔,任齊伊公 0

樹達按:服虔云:堯時日熏鬻,周曰獫狁,秦曰匈奴。王先謙云:葷同煎,允同狁。

樹達按:李賢注云:謂伊尹周公。樹達按稱公不妥。

丑 先下一字後上一字

漢書卷六十七梅福傳云:孝武皇帝好忠諫,說至言,出得不待廉茂,慶賜不須顯功。 樹達按:康茂,謂孝康茂材

漢書卷六十杜欽傳云:覽宗宣之饗國。

樹達按:韋昭云:宗,殷高宗也;宜,周宜王也。樹達按:稱宗不安

(三)

漢應砌風俗通正失篇云:袁彭清擬夷叔,政則冉季

樹達按:夷叔,謂伯夷叔齊

二組織

甲 名詞與其狀詞

詩小雅谷風篇云:習習谷風,維山崔嵬。

樹達按:習習,狀詞

,在谷風之前,崔嵬

,狀詞

,在名詞山字之下。

詩大雅桑柔篇云:大風有隧,有空大谷。

列大風之下, 樹達按:王引之經義逃聞卷七云:有隧,形容其迅疾也;有空,形容大谷之辭也。樹達按有隧 有空列大谷之上。

一七七

第十六章

錯綜

春秋經僖公十六年云:隕石於宋五。是月,六為退飛,過宋都。

樹達按:此文五在石字之下,六在為字之上。 俞樾古書疑義舉例卷

以書 ?記異也 0 則取錯綜之文而整齊之矣

說,穀梁有散解聚僻之義,乃作傳之體例如此

,

非

經意也

0

樹達技:公羊傳云:「 云云

Ŧi

石六鷁何

:公羊有記

聞

記見之

74

論語十 鄉黨篇云:迅雷風烈必變

Ti.

云:吉日兮辰良。

楚辭 六

淮南子 主術篇云:夫疾 風 m 波興 , 木 茂 imi 鳥 集 ٥

樹達 按 : 俞樾云: 意林引此作 風 疾 m 波

興

9

由

不知古人文法之變而以意改之。

足與

0

(七)

史記卷百二十九貨殖傳云: 八 陸地牧馬二百蹄, 牛蹄角千,千足羊,澤中千 0

七八

樹達按:俞樾云:弓善弓惡 9 即善弓惡弓, 與善馬惡馬同義。范望注以善惡連反字讀,失之。

Z 主辭與述辭

易雜卦云:豐多故, 親寡 , 旅也 0

樹 達按:豐多故,先主辭,後述詞;親寡旅,先述辭,後主

詞

0

詩大雅思齊篇云:肆成人有德,小子有造;古人之無斁 ,譽髦斯 士 0

,

惟成人有德,故古之人無斁

樹達按: 惟小子有造,故譽髦斯士。古之人即書無逸枚傳所謂古老之人。無斁,謂不見厭惡。 爾雅曰:「 俞樾云:古之人與髦斯士文正相配。 豫,樂也,安也。」毛鄭均未得其解 此承上二句而言 0

通

0

也

樹達按:

俞樾云

:

大戴禮記夏小正篇正月云:梅杏杝桃則華。杝桃,山桃也。緹縞。縞也者 , 莎隨也;緹也者 , 其實

傳曰「先言緹而後言縞, 何也? 紀先見者也 。」乃曲爲之說

第十六章 一四四

錯綜

一七九

0

崔篆御史箴云: 簡 上疑霜 , 筆端 風起 0

丙 動詞與其賓辭

小雅采綠篇云:之子于狩,言韔其弓;之子于釣,言綸之繩

詩

與 繳 樹 Ŀ 0 達按:鄭箋云:編,釣繳也。君 向号字 樹達按:箋訓綸爲釣繳,而以載弓繩繳對舉, 對也 0 疏云: 謂釣竿之上須繩 子往符與?我當從之為之難弓;其往釣與?我當從之為之繩 , 則己與之作繩 則以繩爲動字 , ,與上句報字對;給爲名字 以繩爲名詞 , 誤 矣 0 本 俞樾

9

說 O

(=)

詩小雅 節南 Щ 篇云: 弗問 弗 仕 , 勿 图 君 子 ; 大 夷 1 已, 無 小人殆 0

樹 達按 : 俞 樾 奉 經 平 {議 云 : 此 言 勿罔 君 3 , 無殆 小 人也

周禮大宗伯云:王后不 與,則攝而嶌 紀立婆徹 0

樹達按 F , 此不 : 俞樾云 得其解而為之解 : 臈 9 遊徹即 薦 日徹 邊也 , Ιį 野 11 0 買流日 :凡祭祀皆先薦後徵 , 放退徹

在文

呂氏春秋卷四誣徒篇云:故不能學者……於師盟,懷於俗,覊神於世

(五)

楚辭云:蕙肴蒸兮蘭藉,奠桂酒兮椒漿。

(大)

(七)

太玄止次八測云:反弓馬狼,終不可以也

韓愈太原王君墓志銘云:安身功立,

無愧於國家可

也

丁 介詞與其賓辭

 \subseteq

韓愈柳州羅池神廟碑云:春與猿吟兮,秋鶴與飛。

三 上下文之關係

易坤文言云:陰雖有美,含之以從王事,弗敢成也

第十六章

錯綜

0

地道也,妻道也

,

臣道也

,

地道無

成而代有終

八一

也。

樹達按:末句單樂地道,不言臣道妻道

禮記三十一中庸籍云:郊社之禮,所以事上帝也。

樹 達 按 :郊 礼上 帝 , 社 祀 后 1: 9 此 不 言后 +

(III)

左傳昭公九年云:先王居梅机於四裔以禦魑魅 ,故允姓之姦,居 於 瓜 州 0

按:杜注云:言橋机,略舉四凶之一;言四局,則三苗在其中

0

(四 四 樹

達

孟子六告子篇云:或日 之子且以爲君 而有微子 啓王 :有性善 子比干 ,有性不善。是故以堯爲君而有象 0 今日 性善 , 然則彼皆非 歟 ? , 以善腹爲父而 有舜 , 以 补

樹達 子比 按 干 0 : 顧 並言之, 炎武 日 知錄 則於文有所 卷 七云 :以 不 便 紂 , 為弟且 校 舉此以該彼 以爲 君 iffi 9 此 有 7 微 子啓 人文章之善 , 以

約為兄之子且

以爲

君

ini

有王

(五)

杜詩云:不聞夏殷衰,中自誅褒妲。

樹達按

:

顧炎武

, 日知錄卷二十七云:夏殷不言周, 喪 不言妹喜 , 此 古人互文之妙

第十七章 顚倒

詞的顚倒

甲 趁韻

句末韻

詩唐風搗羽篇云:肅肅搗羽,集於苞栩

樹達按:恆言黍稷

,此倒云稷黍

,以與上文羽. ,王事靡盬

栩 9

為韻

不能蓺稷黍 0

0

又豳風東山篇云:我東曰歸,我心西悲。製彼裳衣,勿士行枚。

樹達按:衣裳倒云裳衣,以與上文歸悲下文枚為韻

又小雅常棣篇云:妻子好合,如鼓瑟琴,兄弟既翕, 樹達按:通言琴瑟,此倒言瑟琴,以與下文祗字為韻 和樂且湛 0

第十七章 顯倒

八三

四

又,小雅頍弁篇云:有頍者弁,實維在首,爾酒既旨,爾稅既阜,豈伊異人,兄弟 甥舅

又大雅靈臺篇云:於論鼓鐘,於樂辟醮 (六)

又大雅思齊篇云:惠于宗公,

神罔

時

怨

9

神罔時

恫

9

刑

于寡妻。

至于兄

弟

, 以

御

于

家

邦

五

七)

又大雅生民第云:實類 八 實 栗, 即有部 家 室

九

又大雅既醉篇云:其

《僕維何?釐爾女士;釐爾女士,從以

孫

子

齊叔

樹 達按

:

以皇祖

皇妣

例之,文當云皇考皇母

,

而云皇母

皇考者

,

取考字與下二句壽老為韻

也

湿

命 難

老

+

夷鐘云 : 夷用作鑄其寶鐘 , 用 昌 于其 皇 祖 -皇 妣 -皇邸 皇考 , 用 HVF 眉 15 ,

鵬鳥賦云 :忧迫之徒 , 或趨西東,大 八八不曲 , 意變

海同 0

淮南子原道篇云:無所左而無所右,蟠委錯紾,與萬物終始

漢漂陽長潘乾校官碑云:翼翼聖慈,惠我黎蒸 ,贻我潘君 平茲 溧陽

也

樹達按

:吳玉播金石存卷九云:此倒用蒸黎字以押韻

。樹達按

: 蒸

陽古韵

不叶,漢人用韻粗

丑 句中韻

詩王風君子于役篇云:君子于役,不日不月,曷其有佸!雞棲于桀,月之夕矣,羊牛下括。君子于

,苟無飢渴 樹達按:子其之牛四字,古韻皆在哈部

役

1

Z 非趁韻

詩邶風雄雉篇云:雄雉于飛,下上其音,展矣君子,實勞我心。

第十七章 頭倒

一八五

一八六

叉齊 (風 南山篇 云:莪麻 如之何?衡從其畝;娶妻如之何?必告父母

易林訟之困云:苕菡未華。

樹達按:說文一 篇下艸部云:「扶渠華未發為菡萏。」

此倒言之。

句的顛倒

甲 ・主語與述語

禮記 孟子七盡心下篇云:盆成括仕於齊。孟子曰: · 恒弓篇云:伯魚之母死,期而猶哭。夫子聞之,曰:「 死矣 , 盆成括 誰歟 I ,哭者?」

淮南子齊俗篇云:韓子聞之,曰 呂氏春秋十八重言篇云:少頃,東郭牙至。管子曰:「子耶,言伐莒者?」

:「獨臣失禮而弗誅 ,是縱過也。 有以夫,平公之不霸也一」

 $\widehat{\underline{\boldsymbol{z}}}$

史記卷八十三餐仲運傳云:亦太甚矣!先生之言也。

(六)

漢書卷七十二王吉傳云:是非古之風也,發發者;是非古之車也,揭揭者

乙 因句與果句

禮記一權弓篇云:蓋殯也,問於耶曼父之母。

內 雜例

 $\frac{1}{2}$

之,無使罪至,爲吳太伯,不亦可乎!猶有令名,與其及也。」 左傳閔公元年云:上為曰:「太子不得立矣。分之都城而位以卿,先為之極,又焉得立?不如逃

— 八

第十七章

顚倒

一八七

第十八章 省略

省字

甲 姓省稱

王逸九思云:管束縛兮桎梏,百貿易兮傳賣 單稱百

樹達按:百里奚與管對言,

應稱百里,此

0

晉書卷四十二王藩傳云:世祖旌賢,建舊亮之嗣 樹莲按:諸葛省稱葛 0

(III)

樹達按: 東方朔省稱東朔,東方姓省去一字。

四

趙彥昭侍宴桃花園云:長年願奉西王宴,近侍慙無東朔才。

一八八

李商隱詩云:玉桃偷得憐方朔

樹達按:謂東方朔

(五)

又云:梓潼不見馬 樹達按:謂司 馬 相

相 如

如 0

0

樹達按: 謂司馬

光

0

宋呂惠卿表云:面折馬光於經筵

,

廷辨韓琦之奏疏

名省稱

春秋定公六年云:季孫斯仲孫忌帥 師 圍鄉

左傳定公四年云:晉文公為踐土之盟 樹達按:何忌單稱忌 **晉重** , 魯申 , 衞武

第十八章 省略 :

,

蔡甲午

, 鄭捷

,齊潘,朱王臣

,

衞

成公不在

,

夷叔其母弟也

,

婚先蔡。其載書云:「

王若

莒期。」藏在周府 , 可覆視也。」

一八九

樹達按:晉文公名重耳 單 稱 重 0

又昭公元年云:君子曰:「莒展之不立,乘人也 按 : 展興 單 稱 展 0

夫一一

樹

達

:東國單稱東

樹達按

0

穀梁傳昭公二十一年云:蔡侯東出奔楚。東者

,東國

也

四

Ŧi.

· 史記卷三十三魯世家云:惠公卒,長庶子息攝當國 樹達按:息姑單稱息 。梁玉繩云:「 脱姑字,」 , 非也 是為隱公。 0

(六)

又卷三十五管蔡世家云 樹達按 :振鐸省稱鐸 :公孫 0 彊 不 修厥政, 叔鐸之祀 忽諸

七

又卷十一景帝紀云:以 樹達按:青翟單稱青 御 , 史大夫開封侯陶青為 漢書作青雀 水 相

九〇

(元)

揚雄法言云:或問屈 原相如之賦。子曰:「原也過以浮,如也 過以虛 0

九)

漢費鳳別碑云: 司馬慕蘭 相 , 南容復白主 0

+

樹

達

按:漢司

馬

相

如

, 慕

藺 相 如

之為人

,故名相如。此相如單稱相

晉皇甫謐釋勸 達按: 謂 云:榮期以 榮啓期 ٥

樹

樂威尼父

: 鄭真 躬耕以致譽。 7

叉云

達按 : 謂 鄭子真

(十二)

|樹

0

穆子容重立太公廟碑云:盧忌置碑 , 僻據山 阜

樹達按:謂 廬無忌也 0

(十三)

岳馬汧督誄云:齊萬哮闞 ,震驚台司

第十八章

省略

潘

九

齊萬 亦孔之醜

0

又潘岳關中詩云 樹達按:謂齊萬年 :紛 紅 也 0 ,

十四四

葛洪抱朴子云:秦西以過厚見親

0

樹達按:謂 秦西巴 0

十五)

樹達按 : 謂 申包肾 ٥

晉書卷七十一

孫惠傳云

:竊慕墨翟

中包

十六)

李白奔亡道中云:中包惟慟哭,七日鬢毛斑 0

樹達按:申包胥省稱 申包, 與晉書孫惠傳 同 ٥

十七)

樹達按:陶弘景省稱陶景 Q

戴叔倫答處上人宿玉芝觀見寄云

:

n

愛割溪僧

,

獨尋陶景舍

0

十八)

白居易答四皓廟云:君 看齊鼎中 ,焦爛者雕 其

0

九二

樹達按:酈食其省去食字

丙 字省稱

班固幽通赋云:巨滔天而泯夏。

樹達按:王莽字巨君,單稱臣。

三國志卷三十八蜀志秦宓傳云: 樹達按:嚴遵,字君平。

仲尼嚴平會聚衆書以成春秋指歸之文。

唐楊巨源詩云:不聞遠玉學知非 0

四)

樹達按:謂蘧伯玉

:楊雲謂楊子雲

0 子雲

樹達按

五

第十八章

省略

孟浩然初出關旅亭夜坐懷王大校書云:永懷蓬閣友,寂寞滯楊雲。

9 楊雄字也

九二

漢 文 文 言 修

杜湋晚秋寄猗氏第五明 樹達按:孔子弟子宏不齊字子賤 府解 縣 韓明府云: 0 **灞埃袁安履,汾陽宓暖**

(六)

孟郊寄陝府鄭給事云: 樹達按: 陶潛字淵明 賞句 , 此省 類陶 稱淵 淵 0

0

姓字連省稱

:

馬卿自敍

0

史通卷十六雜說篇云 樹達按:謂司馬長卿。

戊 官省稱

陸厥詩云:如 姬臥寢內 , 班婕坐同車 0

樹達按:

謂班婕好

九四

琴。

己 諡省稱

稱惠王 王 ,趙悼襄王止稱 王 止稱武王 襄王, 漢諸 昭襄王 葛 忠 武侯 止稱 武侯 ,莊襄王

0

,

11

11: 王 相

一稱莊王

,韓昭釐侯止稱昭侯,宣惠王止

稱宣

惠文子 題炎武

止稱公 ,悼武

公叔文子

, 晉趙獻文子

止稱文子 稱昭王

,

魏 惠成 後

IL 沿

稱 止

惠王 稱一

寒王 衞

止稱襄王

秦惠文王

日知錄卷二十三云:古人諡有二字三字而

人

字者 , 楚頃

0

之叡聖武公

止 ,9

稱 武 公

, 魯 止

庚 譯名省稱

張衡東京賦 樹 達按 云 . 謂 : 呼韓邪 呼韓來 單于 享 0 0

地省稱

昭公二十七年云 : 吳子欲因楚喪而伐之, 使公子掩餘公子燭庸帥

左傳

第十八章 省略

九五

師

圍

層

,

使延州來季子聘于上

騨

國,遂聘于晉以觀諸侯 漠 文 文 言 修 隦

省詞

樹達按:杜注云:季子本封延陵,後復封州來,故曰延州來。

甲 承上省

名詞

子 主

解

左傳定公四年云:整人為食,吳人及之,奔,食而從之。

樹達按:本當云:楚人奔,吳人食而從之,承上省去

0

樹達按:本當云:中都,小都,承上省略。

又隱公元年云:大都,不過三國之一;中,五之一;小,九之一。

九六

齊策云 : 鄒忌 脩八尺…… H H ,客從 外來 , 與 식 談 0 問之客 百 : 吾與徐公孰美?」

樹達按:本當言忌與坐談

四

國語周語下云:今部伯之語 犯 , 叔迁 , 季伐 0

-賓辭

左傳襄公九年云:使華閱討右官,官庇其司, 向 戊討左 ,亦如之

樹

達按:

右官謂右師

9 左謂

左師,

此文計

左

,

左下承上文右官省官

晏子春秋云:景公問於晏子:「 治國何忠?」 日 : 息夫社鼠。夫國亦有焉 ,人主左右是

也 0

狗 樹 達按:本當云 」二字不省 : 夫國 亦有社鼠,承上省去。下文云:「夫國亦有猛狗 , 用事者是也。」「猛

寅 領位解

禮記十三玉藻篇云:君羔幦虎植,大夫齊車; 接: 俞樾云 : 此 言人君 羔虎植之車 , , 鹿幦豹 爲大夫之齊車;人君 植 朝 車

0

樹

達

第十八章

省略

九七

鹿幦豹植之車

,

爲大夫之朝車

也 0 鹿幦」上亦當有「君 一字,「

漢

文

文 育

修

辭

學

朝車」上亦當有「大夫」字,承上而省也。

春秋隱公六年云:冬, 宋人取長葛

樹達按:杜注云 Ŀ 有「伐鄭園長萬」, 長葛鄭邑可 知 , 故 不言 鄭 也

史記卷百十一篇青傳云:剽姚校尉去病……斬單于大父行籍若侯產,生捕季父羅姑比 季父,亦單于之季父也, 承上句「 單于大父行 **」省去單于二字** 0

樹達

按

:

90 加解

春秋宣公元年云:公子遂如齊逆女。三月 ,遂以夫人婦姜至自齊 0

, 竟也

0

竟 但 果

夫人

非也

又成公十四年云:秋,叔孫僑如如齊遊女。九月,僑如以夫人婦姜氏 樹達 名者 樹達 按 , 按:公羊傳 省文。 : 再見之僑如 云: 遂何以不稱公子? 不稱叔孫 9 與 Ŀ 例同 事 0 左傳以稱叔孫為 imi 再 見者 , 卒名 尊君 也 0 何休注云 命 至 自齊 ,不 稱 者為質 : 卒

金文女雙聲云:女變重觀于王,癸日,變面貝朋。用乍作 雙傳

樹達按 :女鏤,蓋姓女名鏤。 銘文初稱女變,再三見只稱變,省文。

辰 先目後凡

侯 春秋信公五年云:公及齊侯宋公陳侯衛侯鄭伯許男曹伯會王世子于首止 盟于首止 o 公羊經作首戴。 秋八月,諸

樹 樹 達 達 按 按 公:公羊 : 前 国 省 傳 云:諸侯何以 , 歷 舉齊侯宋公陳侯以下 不序 ? 事 七君 mi 再見者 也 0 後 3 凡 前 者 目 mi , 總 後 稱諸 R 也 侯 0 也 何注 0 }說 - - - : 文二 ·省文, 部 云 : 從 凡 n 知 , 冣

括

也

又襄公二十 院同盟 五年云: 公會晉侯宋公 衛侯 鄭伯 曹伯莒子邾子滕子薛伯杞伯小邾子于 夷儀 0 秋 八 月己

樹達按 :杜注云:夷儀之諸侯也。孔疏云:僖五年公羊傳是言前序後總,取省文之義,故此直 h.

言諸侯猶是上夷儀之諸侯也

E

, 諸

于重

0

又定公四年云:三月 第十八章 ,公會劉子晉侯朱公蔡侯衞侯陳子鄭伯許男曹伯莒子邾子頓子胡子滕子薛伯杞 省略

九九

,

此

伯小邾子齊國夏于召陵,侵楚。五月,公及諸侯盟于皋鼬。

樹達按 共盟者還是前會之諸侯 : 杜注 云:諸侯,總言之也 , 前已歷序 , 0 孔疏 故於此總言之也 云:書經之例 ,諸侯先會而後盟,皆前目而後凡

下 動詞

子 内動詞

左傳莊公二十八年云 : 先君 以是 舞也 , 習戏備 也 。今令尹不尋諸仇讎 , mi 於未亡人之側

,

不亦異

平!

樹達按:本當云:而尋於未亡人之側,承上省去尋字。 彝 , 用 也 0

又襄公十二年云:凡諸侯之喪 樹達按:「於宗廟 ・」「於祖 () 異姓 廟) (173 ____ , 臨於外;同 於禰 廟 姓 _ _F. ,於 均承上文省 宗 廟 ; 同宗 蹈 , 於 中学 祖 廟 3 同 族 , 於 繭 廟

0

左傳 昭公二 年 云:山 木 如市 , 弗加 於山 魚 鹽 雁 蛤 > 弗 加 於 海

樹達按:杜注云: 買如山 海 不 加貴。孔疏 云 : 如 訓 往 也 , 言 將山 木往 至 市 也 0 於木旣云

0

如市

魚 1 歷 蛤亦如市可 知,蒙上文也

四

又宣公十二年云:執事 ,順成爲臧,並爲

樹達按:逆下應有成字, 省去

五

孟子二公孫丑上篇云:王不待大。湯以七十 里,文王以百里 0

樹達按:本當云:湯以七十里王,文王以百里王 0

(元)

呂氏春秋卷十三聽言篇云:善不善, 本於義 ,不於愛

樹達按:本當云:不本於愛

(七)

史記卷十三三代世表序云:詩言契生卵,后 詞 稷人迹者,欲見其有天命精 字 ,並省介詞「於」字 誠之意耳

樹達按:此例「后稷 八八

」下省動

生

: 縦横 」下省去「 對 字 ٥

漢書

卷六十四嚴助傳

Z:

具以

春秋

對

,

毋以蘇秦縱橫

樹達按 第十八章 省略

漢

丑 外動 詞

左傳文公三年云:君子是以 知秦穆公之爲君 也 ,舉人之同也 ;孟明之臣也, 其不解也, 能懼思也

•

達按:本當云:孟明之為臣也 , 省 去 爲 字 0

樹

晉語云:醫和曰:「上醫醫國,其次疾, 固醫官 也 0

樹達按:本當云:其次醫 疾

孟子四雛婁上篇云:視天下悅而歸己,猶草芥也

生若聞古人・」下一 聞 字不 省

樹達按:本當云「猶視草芥

也

0

此類例有不省者,

如國策蘇秦之楚章:楚王曰・「寡人聞先

四

四氏春秋卷十九舉難籍云:人傷堯以不慈之名,舜以卑父之號,禹以貪位之意,湯武以放弑之謀

五伯以侵奪之事

<u>T</u>.

建記 卷十七漢與以來年表序云:周封伯禽康叔於魯衞,地各四百里,太公於齊, 兼五侯地

0

漢書卷二十五郊祀志下云: 樹達按:本當云:封太公於齊 嗣參山八神於曲城,蓬山石社石鼓於臨朐,之眾萊山於月無

,成山於不

夜,萊山於黃。

(七)

漢書卷七十八蕭育傳云

.

咸最先進

,年十八,爲左曹;二十餘,御史中丞

樹達按:本當云: 為御史中丞 0

(八)

又卷八十八儒林傳云:霸為博士,堪譯官令。

樹達按:本當云:「 爲譯官令。」

寅 外動詞與賓語

左傳莊公三十二年云:故有得神以興,亦有以亡。

樹達按:本當云:「 亦有得神以亡。」

孟子五萬章上篇云:予,天民之先覺者也,予將以斯道覺斯民也,非予覺之而誰也? 第十八章 省略

樹達按:本當云:「非予覺之而誰覺之也。」

國策衛策云:衞嗣君時,胥靡逃之魏,衞贖之百金,不與,乃請以左氏。 樹達按:本當云:乃請以左氏贖之。

乙 探下省

子 名詞

樹達按:三十下並省載字。

0

孟子三滕文公籍云:夏后氏五十而貢,殷人七十而助,周人百畝而徹 樹達按:五十七十下並省畝字。

0

(111)

史記卷二十七天官書云:其南為丈夫,北為女子喪。

樹達按:丈夫下省喪字。

長安令田終術師也。

云:

方進

雖受穀梁

然好左氏傳天文星歷。

其左氏

,則國師

劉歆,星歷,則

樹達按:本當云:國師劉歆師

丑 動詞

論語十五衞靈公篇云:躬自厚而薄責於人,則遠怨矣。

樹達按:本當云:躬自厚責。

漢書卷九十六西域傳云: 樹達按:渠勒龜茲下並省接字。于閩 行彌南與渠勒 ,東北與龜茲 下云:南與羌接 西西 , 北與姑墨接 北與姑墨接 ,即不省

寅 外動及其賓辭

第十八章 省略

二〇五

列子云:楊子之鄰人亡羊,旣率其黨,又請楊子之豎追之。

樹達按:本當云:既率其黨追之。

(11)

史,次者中二千石試事,滿歲以狀聞。 漢書卷七十八蕭望之傳云:時上初卽位,思進賢良,多上書言便宜,輒下望之問狀。高者請丞相御

樹達按:丞相御史下省「試事」二字。

丙 承上探下兩省

詩大雅召晏篇云:維昔之富不如時,維令之疚不如茲。

省,下句應有昔字,承上省。 樹達按:亡友會運乾云:此言維昔之富今不如時,維今之疚昔不如茲也。上句應有今字,因下

三省句

甲 承上省

湯同人云:九五:同人先號咷而後笑,大師克相遇。桑傳云:同人之先,以中直也。

先以中直也。」王引之云:同人之先,謂同人之先號咷而後笑也。先者,有後之辭也,言先而 樹達按:易疏卷二云:同人之先以中直者,解先號咷之意。但象略號咷之字,故直云「同人之

 Ξ

後見矣

又隨云:六二:係小子,失丈夫。六三:係丈夫,失小子。隨有求得,利居貞。聚傳云:係小子

勿兼與也。係丈夫,志舍下也

赐乾云:九三:君子終日乾乾,夕惕若,厲无咎。桑傳云:終日乾乾,反復道也 樹達按:王引之云:六二傳省「失丈夫」之文,六三傳省「失小子」之文。

(四)

又坤云:六四:括骥,无谷无譽。桑傳云:括骥无咎,愼不害也。

五

又蒙云:初六:發蒙 , 利用刑人,用說桎梏,以往客。繁傳云:利用刑人,以正法也

大

第十八章 省略

二0七

又泰云:九三:无平不陂 ,无往不 復 0 艱貞 , 无咎 。祭傅云:无往不復,天地 際也

七

又隨云:上六:拘係之 乃從維之,王用享于西山。象傳云:拘係之,上窮 也

0

叉无妄云:六二:不耕 獲 ,不茁畲, 則利 有攸往 0 8.傅云 : 不 耕獲 , 未 富 也

(九)

又離云:九四:突如其來如,焚如, + 死如 , 棄如 。象傳云: 突如其來如 无所容

也

又鼎云:六五 :鼎黃耳金鉉 +--, 利真。 象傳云: 鼎黃 耳 , 中以爲實 119 o

又中学云:六三:得敵, 或鼓, 或罷, 或泣, 或歌。象傳云:或鼓或罷 位不當也

2 語急省

禮記 哭 , 子夏亦哭, 一幢号上篇云:子夏喪其 日 : 天乎! 子 予之無罪也 而 喪其 朋 I 0 付 曾子 子 弔 怒 2 月日 日 : : 商 五 一女何 聞 之也 無罪 : 朋 也 友 1 一 吾 與 喪明 則哭之 公女事 () 曾子 夫子

泗之閒 , 退而 老於 西 न्त्रा 之上 , 使 西 河之民疑女於夫子, 爾罪 也 喪爾親 , 使民未 有聞 焉 , 個 罪二

也 喪 例 子 喪 爾 明 3 爾罪 \equiv 也 0 丽 日 女 何 無 罪 與 1

樹達按:本當云:而日女無罪,女何無罪與一

管子立政九敗解云:人君唯毋聽寢兵,則羣臣賓客莫敢言兵。

擬兵 樹 達 , 按:王念孫 則 攀臣賓客莫敢 云: 毋 言兵 , 証 , 詞 , 無義 以語急省去一句。 0 樹 達按 : 王說非 果如王說 也 0 文本當云 , 不 唯毋字 : 無義 人君唯毋聽寢 , 卽 唯字 亦為 兵 , 聽

矣。

卷百 }馮 唐傳云 : Ŀ 既開廉頗李牧為 人 , 良說 , mi 搏髀曰 : 嗟乎 1 吾獨不得廉頗李牧時 爲

, 吾豈憂匈奴哉!」

建記

樹 達 按 : 本當云 : 吾若 得 廉頗 李牧為 將 , 吾豈 憂 匈 奴 哉 1

又卷百二 11 以不 知 春秋 十太史公自序 ; 守 經 事 云 而 : 不 故 知 有國者 其 宜 , 遭 不 槌 म 41 以 不 imi 知 不 ~春秋; 知其 權 前有 髭 ılıi 弗 見 , 後有 賊而不知 0 爲 人臣者不

樹 这 按 : 兩 不 Щ 以 不 知 森秋」 句 下 , 本當有 不 知 赤 秋 旬

第十八章 省略

二〇九

附 錄 文病 若 干 事

內兄 體 梁 浮 劉勰文心 則云「 疑 存 輕 輕 樹 達 焉 0 0 爾 按 禮記 威手 浮輕 雕 。」又植弓上篇云:「 : 潘岳金鹿哀醉云 陳 龍 有似 玉 思 指 澤」,傷弱 藻 Ŧ 瑕 篇 武 於 篇 胡 帝 云 云 : 誄 蝶 : 子 , ---陳思之文 云 : 父沒 : 則 永蟄 云「心如 將反如 孔子觀送葬者 面 幽 颇 不 疑 9 能讀 翠才 於昆 疑 扃 疑 父之書 之俊 0 蟲 9 口 尊 9 省 禮文在尊 施 , 靈 也 長 之餘極 日 永 , 0 顧 手澤 蟄 : iffi 0 0 }武 存 極 善哉為 ,豈其 帶 按金鹿乃岳幼子, 又冬至 焉爾;母沒 前 ?誄 云 當乎 施之下 : 喪 獻 平 **鈴**靈 韤 İ 1 流 imi 始 潘 其 杯 云 岳 永 , 僻 往 卷 6 為 蟄 故 不 雖 也 才 ز 劉云施之下 能 翶 足哀 9 加 飲 翔 善 }明 慕 馬 於 帝 萬 ,義斯 , 域 哀 (公) , 其 文 П 9 云 流 反 澤 聖 替 . 也 之氣 體 矣 然 悲 如 浮 聖 o

0

,

今為 隋颜 孫 方 楚王 父於 此 之推 驃 蟲 言 騎 {家 9 , 則 誄 PL }訓 文章篇 婦於 朝 云 廷之罪 : 考也 奄 云 人 忽 . 0 蔡邕楊 也 登 陳 遐 0 思 Ŧ 0 E _ 乘碑云 粲 (武 側 陸 帝誄 楊 機 父沫 德祖 : : 詩 云 統大麓之重。 遂深永蟄之思 : 云 0 億兆 \neg 我 宅心 君 餞 0 之, 潘尼 , 敦 潘 贈盧景宣 其樂 敍 拞 悼亡 百 洩 揆 池 0 {賦 詩云 0 : L_ 姊誄 不可妄施人子,况儲 : 乃馆 云:「倪天之和。」 九五 手澤之遺 思飛龍 0 0 是

君乎

叉云 死 , 乃言 :詩云:「孔懷兄 : 痛 心 拔 腦 弟 7 有 0 如 孔 孔 懷 , 甚 0 也 L , 懷 旣 痛 9 思也 矣 , 卽 , 言甚 為 甚 可思 思 , 也 何 0 故 言 陸 機 有 與 長 如 沙 也 顧 母 1 書 觀 其 述 從 此 意 祖 弟士 , 當 璜

親兄弟為 孔 懷 __ 0 詩云 : 父母 孔 邇 • īfii 呼二親 爲一 孔 邇 L_ , 於 義 通乎

按 . 此用歇後 语之病· 也

樹

達

74

又勉學篇 如薺;」 鶴起登 吳臺」。 云 故戴暠詩云: . 談 說 吾有 製文 , 親表七夕詩云:「今夜吳臺鵲, 援引古昔 長安樹如薺 , 。」 又都下有一人詠樹詩云 必須 、服學 , 勿 信 耳 受 亦 往共填河 0 莊 生有 : 乘時 0 遙望長安藝 L__ 羅 鵠起之說 浮 山 記 0 云 9 故 . 皆耳 謝 望 朓 學之 詩日 平 地 過 樹 .

Ŧi.

也

唐

之言今, 劉知幾 史通卷五 實孝武之世 因習篇云:史記陳涉世家稱:「 也; 固之言今,當孝明之世也 其子孫至今血食,」 0 事出百年, 語同 理。 漢書涉傳乃具載遷文。 即如是 , 豈陳氏苗 案遷 裔

流 東京者

(六)

: 漢書云 嚴君 平既卒,蜀人至今稱之。」皇甫證全錄斯語載於高士傳 0 夫孟堅士安年代懸

附 錄 叉云

漢 文 文 育 修 辭 恩

七

1

至

之說

,

贵

मा

同

ż

1

叉級 事籍自注云:王沈魏書鄧哀王傳曰 而分以爲三, 亦敍屬之 病 也 : 容貌姿美 ,有殊於衆,故特見寵異。」 裴松之日

:

類

柚 達 按 : 謂容貌 姿 字 義 也

0

宋洪

陶 或 豕 馮 之盛 邁容齋隨筆卷四云:韓文公送孟東野序云:「 , 其 善 0 _ 鳴者而假之以鳴;變假於韶以鳴 然 則非 所謂 不 得其 车 也 0 伊 尹鵙殷 , 周公鳴周。」 叉云 : 「天將 和其聲

物不得其平則鳴。」

然其文云:「

在唐

虞時 īfii

使 ,

鳴 谷

九

|宋|孔 父乎 İ 平 此 伸 珩璜 范氏 新論 不 擇 之罪 云:後漢書梁愷傳 0 : 陳忠上疏薦愷 ,言 ; 臣父龍前忝司空。 忝 豊可 施於

樹 達 按 . **忝字訓** 厚

0

+

對 : 宋玉 耳 目 | 不明 文:「豈能與之料天 0 -目 言明 , म 也 ; H 言明, 不可 也 0

地之高哉!一

天言

高

, व

也 ;

地言高

,

不 可

也 0

後漢楊厚傳父統

叉云

:

+

之義 宋 邵 博聞見後錄卷十六云 0 東 坡司馬文正行狀 • :「二聖嗣位。」 周詩 : 太姒嗣徽音」者,太姒嗣太任耳。太任於太姒 哲宗於神廟 為 子 , 日嗣位 , 則可;宣仁后 , 君姑也 於神廟 為母 , 有

日 位 , 則 不 山 0

+==

叉同 卷云: 曾南豐讀歐陽公畫錦堂記「 來治於湘,」 真州東園記「泛以畫舫之舟」二語, 皆以 寫 病 o

(十三)

社 米陸 道君數之, 一般之憂 游 老 學庵 , 非子獲 又不應日 筆記 卷四云 巴。」 温宗 最為精當,人以比陸官公與元赦書 ,彦章亦悔之。信乎文之難也 :汪彥章草 赦書敍軍 典 征斂 , 其詞 0 **X**: -0 然議者謂 八 111 自太祖 祖宗之澤, 至哲宗方七世 豈汝能忘 ; , 時

樹達 按 : 此 宋欽宗 時 事 0 道君者 , 徽宗也 0 時徽宗尚 在 9 故不 得云 加 宗 0 思意 此 文若 改 Z

世 , 以 事 油 出 之 則 善 矣

+ 应

宋費袞梁谿漫志卷十云 0 如 安祿 Ш 傳 回回 忍 . --之類 旦 是也 字乃「 不可」之合, 其義亦然。 然史傳多連用「 叵可一字 蓋重

+ 主 出

附 錄

70

٥

高

朱子 膩 未崩 (語) 類 , 安 卷 得 百三 高祖 4 之號 四 云 }漢 }史 書 記 盡 亦 改之 疑 當 矣 時 不 0 左傳 ·曾得 删改 只 有 脫 處 稾 云 0 : 高 }祖 陳 {紀 記 桓 太公處 公 方有 稱 龍 於 高 王 祖 , 此 樣 處 甚 多

(十六)

於國 叉云 節了 吳王 家 : 之大 呂東 段 體 萊 甚 . 0 吳王 只於 不 取 於 班 淮 南 朕 固 王 , 0 兄 下 如 添皆字 也 載 文 , 惠 帝 , 仁 **建** Z 以 儲 : 好 認 _ 德 云 皆乘德以 0 : 准 楚王 南 王 陪 , , 股 弟 季 0 父 也 也 , 秉 蓋陪字訓 , 德 春 以 秋 陪 高 輔 朕 9 閱 , 9 提 以 天 此 爲 下 言 不 之義 豫 弟 則 哉 理 म 多 I 矣 , 言 固 2 逐 明

可乎?今史記卻載全文

0

+

七)

督 州 任 宋 之西 劉 79 , 郡 非 裁 陽 要 仲 0 州 _ 通 , 則單為 新 鑑 南 北 蔡 問 朝 疑 , 晉 刺 時 云 軍 史 熙 : 任 14 ٥ 道 郡 ь 甚 原 是 重 諸 日 軍 刺 , : 史不 都 事 齊百官 江 督 쁩 州 加督字者 刺 虛 名 史 志 哉 0 : 晉宋 1 9 ~南 不 晉太康中 得總其 建 法: 但 . 云 it. 江 統 , 州 州 内 刺史 軍 刺 領 郡 事 史 冶 九 也 , 民 務 , 0 , 豫 檀 欲 都 州 道 省 督 文 領 濟 治 都 郡 , 軍 不 + 督 事 II 知 9 害 illi 州 0 之江 義 道 至 也 濟 惠 it 夏 帝 0 得 乃 , 像 幷

朱子 , 故 語 日 類 卷 百三十 然 不 可 九云 不 戒 . 0 歐陽 後 旣 公 }<u>£</u> 不 欲載之於 代 建定 者 此 傳 , 末 丽 句 移之於 云 : 彼 然 , 不 則 山 此 不 句 戒 當 0 改 , 當 偶忘削· 時 必 有 去 載 故 張承業 也

事

在

+

八

+

九

者 元 白 (詩 珽 港淵靜 玄 -伐 語 柯 卷 伐 ___ Z 柯 : 其 潘 (則不遠 岳 詩 : 0 引 <u>_</u> 謂去京不遠 領 医望京室 , ٥ 南 路 岳如此 在 伐柯 命意 0 五臣 不亦太迂乎 注 : 南路 , 京 道

,

伐柯

二十

:

9

[書載 鄭 向 清 天 故 m 之學行 望天 焦循 自 志意不相 言 此 葱嶺 , 哉 易 事 易 丽 之所 云 以 餘 井 於 1 篇錄 河 九 合 合 <u>_</u> : 為 奇 及 北 , 0 水皆 游 李延壽删 雅贊扶馬鄭 卷八云 執 , , 游株 自葱 雅 義 非 西 人 守 雅 嶺 流 . 之言 去「 馬 以 0 北史 , 鄭 2 推 毎 東 游贊 者 此 如 1 至於易訟卦 , }儒 其 也 此 丽 0 林 意 類 سا 扶 言 0 (傳 馬鄭 |奇日 逐 陳 9 , : 奇於 終 自 示 \neg 愁嶺 不 回 : 游 \mathcal{H} 經 荷 天與水違行 明 9 雅 字 從 易 常 西 與 非 理 , , , 陳奇 · 豊南 縣廣 其 馬 雅 事 融 姓 論 鄭玄 護 向 遂不 9 典 望天 , 短 包含字宙 語 雅 明 解經失旨 , , 因以 E 哉 o 至易 1 8 又誤以 為 -0 {訟 嫌 若如 雅 自想領以 , 掛 所 性 0 註論語 公公言 _ 護 東向望天」為「 天 此 短 文自 與 西 9 , 水 自葱嶺以 天 , , 遂 水皆 其 暢 以 八義多 行 爲 達 西 嫌 <u>-</u> 0 蓋是 異 西 流 , 0 南 雅 奠 , , 豊東 间 玄 推 按 時 日 빞 魏 馬 :

二十

,

0

清翁 志 云 云卒年 方綱 : 卒於 復 岩 初齋文集卷十七 Ŧ 江寧之里 , 不 知其 第 為 0 何 書姜宸英湛園未定豪云:周櫟園 歲 豈有官廨可稱里第者 0 徒以詞氣若 效史遷 平 , Ţ m 志其 目爲古文, , 人之生平而日 何 南祥 可乎 符人, 某科 官江 進 山南布政 一士者 , 使 不 0 知 ıfii 其何 其墓

ニナニ

附 錄

后 清章學誠 附合一若因薄后以太后崩而中無緊援 崩 , 皇后廢。」 Z 卯 | 割記 按本紀及薄太后傳 云: }漢 書外戚 傳:「 , , 太后崩於景帝 景帝薄皇后,薄太后家女。景帝立,立為皇后 故牽連書之,則太后崩句不應實於六年之下,文意亦晦而 二年, 薄后實廢於景帝六年, 相 去四 0 六年 车 , , 뿝 海太 未 可

(1+=)

出

也

叉云 :隋地理志不敍四十二州刺史所部, 樹達按:此模古之病 也 o 而強分禹貢九州, 乃文章之紕繆

(川十四)

樓子不及徐妃事,蓋書有缺也 又云:南史后妃傳:「梁元帝徐妃淫通多人。及死 或有述徐妃 事 爲 戒 者 耳 0 如 南史傳文 。第金樓子文多依理 , 似金樓子 書専 ,中有后妃三篇 ,以屍還徐氏。帝製金樓子,述其徑行 為 述徐妃浑事而作 ,亦載古今后妃內行 ,文法未分明 也 可鑒戒 0 今金 者

(二十五)

樹達

按

:

逃」上增

嘗

,

則

無此病矣

0

又云:元 乖清 真之體 人魏初為其父墓碣 (二十六) , 書其祖父不以文願,乃云「 虞夏文不勝質,」 自撈文語以代敍事,

大

六

孟浩然李氏園林臥疾云:伏枕嗟公幹,歸田羨子平。 子,非名也。倒用確為文病。 樹達按:清張雲璈四寸學卷三云:以張平子有歸田賦,倒用其名,僅見。樹達按:張衡字平

−書號: 9018・108

定 價: 0.85 元